

于湖小集

附金陵雜事詩
漚篴擬墨

一









于湖小集

附金陵雜事詩
漚篴擬墨

一

袁昶撰



中華書局

于湖小集

此據漸西村舍叢
刊本排印初編各
叢書僅有此本



題詞

僕曲木散材。局迹代農。迴旋依隱。耽陸沈而無遠志。觸物寓興。偶拈韻語。率逞胸臆。不求工律。但取剽剝。儒墨。刑度情僞。寫蕭寥獨往之趣。寄虛己遊世之指而已。閒亦感世變之遭屯。憤龍拯之藝術。慙九流之湛濁。睹羣策之艱柱。綆短不可以汲深。故守雌以葆用短。矧今無傷於敵古。故風諫以示砭。今詞儗如隱。誼婉方暴。亦頗宗尚阮籍孫綽。許詢帛道猷。高允顏黃門。王無功。柳子厚之徒。於莊老靡謝。山水未滋。勃率迴穴。淞嶂蕭瑟之際。致其鯁理。發其興趣焉。甫里檄人本無情於祿仕。瞿硎拙吏不欲標其名姓。世有詆爲旁門癖謬者。蓋漠然無所饒於中焉。光緒甲午秋九芳郭鈍安漫識於避舍蓋公堂。



于湖小集目錄

詩一

再泊楊村

奉答悉伯贈行之作

海船中臥處適當奔輪戲拈爲題

三月廿一日泛海三首

福山

自來滬上困於塵勞未能追尋舊游一粟庵南園龍門精舍諸勝邀家竹式上舍同作三詩

欲挂

四月朔日乘江輪船西上

望鍾山

咏連理桐

時客居皖江行館

江上



于湖小集 目錄

旅館排悶

酬包懷甯兼懷仲修作楚游

戲咏懷甯土風

次韻答聯仙蘅太守

僊老牙齋清寂宛如僧舍案無滯牘餘事作詩草窗藥榭時手一卷枯坐其中昨再以喜雨詩枉示

復招讌集漫咏四章泚筆率呈

送篁西李使君

調馬船西大令

登知稼樓懷南海張公

題沈蘭桂場尹聽海圖

清晨偶書

家竹式上舍自上海來見訪信宿而去

題金蓋山圖用蘇文忠遊道場山何山詩韻

意有未盡別作一首



簡沈約齋陳吟鉢

和友人夜出至湖隄小橋上望月

寄榆園逸叟

前詩沈約齋劉積堂陳吟鉢皆有和章不意僻左之域佳客斐然成一詩社走自來于湖去京國談
茗文游之樂而就簿領束縛之勞意常忽忽不自得藉非諸君子珠玉崢嶸潤枯枿熨寒窘相响
相吹於塵壒之表走又胡所恃以久淹邪因拈前韻分答三君譬之困守蓬蘽者聞戶外足音聲
然而喜雖云習氣未除其亦物類相感而然後有達者觀之良可發一笑耳

所居霏溼江漲欲入戶衣魚盡生窟穴書冊中兀坐深齋殊渺佳趣

諸君屢和前韵見示復戲答

九月初至皖口僦一破屋而居

移西晴望

戲簡同年台州王子裳太守

再和五代楊景度絕句詩帖

和李西臺觀東明寺後楊景度書壁詩

于湖小集 目錄

贈童次山提刑

陪仲修同年游赭山塔院卽送其將赴鄂州

鄧彌之山長挽詩

瓊島二首

江上

觀亡兒松喬詩課冊追悼不能自己

菊

十月十日萬壽寺祝釐行禮恭述

贈鄒墨賓

浮橋成

寄吳倉石少府

北郭外最樂亭留題二首

榆園兄暫來于湖杯盤草草流連語舊未十日卽返里門離緒惘然作此追寄六首

宗湘文分巡六十初度寄詩爲壽用柏梁體

答同年樊渭南

訪崔隱居二首

奉和欽使閣學許公海外見寄之作

再和

送沈思齊

夜坐

次韵禪樾見懷

簡顧綸卿

次韵答仙衡

對雪

除夕遣興

詩二

夜抵皖口

懷舒州山谷寺

于湖小集 目錄

仙術都轉屢作虛字詩見示迫窘不敢和戲呈一首

題李斯傳後

秣陵故薛夫子別墅

秦淮水榭歌

弔汪梅村先生墓

江上遇志仲魯太史

治道尙猛

憶君山寺

春雁

贈積堂

贈約齋老友

戲作春興詩

調塵遺

游飯籬山海客別墅

醉後又書一首

早至講院諸生皆未至隱几小睡呈王廣文

王君邀喫菰米粥味澀而美再賦

東菴道人

養疴

莫謂

新修小梭子

板扉上有涎蝸家人呼爲水牛戲賦

祠事回水南春望

得鼎父廣州書卻寄

踢青

水南閒眺

預邀同社諸君春禊

戲題寄子裳

于湖小集 目錄

次韵靜山太史

雲門秦中書來示見和詩累數番紙才如泉湧雋不可當戲答一絕

邀子剛出游集句

登知稼樓宴集

食筍

悵望集句

浮邱子歌

問孰能遊是

螭磯

王大令邀泛舟渡江謁靈澤夫人廟真酒舟中作

題黃文節戎州以後詩

欲游黃山客誚云道回遠不可往因說一偈云

應廣國博六疊前均奉和

問春何處去

聞荆山佳可游故老云是卞和採玉處又多鑿石乳爲造像欣然賦之

送饒輔星

前年在京邸園中老松皁枯葉赤色屹立狀益峒奇近於吏舍種竹頗不如法十日而半萎黃栽活十數竿耳作詩獻嘲

集句戲簡約齋

和仲伊山長弢廬八詠

野納

戴文節著色山水便面

題薛郭外姑碩人遺真

禹祠

潘上舍拾菜奉母畫卷

鼎丞新得鳳穎詩以代簡

調應廣

上禹耕山

紫丁香樹四首

野景

予規爲榭估工須四十金難之遂罷役客又曰此殿春花狀酷似丁香而實非也復作詩三首

甄敞

題畫卷

挂席

初夏

迂綸卿

舟行

聞當塗慈姥磯出異竹圓緻絕倫卽西蜀王褒所稱江南之簫簞也所從來遠矣欣然賦之
綸卿舟次枉和新篇復次韻

江村

東門渡

繹夫行

宣州楊使君招讌郡齋并約同游北樓留題

明日果登北樓別既淹旬追念靈境勞不釋用謝吏部高齋閒望答呂法曹韻作一首以寄意
又依高齋咏事均作一首

依李翰林登宣城北樓作一首

讀南齊謝朓傳有感

惠山聽松篆刻拓本

又爲彭應賡題

欲尋

訪崔隱君不值

舟中望九華山

復至舒州

壯士行

見林蘭花寓意

子裳招池上集

予湖小集 目錄

將謁唐兀忠宣公墓

簡署布政使員公

春草行

仙老招游大觀亭

又一首

苦熱行

黃堤督梁均蒙縣守城圖

寄梁節菴鄂州

詩三

後苦熱行

題吳樸心小影

太虛者氣之萌芽易氣泯息生

六月初九日放船自蠓磯回夜宿江上小閣

歷歷

詠新製荷葉露

題呂九霞丈雜臨古帖四首

漫寫三絕句

戲題上楊宣州

北豸

天門山

哭朱鼎甫山長四十均

近事書憤和友人作十二首

重有感四首

約同人登高

混混

九月十二日又至皖口

夜讀六潭詩

大觀亭

于湖小集 目錄

緣省

何異

題南唐徐常侍集

金陵道中雜詠

未能篇

聞金州陷

七十二汀

簡鄭太夷舍人

戲上六潭

鍾山

別鍾山

題南皮師集

答六潭

印庚兄病新起

重修滴翠軒寄題二首

附錄重修滴翠軒記

砭躁

戒臆

題雲門集後

已入深冬庭蕉猶綠

調思齋

偶咏三國事

夜寒懷節菴

關西軒

西菴

攜梁肅登北樓望見小九華山頂殊了了分明向者莽鹵未之見也今始得之

巡夜至觀音松夜半月出寒聲懃然灑析毛髮慨然北望不覺長歌以當阮生之哭果誰爲聽之邪
自題披僧伽梨小影五首

寄薛十八仍園

懷致仕黃通政丈

食冬筍有感

江介卽事

近事

夜讀雲門集贈友人詩有臨汝亦修道端居鳩水崖隨身欠春艸無玉倚秋葭云云戲答之
南菴僧自言一字不識殊歎異之以爲有真理

又絕句三首

子與印根石筇積潭澤民子剛霞儕仲武諸君晨下走同集永福精舍人各照一相付山僧度之西
龕

題水明樓二首

誰與

咏樊渭南卽效其體

咏吏

海客別墅

兒輩謁新修黃文節祠堂回作詩示之

蔚藍天一角

玩鞭亭

王參戎牛鎮弇魏致孺王餘春祺子麀熊□□王杉園徐叶亭家石甫九人宴集用太西法照爲九

髯圖索題句三首

友人新爲買三泖宅寄贈前主人二首

寄思齋

緒山西軒宴集薄暮醉歸書此

北出有地名一天門戲題

夜起四更雪

雪窗下靜坐追憶亡兒松喬

觀物

文沖以新技得賀監碑搨遺余爲之狂喜奉和

阿房

花下

江閣卽事寫五截句

上虞山尙書

西園老少會者十三人以序敷坐合照一相予爲題曰一合相二首

蘭凍垂病矣迻之密室以溫之

六潭居士寒夜獨酌走以病足不獲侍密坐而呼童奴送酒泚戲作

京師三憶詩

憶香山臥佛寺中杪欒花

憶崇效寺朴和上題名卷

憶西黃寺清淨化城

小除日約六潭同守歲

詩四

第三歲日試筆

題蒼林畫

六潭太守元日出遊小蓬萊閣還憩永福精舍作詩垂示奉和
餉六潭蚶一筐

懷仙術

先立春一日作

懷節庵

北望

庭花氣燥垂萎一一迤邐眞之春雨中生意翳然戲賦

懋俗

喜聞六潭權濠守

弔侍御李萼客先生

哀旅順口

甲午十有
一月失守

哀威海衛

乙未正
月失陷

三至游篇

曾哲浴沂諷雩

楊凝式意行出郊不計路之遠近聽御者東西信策所之
陳白沙陽春臺

到舒州

正月二十三日雷電次日雨霰雜下感事抒懷慨然有作

仙蘅僉事生日

懷甯雜詩

簡黃公度

問北來消息

時客
白下

和陸閣校莫愁湖之作卽送其歸四明

行經冶城有感

汪仲伊山長以北黟所產野朮黃精見餉賦此爲謝

三長物

次韻滌僖見贈

東庵有勝曰小蓬萊閣

簡友人

江上放言

江行望池州諸山

寄印根

陪約齋印根兩先生晴溪參軍泛舟入荆山湖二子櫺梁過

望大荆山作棹歌十章

寄仙蕪

二十七年游焦山山僧揚鶴銘售之客云此本山土產也意洒然喜予謀刻焦氏老子集註如成
以之分遺知舊豈非寒齋土物乎因趣楊仁山兄爲速刻之

南田草衣書

姑孰道中

秦淮酒舫詞

長句八章爲督部南皮師生日壽

于湖小集 目錄

祖筵送雲谷別

游雞鳴寺

又

登北極閣

贈徐次舟

留別公度

顧子朋招集烏龍潭北別業

靈谷寺

是日禮誌公塔

半山亭

上謝公墩

泊牛渚磯謁太白祠

然犀亭

峨眉亭舊址

太白祠有國初蕭雲從畫壁今亡之

廣濟寺

又贈方丈

天門山

博望山

鼎丞以濠州龍興寺宴集詩寄示次均答之

觀褚臨禊帖鈎本

松岑示我攝山寺江總持斷碑搨文

題黃公度集後

與松岑遊城南

又漫題兩章次荊公雲山送孫正之韻

馬關四首

懷雲門

兩江節署西園中有石船洞窗窈然橫臥水際奉師諭此船終古不行尋丈常住邪抑本無住邪賦

具說其誼獻偈云六首

溪橋宴集

和節庵

又上驛庵

詠史

陪筱珊太史登小九華

一覽亭遺趾

送筱珊別

思子培二首

署西偏園中新作茅亭勝曰避世

丁徵君示我新作咒觥一製殊奇古刊度合法將藏棄之以俟異日爲錢璵沙竹根如意之獻并作

小詩以謝徵君

和恂女思京邸舊園景物

南庵

聞致仕納言黃丈來遊白下悲喜交并斐然有作二首

次韻答熊著作

放生池詩牌二首

南窗闢翳改以頗黎嵌之一室洞然

懷公度黃浦仲弼白門戲作俳諧句

觀物雜詩十有二章

書事二首

贈汪生德淵

陳蓮舫比部張廉侯沈師徐陳挹霏同登赭山塏院作

師徐將之杭州示我注唐書西域傳藁卽題其後送別二首

寄牛渚廣濟寺方丈

枯木庵

新種梅梧桐桃蠟梅三五十株畚鍤甫勤而甘雨適至

種鮮石斛

于湖小集 目錄

垂絲海棠

憶靈谷寺

儗柳上墅將成寄師徐

遇周生自菴老
人之孫

俞主簿

鍾山行

少宗伯李仲約先生挽詩

操場

懷雲門

南檐

煮藥

雜言

小隱

觀臨桂方伯龍公翰臣畫山水冊子次許仙坪河帥韻爲松岑計部作

太息

許竹簣侍郎久使俄邦未得受代歸賦此奉懷

西洲

贊季漢三賢

調雲門

和雲門隗囂盤歌

又和出城遲客不至韻

壺公師語予雲門以才人而官福地海警全沸獨渭南一隅晏然如佛國故能榮觀宴坐多造語言

因再調之

假至言以修心

送夢華之任濠郡

詩五

奉和壺公師近詩四章

和正月十七日發金陵夕至牛渚

和登采石磯

過蕪湖枉臨廨舍讌集賜以佳章誤蒙推獎媿未敢荷謹次韻補呈一首

和石鐘山拜水師昭忠祠坐芸芍堂

節庵所遺雷州葛布今夏始製爲袍時病新起追賦一首

壽方滌儕先生七十

將讌集蕃漢賓僚於南庵

范長生詩

集知稼樓

和雲門桃花源詩三首

武陵漁人誤入桃花源贈隱者

桃花源隱者送武陵漁人出洞

武陵漁人再至桃花源尋隱者不遇

和雲門早春見懷

聞松江府西門內新建融齋書院成太守陳公率諸生落之不覺色喜老門生今秋定歸不審都人

士廷推我作灑掃戶否

頌千里鏡

山寺

憂樂相倚伏

贈熊滁州

披襟

懷顧子朋益山下面水居

再和雲門桃花源詩

附錄書陶靖節桃花源記後

夜雨懷子培

懷壺公師

寄子培

喜復堂至

雲門五十有一初度以詩爲壽

于湖小集 目錄

三〇

過橋

宴集南樓會者十九人有作

池上草堂

時客龍舒作

次山提刑餉黔中竹蓀二器

又遺鹿筋一束

三畸人贊

陸生

班嗣

楊少師

于方伯餉西瓜

和楞青

倫叔爲致惠山泉一甕

燈塔

亮生遺我蛇總管二枚云是崖州所產藤本味辛瀟治痧症腹瀉胃氣瀰兼辟惡物本艸所未及收

作詩頌之

舟中戲題

故鄣

望艸堂寺

夜至鍾山書院訪小珊山長

游元武湖

謁拜湘鄉侯畫像

舟集

溪上泛舟

作五章

曉望浦口

怨詩楚調示黃公度僉巡別

寄汪穰卿進士

卽景

江上送筱珊禮卿之鄂州

崔隱居餉蓮藕

于湖小集 目錄

于湖小集 目錄

曲園俞先生年八十重游泮水寄詩爲壽

將以月夜泛荆山湖

時上牒大府乞予長休告

偶書二絕

弢廬子約導游黃海期以裹一月糧偕往

山寺

調印根

病齒

寄一詩祭醉朱鼎父亡友墓

無事坐作偈五首

記友人法語

聞黃漱老將自鄂州來遊舒州擬遣人相迎

漫興

門生伍叔葆翰林餉羅浮山泉一甕二首

又餉黃獨酒茅筆

酬印根泛舟荆山湖之作三首

予病新起
故未往

九日蟠磯登高舟中宴集

重治小梭子戲爲吳下俳諧體

懷雲門

煮茶

小瑤林

新治高齋

聞家渭漁比部病詩以調之

師徐遣我湖上梅花六株栽之東廊下

舒州池上艸堂之東偏有亭久圯擬規復之作一小茅亭冀省煩費而事易舉

詩六

懷弢廬子

一臥

盼漱丈枉過

于湖小集 目錄

殘荷

頌竹雞

野望

輓華蓋國師

少司馬長沙徐公出典浙試

擬贈友人

曉枕

次韻易實甫見贈二首

傳舍東偏有圓門戲署曰瀨鄉第九十六洞天

江漲

和家迪生登小九華二首

題樸莊

寄題三花菴

再和迪生二首

迪生方脩興化縣志有贈

再有贈

青門有逸人

雲光

野寺

感秋謠

送湯蟄仙大令之鄂州

自去年正月三日起始號芳郭鈍催

秋漲傳舍爲水所圍

夜來山月生

欲乞量遙江上一小郡

材堪

答滌儕安三首

江上懷六潭兼寄滌儕

于湖小集 目錄

詠懷古蹟十首

神山泉

干將子
淬劍處

慈姥竹

白馬山

戰鳥磯

大荆寒壁

小九華峯

周瑜冢

王敦壘

李藥師祠

蕭尺木宅

謝洪侯惠竹皮扇子上有刻畫山水亭榭及艸隸小詩

楮先生移

蕉林下懷亡友朱鼎父

中秋夜江上賓酒泛舟

西偏有隙地予手植梅椅桐數十本頗爲蟲螟所侵生意彫疏而草花自生爛漫滿院竊雨露之光

榮以攢布善地傷夫君子蕉萃不見容於世不若小人之乘時感嘆有詩

山谷道人宴坐處

答公度

懷雲門

米海岳行書于湖新學記石刻

濠觀二絕

新磨崖

元真子

蓋公堂之東有屏扁鐫年久闕之豁然開朗忽得一小梭子廣裁六十四笏中有高柳二桑一安石榴一帶艸叢生柳大且十圍扶疏直上亭亭如蓋疑年殆逾一甲子矣於是斧榴翳畦芳艸開洞窗治小軒鑪石銚偃仰其中可以避世南村逸老賀我三日中得異境遂詩以落之

東軒詩有敘

于湖小集 目錄

九日遠景樓宴集

破除

雲門書來戲答

適獨坐

灌畦

送印根

無奇

贈程文學

重送別

和熊州牧九日約北山登高期未赴徑還舒州詩

得松岑白下書答之

規立經幢

寄黃丈

沈母韓碩人挽詩二首

聞節庵到舒州

左文襄祠堂

九月廿九日陪節庵太史登北山

詠史

送茗華館主往海上將仍回鄂渚

題故權運河道陽湖湯君小照

十月十日聖母皇太后慶辰祝釐恭述

用墨

所藏漳浦黃公斷碑研旣爲詩以志其事矣再頗研惠遠想慨然

料理嘉筵

寄題泖上融齋書院

友人梁茗華焦山易實甫廬山皆願據爲十方常住記荊騰嘲

翁廬山相公遂參大政感事抒懷敬草拙句十二章寄塵辛覽不自知其言之顛也雖非芝房之芻

言亦附野人之芹獻云爾

漱丈自武昌還敬敷中弢弟典試事竣乞假待行有寄

以遠鏡望三山之巔有小園瓢疑真隱者之所游槃也待訪其處先志以詩

江上

示兒

讀南岳賣薑翁集

寄荅華

投隱

張高

瀨上雙臺八松歌

桃椎子

蟄仙太史來主翠螺書院

趣滌僑校刻藥地炮莊

政在

小懺

自訟

次韻答子衡

毀廬子以稽古之力新荷天恩賜五品服贈言志賀

汪菊亩爲我作富春溪山臥游圖因識其上

戲廣陶潭十二景

一覽亭

千佛厓

待雲徑

夢日廡

滴翠軒

飛丹閣

于將試劍泉

酒姥玩鞭舍

螭磯竹硯

于湖小集

目錄

于湖小集 目錄

牛渚茅龍

大荆山湖秋泛

小蓬萊樹雪眺

續作二絕

遠景樓觀鐵如意舞

放生池誦金光明經

題觀物觀我之室

窮冬

漠漠

督部陶公餉甘州枸杞

陪致仕納言黃丈暨仲弼叔頌兩星使登小九華讌坐是晨風日清朗有表裏江山憑眺之勝薄暮

乃歸作詩即題丈六十六歲行看子

辛真子泊宅有敘

送沈大歸雲間

對雪懷芳郭諸兄弟

偶問葉奇艸木子

大懺

探池北早梅

憩野寺

書漳浦先生文不傳人論後

前明副貢蕭尺木先生靈從墓近始訪得在嚴家山屬饒守戎陳參軍江學博修治旣竣勒石禁止
藥採設脯酒祭之

別李大令

懷芳潔宅

于湖小集

詩一

清 芳郭鈍叟袁昶撰

再泊楊村癸巳三月

日暮依稀子規鳥。綠楊陰裏盡情嘯。定然夢到桐君麓。密竹疎籬漸水西。漫云風情。駘宕不可湊泊。

奉答恣伯贈行之作

涼雨征輪灑曙闌。祖筵規贈枉仁人。藏書柱隱靈芝長。寫禮堂開帶草春。久接芳塵難賦別。偶貽妙畫亦通神。一辭瓊島仙班去。何日相從寂寞濱。

原作

會稽李慈銘恣伯

鳴騶朝發鳳城闌。祖帳傾都盡故人。魚袋尙攜三島露。隼旗先占九華春。六條察吏戎無策。萬卷隨車筆有神。最是錦帆堪畫處。綠楊紅杏潞河濱。頃畫一扇贈行。綠楊紅杏。王荆公詩。屢及之。君最愛荆公詩。故寫此意。

海船中臥處適當奔輪戲拈爲題

風輪持世送虛舟。析芥真同汗漫遊。未必臥輪勝六祖。等閑炙轂傲三鄒。四禪坐處喧皆寂。卅幅無時用始過。俯仰易奔光景劇。危炊針坐且句留。

三月廿一日泛海

稍覺淩風生羽翰。四維之外衆星乾。秋毫未信天池大。夏蚋焉知地軸寬。世變真如蒼海幻。仙心欲度赤城難。一杯濁酒窮愁志。燈火昏昏且強懽。

又

將軍橫海控樓船。島索腥風吹別筵。時北洋海軍一枝已成軍。金復有圖天險壯。鏡輶無術地形聯。灞陵蛟臂侯猶失。謂繩。郭相虬花氣尙全。天下安危大臣在。小儒何用費珊瑚。

又

斷岸微茫不見村。拍天巨浸氣氛昏。驚花瞥見風帆過。沙嶼懸知海鶴蹲。元氣噲張神物大。利權收拾谷王尊。取裁并媿非由也。祇辦窮探雷轟源。

福山

徐生自古求仙藥。呼吸瑯環福地通。紺艇帆鼓如立仗。赭山崖斷若浮空。入雲雞犬瓊華界。倒影樓臺碧澗中。淨掃羶鄉蛟蜃市。分明積氣動昭融。

自來滬上困於塵勞。未能追尋舊游。一粟庵南園龍門精舍。諸勝邀家竹式上舍。同作三詩。

三十年前同鼓篋。燈昏草閣待潮生。蟲沙只有名藍在。擬約西庵聽雨聲。

又

江表彫蠹耆舊盡。白頭今幸兩人存。竹根重枕芳茵臥。試覓君家瓦酒盆。

又

粘天芳草是江南。一粟閭浮尚有庵。不向蒼苔尋履迹。恐勞悄愴觸江潭。

欲挂

欲挂長生木。癭瓢扁舟壞衲晚乘潮。九峯雲壑知何處。竹簾丹經手自鈔。

四月朔日乘江輪船西上

似寄青螺殼。空明泛一樣。海光微見日。嵐氣欲生霞。石柱襟喉壯。金焦指點賒。遙村樹如薺。迎櫂有神雅。

望鍾山

鍾山隱隱霧濛濛。紺宇華林入望中。亭號割青隨劫改。溪流環碧與淮通。竹根如意無通隱。杏子單衫訴別衷。文物南朝淘浪盡。祇餘寶氣塔光雄。湘鄉曾公以使相鎮秣陵。寶輻湊。今治城蕭瑟書局彫殘。江表夷吾風流遂往矣。

咏連理桐時客居皖江行館

手植知譚峭。猶餘林下風。標居五瑞外。蔭可一廬中。叶律朱絃待。捎檐碧瓦通。雙栖應集鳳。兆與秀歧同。仲修同年宰懷甯日游。臨於此。刻池上小集。

江上

江城幾曲枕潺潺。江草江花盡日閑。衣法南來三祖石。雲蘿北望八公山。英靈瀟皖由來聚。人物雍乾未許攀。一味年豐祈畏疊。麥黃秧碧暫開顏。凌云國朝七律推惜抱老人獨闢異境此類句律殊逼似之

旅館排悶

酒廚無地乞官囊。倦客安心少藥方。病望兒曹畢昏嫁。飢思芝朮就江鄉。白波天遠山重阻。黃耳書成使未將。兩部吹蛙堪送老。淹留欲卜此林塘。譚云道氣仙心

酬包懷寧兼懷仲修作楚游

漫郎天遣尹廳猱。病退心情未許豪。江闕射蛟留勝署。春江畫鷁足風濤。舊巢君掃雲司迹。包以剎曹改外新杓予霑玉色醪。白雪由來傳郢客。推公老筆續詩騷。

戲咏懷甯土風

滑滑春泥不放晴。脩脩梅雨打窗聲。天於古井闌中見。人在彈棊局上行。房屋天井極小街道隨坡高下無一平直甜酒無緣澆白墮。香秬聊當飯青精。皖公山小眉痕淺。那有千巖疊翠成。

次韻答聯仙衛太守

歷典方州有政聲。柯亭迴首舊巢瀛。交親坐老神先黯。寄語繩庵夢不成。公與竺坡侍郎有連予道出析津張六學士寄聲問無恙治

行推公方渡虎。塵勞笑我媿屠鯨。乍欣空谷登音聚。猶戀王城吏隱名。紅藥欄開頻判牒。丹沙井冽試滄纓。即黃山有丹泉。可浴可飲。老嫌金帶垂垂重。閒狎浮漚故故輕。禱雨詩新看坼甲。扇風和散免呼庚。相期同把浮邱袖。鹿麕尋山朝玉京。

偈老牙齋清寂宛如僧。舍案無滯牘餘事作詩。草窰藥樹時手一卷枯坐其中。昨再以喜雨詩枉示。

復招讌集漫咏四章。泚筆率呈。

譚云四詩逸壘堅沈于古梅聖俞近代吳西林。

人海浮幢中。幾人得其趣。使君眞靜者。服食安儒素。訟庭烏雀閑。小園花藥布。心超衆緣表。迹與千塵度。吾亦厭世喧。疲忝慙貞固。久落官曹囚。賢將欣一遇。不見元龍傲。惟敬孔文舉。

淮南千里旱。塢田若龜焦。未如晉代劇。

今年山西大旱。代北尤甚。

已困租庸調。市權日厄漏。民氣久已彫。賢勞設方略。

一洗疵癘消。液液感和氣。濛濛溼煙霄。蕉閒灑瓊潤。荷上聽珠跳。忙歌甘澤滲。浥我新疇苗。旅人困喝役。亦得蘇疲瘠。把公賀雨什。投我青瓊瑤。方池春流漫。聊以永今朝。

身如病翅翎。渤澥浮一芥。飢驅斂手版。牙日因參拜。平生惡圓曲。塵網觸天械。忽遇丹山禽。胸臆聊一快。飴我客心苦。釋彼世議隘。廣筵招勝流。芳醴酬秋蜜。羹臠羅芳鮮。腰胸調笋薤。灑落無藩杞。評量析流派。虎頭畫辟塵。蠶尾詩論債。莫放酒杯空。不嫌流俗恠。

使君庭中樹。閱人如傳舍。萍流無定姿。簪盞得清暇。公懷九曲淀。予憶千峯樹。作吏疲鞅掌。上書觸聞罷。

分甘斂退儒。身已榮名謝。癖好成春蒲。支離笑啖蔗。向秀寄弱豪。鄭虔從衆罵。世法蝨居禪。道心茸養麝。浮沈吏兼隱。未縱青冥靶。惟堪蓋公堂。談茗糟牀瀉。翦燈繙竹書。敲杖支藤架。聯句君自工。張軍吾可亞。送篁西李使君

漸西今送篁西老。他日送予知是誰。宦轍萍浮都是夢。心情梧槁許相期。卅年行篋裝林石。二頃江田理釣絲。社燕秋鴻還有約。看碑行訪碧梧厓。君有退老歸湘中之意。

調馬船西大令

船西大隱青油幕。遠勝疲癯老漸西。文字翩翩過阮瑀。贈言款款約王倪。炎蒸相望梅邊雨。攬結無言李下蹊。貽我袖中書不滅。頭風復起一刀圭。

登知稼樓懷南海張公

危構朱欄控上游。參差碧瓦與雲浮。文遊詠著成今憶。佳會登臨託勝流。一片潮生鎮西宅。四圍山入庾公樓。勸耕父老思賢將。荷鍤分秧翠滿疇。

和

南海張陰桓樵菴

塵世難逢去後思。高樓無恙峙湖湄。前塵慚觸統如鼓。芳訊遙傳杜若詩。望裏九華仙子宅。情違三宿梵王祠。樓在永福菴西。懸知秋稼如雲日。醉到山公白接巵。

題沈蘭桂場尹聽海圖

吏道日衰薄。喧騰如海市。波流斥黿鄭。里耳聽然喜。縱有獨醒人。摭拄狂泉裏。不能自解免。聊試投泥滓。
昏昏蒙世詬。默默若喪已。沈君獨不然。通介妙張弛。似監筠州稅。一官蘆灘溪。君官蘆灘場大使。在平湖縣海岸。漉沙青
煙颺。春雪赭岸倚。脩然權輿吏。頗得漆園旨。門前天池碧。臥洗箏篴耳。蕩潏澡奇胸。窈冥通妙理。雷硯萬
漚發。箭筈兩龜峙。崩刮胥母山。鏗訇語兒里。大聲吹地坼。餘怒捎林靡。悟不待成連。釣何煩任子。寫入青
瑯琴。憑絃烏皮几。聞根地籟淨。陶閣松風擬。當其會意時。天地寄一指。工爲避世人。十八寒暑矣。經亂官
舍墟。構架君始庀。職思貽後來。不肯傳舍眎。新居突兀成。妙墨龍蛇跂。舊傳李少溫。聽松篆奇詭。今勝聽
海字。翦鐵勒生紙。我未識君顏。子言欣蒞止。令子思齊孝廉。有文字之契。近館予處。唐人沈用濟字方舟。傳師字子言。父子皆工史學。故以爲比。爲言過
庭意。不鼓無成毀。青芝生階除。瓊樹茁庭圉。百川工學海。雄辯極清駛。想見餐霞人。朝陽採石髓。不知人
海喧。天樂張太始。君鄉峯泖間。久欲誅茅擬。倘遂杜門居。世事付鬪螳。聽秋萬竅號。勇蛻一官屣。胡爲尹
菰蒲。鬱律久留此。搖空屑澣碧。相望煙嵐紫。欲叩疎跽音。琅然天風起。久與同年沈約齋有卜鄰三泖之約。約齋亦君之族人。

清晨偶書

滄江號秋蟲。輕陰籠淡日。秋花雖爛漫。氣象亦蕭瑟。蕉林匝地暗。翠扇展橫逸。曾無修竹彈。任障層軒密。
欲喚臨池僧。掣窮草書律。汝豈任刻琬。中堅無一實。會看霜風至。眞態萎黃出。吏舍乏佳興。周旋窘一室。

既眇度世姿，暫無理人術。深齋抱微明，隙景難究詰。今固未必是，昨亦豈全失。得害付混同，外物不可必。惟當假至言，齋心養衰疾。

家竹式上舍自上海來見訪信宿而去

蕭然野鶴蹤，訪我于湖道。於世澹無求，童顏發梨棗。塵勞不可縛，垢障淨如掃。絃無琴自韻，淵潤珠不燥。筆勢既翩翩，酒懷方浩浩。君真得道姿，開予瑩素抱。予解時微中，理筌堪絕倒。洒落申屠嘉，蹇然起灰槁。流光物我逝，真宰願常保。筵無碧芹羹，飴有紅蓮稻。沈子亦畸人，約齊墜緒共搜討。坐未穿牀藜，行將斲房墓竹式行年五十餘自云精力尙強猶。忽乘煙艇去，縈我別腸繚。輕矯恣所便，抽身胡不早。譚云字字如清涕母流絕不與河色洞變

題金蓋山圖用蘇文忠遊道場山何山詩韻

芒屨未踢何山麓，忽見垂蘿雲一谷。幾曲青林到此閒，但看畫圖幽意足。何楷題名尙未漫，坡仙傑句霜鵲盤。雕欄碧瓦幾塵劫，惟見白漚浮遠湍。山如紫蓋撐空出，松吹四圍風掃席。中丞重構此精廬，插槿編籬梭親植。歸安撫部重架屋開林修復杜治有卜築終焉之志喚取畫師樵碧鬢，裹裊持節轂黃閒。乞身猶滯三刀夢，敕賜先求一角山。作記琅然奏颺旦，臥遊割取濃青半。落筆天機精者誰，似是吳中顧元歎。顧若波作此圖

意有未盡別作一首

澄暉亭中風雨竹一枝。東坡老人留畫壁。何山歸興遇耘老。官奴把燭意滂魄。肝肺槎牙出倔奇。主客神清兩忘適。爾來韻事近千年。吳興中丞抱奇癖。古樹霜蘊補種梅。仙壇歷劫搯金碧。胸中自具幾洞天。追羨眉山老標格。我雖未到赤華舍。欣然欲訪真靈宅。奔泉穿笕注齋廚。燒筍饒筵勝肥炙。雲巢道士留丹訣。亡友施均甫爲說乾隆末年道士沈谷音祈雨事殊奇乃金蓋山中得道人也。劇尤爲糧煮白石。役使風雷俄頃閒。蛻履歸真了無迹。空棺惟瘞一竹枝。潤飾儒書歸老釋。沈道人之高弟子曰費熙義解大戴禮中管子十篇教人與人言必依於孝弟此與蜀嚴沈冥何異其用意有足多者。濟時詭暴要有

簡沈約齋陳吟鉢

漸西野性疎頑甚。世事誰能耐刻谿。何似胡孫入布袋。強教麋鹿被金羈。壁牋賴有陳無己。刻燭將邀沈亞之。便欲結聯秋禊社。不嫌把臂入林遲。

和友人夜出至湖堤小橋上望月

水南鬱森沈。灌木秋氣斂。微茫辨遠岫。薄煙霏冉冉。寥廓清夜游。佳氣欲泛刻。潭馨荷蓋殘。村火松明閃。裊裊略約上。璧月吐復掩。壑雲合鱗皴。龔燈射星點。奔泉注江閣。漸漸穿蘆崦。卽日娛清景。意行脫拘檢。惠能雕萬物。莊亦離諸染。何似濠梁語。會心應不減。譚云此入山谷老境

寄榆園逸叟

識舟亭畔雨連夕。春藻堂前秋已中。對榻悠悠幾清夢。看雲脈脈兩衰翁。釣壇櫟葉落誰掃。芳郭楓林知漸紅。一官局束不稱意。半枯已是龍門桐。

自從畏壘寄庚桑。疵癘今憂民物妨。手版分應投劾去。肘囊未製活人方。姑孰年穀尙穰而鄉間疾疫大

之。鼎鼎夢痕疑識路。灩灩秋浸欲浮牀。貽書曲折煩君意。千里封題遠寄將。作餘稻栖訟乏人收穫心甚憂

疫鈔示辟疫方。兄手書至。洒落千言。備戒爲政當以惠民。郵商爲急務。并

前詩沈約齋劉積堂陳吟鉢皆有和章不意僻左之域佳客斐然成一詩社走自來于湖去京國詆若文游之樂而就簿領束縛之勞意常忽忽不自得藉非諸君子珠玉崢嶸潤枯枿熨寒窘相响相吹於塵壒之表走又胡所恃以久淹邪因拈前韻分答三君譬之困守蓬蒿者聞戶外足音登然而喜雖云習氣未除其亦物類相感而然後有達者觀之良可發一笑耳

塵勞息前營。退儒就新斂。曩遊興化門。侍坐由與冉。並釣珊瑚修。耦耕黛耜剡。草閣一燈寒。光入疎籬閃。秋潮郭索至。倦枕窗半掩。別來廿五年。知時獨慙點。我坐荒故園。君仍隱深崦。翩然肯相過。坐榻忘形檢。高士比素絲。素絲不受染。起予歲寒意。礪礪節未減。

右答沈

久雨岸沙積。窮秋野園斂。我來分袂初。流火驚佳苒。吏能非素習。鉛刀媿銳剡。仗有劉穆之。燭照罔象閃。

昆刀出匣寒光氣不可掩。判牒佐平反。文移不加點。時出小詞新。秀奪赭山崦。逸予但坐嘯。庶免觸崖檢。性不習倚聲。從茲擬薰染。常倚勝情豪。勿令高興減。

右答劉

世喧付澹忘。道勝期深斂。歲月如奔輪。常恐老冉冉。楚貢丹橘林。蔚然曾枝刻。浮江昨同行。水伯朱旗閃。金庭行自獻。文采爛難掩。憶與老湛翁。風颭日注點。故人鄭衡陽君之外舅今遶林下甥。相識皖公崦。時出青瑤篇。會頌金泥檢。要懷濟物性。勿使垢氛染。君看後夜月。未覺清光減。

右答陳

所居霏溼江漲欲入戶衣魚盡生窟穴書冊中兀坐深齋殊妙佳趣

陽侯翳隄根。蕩潏勢未斂。頗類柳永州。所居溪氏冉。叢蕉縱橫生。蠟不施薙刻。莎砌寒花明。檣燈一星閃。面勢蒲魚市。佳觀城堞掩。竹書蟬粉黏。素壁蝸涎點。幾時出深甑。搆屋瞰懸崦。卑溼且苟安。淩難從拘檢。脫離京洛塵。翻訝素衣染。朝來津吏報。石稜去聲水痕減。

諸公屢和前韻見示復戲答

君看臨河敍。筆縱氣轉斂。羣賢曳翠裾。雲集紛冉冉。新詩角妙語。孫許出東刻。仰觀天宇開。爛若巖電閃。勝流何代無。寧爲昔人掩。雖乏曲水觴。各倚斑管點。媿非內史才。敍次竹林崦。未諧丙舍誓。頗畏藍田檢。

近山多可遊。石髮青于染。秋禊規同往。清襟良不減。

九月初至皖口。僦一破屋而居。

堞枕長江。岫倚闌。人家高下。簇螺鬟。銷沈吾已忘身世。忝役誰相訂。往還。破屋聊同玉川子。叢談試糾鐵圍山。夜分萬籟聲俱寂。秃筆拈來一破顏。

移西晴望

江上楓林秋未殷。秋深風物已蕭閑。試開北戶支頤望。稍見龍眠一角山。

戲簡同年台州王子裳太守

君拋胡麻餅。來餐皖公霞。一囊粟不飽。著書空滿家。載得鷗夷舸。溪女顏如花。社日無可遺。東郭嘲呌牙。我落春穀溪。天遣尹魚蝦。身心兩槁木。亦罷鍊河車。朝浮射蛟江。午趁排蜂衙。斂版尻益高。逆旅栖如雅。疲忝不相見。獨宿思無邪。清風動簾夜。微月映窗斜。思公隔一塵。望子如匏瓜。何如寒與拾。石壁題癡啞。何似鐺將阮。拔宅餌丹沙。徒爲兩秃翁。生役智无涯。萍逢此江國。粉堞聽鳴葭。猶託山公迹。吏隱詎非耶。
史稱山巨源吏非吏隱非隱委鮑順時心存事外獨保浩然之度

再和五代楊景度絕句詩帖

人海喧中寂。幽陽織復圓。無心遇土淨。有酒學頑仙。

原作

院似禪心靜。花如覺性圓。自然知了義。爭肯學神仙。

又和

露葉瑩遼潔。風花碎又圓。疲牛解金絡。試叩華陽仙。游。凌云。雖乏人外語。聊作人外語。

和李西臺觀東明寺後楊少師書壁詩

別無可語蟲沙幻。祇有東明粉壁寒。略得顛張春草意。風簾棐几試頻看。此寓言今實無。此揭本流傳也。

原作

枯松倒檜霜天老。松煙麝煤陰雨寒。我亦生來有書癖。一回入寺一回看。

贈童次山提刑

童侯作人有佳趣。沈冥詖若參文句。翩然厭直承明廬。浮渡山前作霖雨。君家五葉珥漢貂。匿裏三冬足油素。一權江上繡衣節。手治獄市鉏姦蠹。時持正論出風雷。不惜嶽崎與時忤。邇來善作閉關居。疊石支欄花藥布。賀公未許乞剡溪。楚客方教種皇樹。予亦支離畏世喧。何方可隱漆成園。一官暫寄樊中雉。世法拘人蝨處禪。何日披雲臥石門。精廬移石劖雲根。誓將東禮育王塢。佚老堂開酒舫溫。蔬香小摘供春餅。嵐翠浮空入酒樽。內史新傳種果帖。來禽青李盡生孫。寫君一段胸中趣。幾日招邀作比鄰。

陪仲修同年游赭山塔院卽送其將赴鄂州

名藍出郭見，步履兩衰翁。秋色橫相迓，村醪試一中。繁紆度林表，呼吸薄霄空。丹橘垂庭實，青蓮霽梵宮。

寒山從恠咄，盤特豈宗風。閣內有風覽，病疲療如靈運。談諧到阿戎，連日子微病。譚世兄及兒子櫛梁從。層軒聚遠景，列岫

軋高穹。絡園成奔轅，迴環飲壑深。柱維形勝壯，龜拯道情充。雲壁黃山峽，天摩碧海銅。濤圍赭岸坼，徑轉

赤華通。人語魚蝦市，嵐光紫翠叢。巴驢飛鞚往，酒姥玩鞭恩。虎踞前朝戍，滌滂大家窿。縣東北周村有書

丹宋幃在，滴翠古軒籠。耕出戈鋌鏞，珣餘筆仗工。寺外有兩石經幢，一大中十二年，一乾符六年。滴翠軒

州日常栖息於此耶。江流界吳楚，積氣動昭融。叢荻搖疎紺，攢楓出小紅。行廚深竹裏，王大令送酒看至。嵌碣綠苔封。危塔

影斜矗，環州浸不窮。蕭閒冠野籜，心迹送孤鴻。白雪樓思郢，客星臺憶桐。劍心離合乍，詩境鑿開雄。淨業

栖初祖，辛言問小童。濁醒無此客，流別寫深衷。畏壘憂民癘，庚桑願歲豐。慙非鷁冠子，去逐鹿皮公。旗鼓

寧堪敵，孤虛笑待攻。楚游荀況老，嵩少尹洙逢。還似龍門雪，山行發興同。後云：休休森嚴此亦助敵。

鄧彌之山長挽詩

濁世日多故，龍蛇無位真。所以陸洪士，蕭然老文字。鄧公天機精，賢將嘗一試。壯監制河軍，盤錯善藏器。

晚主宗雷社，潭思敷講義。先生咸豐末將湘軍援浙，官道員，以人言罷歸，遂不出。近年客江甯，主文正書院。斯人工善俗，左物常右志。茗柯出真

解，析理致正聲。續微茫，雅道起湮墜。一朝返真宅，浩然捐物累。長留冰雪辭，眇緜天地寄。黯淡鍾阜

雲清塵悼誰嗣。浚云起四句括盡古今無限蹄落失職之士。

潮氣翔倦翻。幽姿屬潛鱗。叢秩媿羈束。未獲樵蘇親。遺我一卷詩。恣崢思入神。和陶脫畦町。宗趣資清新。處約玩消息。抱冲澹無鄰。俗言競蟬噪。窮年斲椎輪。意匠出平澹。誰知中苦辛。袖書字不滅。忘年感諄勤。針芥有微契。況得託州民。物化俄電逝。公自返其真。荒壇闕薤劍。光氣有時伸。神理自緜歷。遺言豈終淪。

瓊島二首

瓊島無靈氣。桄榔徑頓蕪。遺文斥封禪。危論仗濟夫。詩外翁山逸。人閒鄧嶽書。青霞一灑淚。蒼舊幾彫枯。嶽表及人傳言到仕前戶部郎潘孺老亡作此以悼公。

長庚照海外。一老獨光芒。解佩潛郎別。麻衣稚子傷。離筵柳湖寺。講席惠州堂。去主羅浮嶽。精靈侍帝觴。

江上

江上撐空千疊山。江風吹度暝帆還。浪淘人物前朝去。虎踞龍盤只等閑。江上楓丹葉漸無。南來日日飢雕胡。只輸一事城南杜。詩律窮年晚更粗。

覩亡兒松喬詩課冊追悼不能自己

嫌汝性非耽紙筆。今看佳句頗時遭。瓦棺幸返青山麓。妙理能知白墮膠。風造算林哀槭槭。魂歸霜瀨夢勞勞。不材社櫟仍非福。何處黃冠逐子高。松峯之弟龍子高久出家爲道士今春自南嶽至海上并約來游黃山兒欣然欲從游師事之竟病歿不遂其志子高哀挽詩

三章有黃嶽無緣空負子。
青冥有路自爲家之句。

菊

陶令未歸田。疎花蒔彭澤。爛然庭莎閒。花葉粲金碧。訟庭鳥雀喧。窗亦虛生白。穉熟注糟牀。落新侵履迹。秀色宛可餐。落英供小摘。陶然有餘懽。與物同其適。何殊東籬下。暫屏外物役。榮枯皆可喜。況耐風霜積。試招龐參軍。晤賞欣至夕。

十月十日萬壽寺祝釐行禮恭述

南山慈壽日康哉。陽月喧和淑氣回。函夏欣霑丹詔。輔暢春長御白雲杯。賜金番寺咸羅拜。厄魯特黃教圖嘉穆巴圖多普在洮州精河等處廣建塔寺爲國誦無量壽經十五年蒙恩賞白金二千兩臣昶圖克官耶曹爲草謝表牒理藩院代上之上年移書胡圖克圖訂其甲午年來京祝嘏以盡遠方藩部慕義之忱賁粟神州屢澹災。聖德頌宜金石刻。荆山擬鏤玉崔嵬。于湖有大荆山圖經云其山產玉

贈鄒墨賓

何年溟漲出堆阜。橢如荷葉成新洲。頗疑神工獻地肺。又訝水伯負藏舟。當年狂寇不敢睨。一片淨土東南陬。五牙兵艦鑲鑰壯。平吳之役資襟喉。時清久矣戶安帖。市聲浩浩塵居稠。駢闐幾視一壯縣。鹽鐵充物如山邱。濠觀老守作監候。鸞翮暫寄談天鄒。荷葉洲本銅陵縣漲沙荒地經亂民人避難來此日臻繁盛官軍倚以爲固遂成巨鎮鄒君嘗爲濠州守今監稅茲下游緝捕。君家京口酒可飲。豪氣壓倒元龍樓。佐軍日艸百露布。結客佩解青金虬。盛年麟閣唾手得。寶

刀出匣鳴颺颺。晚來偃蹇臥江上。途人按劍珠光投。匣中陰符已輟注。肘後方藥猶勤搜。但施小術靖狐鼠。顧視官轍如蚍蜉。晴窗遠見九華髻。人間何處無丹邱。粘天琉璃四圍碧。日氣西射餘霞浮。枕函時出排暮句。老筆攝取菱蘆秋。澹災一嘆樂巴酒。拯厄屢覆香山裘。荷葉洲七月中失火延燒四百餘戶君力籌賑沛災民無一失所今漸復業來扁舟枉相顧。意氣灑落非常儔。看君眉間有黃氣。市人莫关任公鉤。一朝腊魚鱗千里。坐使襦袴生歌謳。豈比鰕生艱一割。散樗喘月如疲牛。還當共把桑落酒。聊試麴米春新篘。

浮橋成

一水通丹嶂。連緼界白波。浮空排畫舸。穿徑入煙蘿。比似樵風便。頻看野衲過。津梁吾豈敢。化俗媿弦歌。

寄吳倉石少府

公幹有逸氣。莊生多寓言。英華蘭菊嬾。流派戴施存。茗嘗問詩人自亡友戴子高施均甫後今惟張乳伯淩塵遺健在吳君晚出乃異軍特起者吏傲真堪隱。詩窮亦自尊。欲招吳市去。息影謝離樊。

北郭外最樂亭留題二首

洲渚渺緲連遠山。危亭攝取景蕭閒。流杯朝吸青霞飲。簷樹昏招翠羽還。欲把浮邱迴左袖。平看佛屋窟屏顏。留連誰使予忘適。便卜誅茆野水灣。後云常景耳一入君手寫境便覺窮異超廓

又

隔湖山色若浮來。卷幔縱橫翠作堆。樵擔遠歸丹嶂路。酒旗斜颭碧城隈。試拈瓢飲尋真樂。從借濠觀老不材。知否此中堪避世。作庵對小九華開。緒山一名小九華山

榆園兄暫來于湖。杯盤草草流連。語舊未十日。即返里門。離緒惘然。作此追寄。

爭禁十七年離索。握手今朝始款然。宅縱營新少雞犬。事難思舊半雲煙。松門丙舍翠應合。溪路山花紅欲燃。差喜楓齡兄健在。爲裁大布製裘便。

又

歡愉迴溯雜悲辛。往日崩騰蹙圯人。夜訴成豐庚辛間事月黑窺籬惟有虎。池荒卷葢更無鱗。對床何幸同聽雨。作社他年共賽春。老我風林夢幽翳。南陵不泊總傷神。

又

羅含蘭菊園應在。仲蔚蓬蒿徑待畦。菜蝗何常施手剪。竹雞試聽盡情啼。爲支背郭茅堂足。欲問比鄰草市迷。江總持有南還尋草市舊宅詩那用九柯并十匠。屋成因樹榜新題。

又

此生真合侶。藥漁鼎鼎百年時。易除吳舸蜀船此津會。青楓白漚孤賞攄。中散不喜章服裹。右軍惟傳種果書。閩仙洞口梅花發。相與拾橡呼溪狙。

又

陸家北信憑黃耳。江令南還已白頭。剖竹濫邀監劇郡。傳柑兼得近吾州。常憂素飽民物瘼。爲卜小築林塘幽。釣壇木客近招隱。爭席相將狎野謳。

又

齋廚杞菊愛天隨。燈火昏昏悵復離。蝸帶殼行信留滯。鳬將子送還因依。昨夕攜諸子走遂河。立望扁舟已遠。始返。多情瀨上碧溪月。來照磯頭丹嶂圍。歸枕風湍倚江檻。待予野服換羅衣。

宗湘文分巡六十初度寄詩爲壽用柏梁體

公昔符竹臨瀨鄉。歲星煜耀清風堂。畏壘戶祝來庚桑。疵癘不作占金穰。桴鼓輟響山越藏。蠶耕安輯民熙攘。濬東西湖疏碧坊。藻荇空明魚相忘。公潛郡城雨湖爲放生池。春秋佳日。挈文士游講其中。扁舟拍浮芰爲裳。衆賓皆醉山低昂。老守危坐詩一囊。時出龍蛇兩三行。哦韻響答風中篁。嚴祠架構青豆房。壁記語妙掃理障。精廬橫舍卜上梁。帶經之士月饋糧。廣蒐七錄儲縹緗。迎師簪賓校丹黃。上規鹿洞學制詳。石室禮殿釋菜將。多士有憲工趨鏘。雙峯書院。亂定久廢。公重建。振興架庋經史。課士月有程督。採詩手錄皇哉唐。時出光恠厓谷傍。不使荃菊蕙蒿穰。輯錄嚴州人詩。至兩巨冊。雲山四面傑開蒼。九十九穴仇池瀼。杖導泉乳甘且芳。長生瘦瓢酌天漿。天關異境龜迴徨。都人士得游觀慶。公於郡解築四面雲山樓。又修復仇池塢。吾州賢將杜牧。范希文。王。傳。渭南陸老尤慈祥。公之治行相頡頏。州

民浮游幽荆揚，無田不歸松菊荒。放翁來作州將良，願獻紫芝辛夷房。青精作飯石髓糧，巨勝可服黃精香。奉持松苓酒盈鎗，祝公長生壽未央。將隨後車和氣翔，帶經荷鋤下溪莊。有時何武樂職襄，尙能于焉歌升堂。此願蓄之久未償，公旋朱轡引前隍。歷典大郡澤滂滂，秀湖明甌衢山蒼。治視吾州尤觥觥，精忱水旱迴雨暘。不待土龍泥佛禳，鑿渠興堰捲葑蔣。具區之役蘇耕忙，公守湖州與疏濬港碧浪湖之役農民資以溉田隱君孝子工表章。守明州日復除全謝山先生墓道會稽王孝子自湛於賀監祠旁公牒大府奏請旌門所至得士不可量，洗滌埋獄龍泉鎔。搜巖竹箭出勦剛，列州之治野乘詳。吾瀨人也言其鄉，書國朝吏羅循良。森嚴史筆錢與彭，彭先生紹升撰國朝良吏連錢先生儀吉續之從遊歲周兩星強。輒迹離合不可常，賁子芻蕘西笑裝。石墨揚寄檇寮張，范的明駝步軒昂。往年惠寄佚老堂記及阿育王寺常打田碑六菁妙迹喜欲狂，使我篋笥生光芒。我初試吏秦故鄣，音器我肘後刀圭方。昨郵示守湖吏牘十得之也今公年開七袞剛，樵囑駐節亭滄浪。如元紫芝眉宇長，聽聰視瞭瞳欲方。夜分細字鈔凡將，解衣磅礴倒困筐。文成屈奇聲雷硠，有時走上支硎岡。名山濟勝笠屐遠，不須靈壽筇扶將。放翁九十築龜堂，子通踵守雙臺陽。胸臆廣博公抗行，匿詩萬首垂琳琅。祝公老學庵吉祥，父子繼植州甘棠。老修民敬解蕙纒，雲山韶濩江水泱。雨封金母桃滿筐，侑公欣然簪一觴。

答同年樊渭南

江干霜淨洲渚出，驛使不來風色寒。濁酒愁傾銀鑿落，素書忽枉青琅玕。顧予氣象已摧塌，羨子才力猶

騰鸞渭南一縣花垂發。焉得淩風生羽翰。

夢君手把綠沈管。題徧秦中寺寺樓。一片寒陵誰共語。五千柱史魂冥搜。逸才豈止過絳守。倦翮晚擬尋丹邱。欲和新詩酬眷顧。卻嫌句律似蟾蜍。

訪崔隱居

村南微徑修蛇出。水竹縱橫籬落成。面勢山川絕蕭曠。乍豁遠目增雙明。漁父野田狎白鷺。樵人藥擔分黃精。邴丹寂寞逃物外。許割層軒茆一楹。

又

山人足不蹋朝市。壁挂蘿衣身始輕。岑友太史足迹久不至都門谷口無心著名氏。洲陽相望卜茅衡。飢飧白菊天隨子。菴取黃庭心太平。清靜蓋公期間道。闢堂待捧碧芹羹。

奉和欽使閣學許公海外見寄之作

方丈仙人絳節遊。班行久冠鳳池頭。智囊橫括西紅海。詩境雄開北鬱洲。時使節駐俄佛說北單越洲應直其地璫札遠銜存散吏。前驅祇待迓歸騶。獨慙緡算無裨補。掌制還朝冀見收。

原作

秀水許景澄竹耘

十年臺妙最知名。今日眞看直指行。天下軍輸緡算重。大江鏢鑰雅歌清。徙戎深念煩江統。諭蜀風流羨

馬卿絨取相思馳萬里。漢家帛雁正南征。

再和

九萬里書珠咳唾。十三行札意迴環。浮沈祇合潛郎老。飛輓寧任樞吏贖。戎索廷推銜轡倚。重臣公已餐。
跡斑。圖成蔥雪天顏喜。進御真看米聚山。
帕米爾邊境紛紜爭執未定苦無佳圖定其方向至到得公奏進草疑頓釋。

送沈思齊

勝業資器師。高辭殆天得。晚交得沈子。雲間有奇翼。美箭秀東州。赭汗徠西極。武庫會見收。天閤月題飾。
潭思六夸傳。戎索辨疆域。祭野記躊躇。林。桐筵知服匿。金碑釋勝陀。
金得勝陀碑在伯都訥廟大定廿五年立以頌金太祖功德趙可撰文孫侯書
英篆額唐碣。蒐闕特建牙肥城肥。
寄思干譚言肥城也鑿隴黑水黑。庫爾喀喇烏蘇譯言黑水也或
洲還界北。鹿犁辨風土。羊胛程漏刻。
集君嗜爲西北輿圖之學又纂摛詞涵雅故文字各識職鑿匄金石聲
璀璨雲霞色。追攀陳大樽。幾與箭鋒直。吾衰久捐書。養痾徒食息。校讐廢鉛丹。几案紛朱墨。民罷坐難治。
吏責未稍塞。仗君蹇然來。使我開句臆。高言碧山鮮。發興青邱涉。稻花秀可餐。荷葉淨如拭。聽梵叢林昏。
觀漁曲碕仄。濤崩夏蛟怒。月暗秋蟲織。清談坐忘疲。懸解或俱默。課書蕉一叢。講易著再扞。兒童如石頑。
稍稍就約飭。頗懷卜鄰約。下孝徑投劾。忽復涉辛冬。將歸南湖側。承歡衣斑連。偕計車約敕。披腹呈琅玕。
抽思吐翕絕。將陪石渠議。行履承明城。予耽清淨退。礪飲思木食。常欲希湛冥。卽事媿通識。青櫛藥錄求。

丹井經方覓。康屯付君輩。時論相須亟。焦明自乘雲。倦羽方避弋。送子翔上都。發摛稽古力。探奇寄書來。開予滯江國。

夜坐

偃蹇蒼江上。幽懷耿未平。蕭疎風落木。岑寂鼠窺檠。俗學晚知誤。積流誰激成。惟應西巖月。濁水照孤清。

次韻禪樺見懷

飴我剛腸濯一迴。新詩機趣近歐梅。折麻何幸依同調。剖竹常嫌絆不才。頗畏文書森似束。偶參禪味鏡非臺。宵垂發藥如枚乘。卻盼郵筒月幾來。

簡顧綸卿

復見清標顧八分。華子歲晏悵離羣。同游皖國新知樂。枉示梁溪舊德芬。見贈涇陽端文公集坐嘯幸容成璫逸。軍諮深倚季方勤。謂令弟石仲文學春開池上筵修禊。林下風微獨酌君。

次韵答仙衛

幾見畸人困市閭。室無倭墮侍書鬟。出君製作玉堂手。浚我刀圭金液還。妙迹虞戈新業几。聞君日課吏事之暇必臨寫前堂碑半本冰銜鐺井舊藏山。微之州宅難相托。第獻庸音索解顏。

對雪

奔騰樓下黃山水。颯沓沙枯赭岸兼。雪裏枝江罨丁字。煙中積塢隱雙尖。勁風乍見飛花舞。恩澤徐看宿麥霑。爲禱遺蝗潛入地。年豐三白試頻占。

除夕遣興

爆竹聲中歲已新。勿嫌光景似奔輪。稚川頗守庚申戒。景度猶稱癸巳人。楊凝式癸巳年生題識多自稱癸巳人。北地尺書頻見及。南州風俗乍相親。不辭後飲屠蘇酒。身是爲郎執戟身。

于湖小集

詩二

夜抵皖口甲午正月五日作

未作斜川汗漫遊。乍乘無柁自行舟。愁看兩岸山如墨。煙水空濛不可收。夜泊又尋蝸國角。朝參還赴戟門騶。多情行店容狂客。鐙火深更迓一漚。

懷舒州山谷寺

妙隱本無常轍迹。白衣三祖有高轍。幾多鈍鳥蘆中宿。亦有冥鴻塵外逢。雲護壇松花澹澹。春生溪穀石淙淙。我如別駕栖辛李。瀉碧還撝訪古筇。

仙術都轉屢作虛字詩見示迫窘不敢和戲呈一首

鏘鏘秀句善憑虛。七字長城沛有餘。略似藥名工勸酒。更愁庾語費箋疏。穀常無處車藏用。花到融時蜜始儲。開卷還如披爾雅。最難索解是哉初。

題李斯傳後

枉事蘭陵稱弟子。文字雄強識還鄙。失時爲鼠未爲虎。賢愚何分倉與廟。

秣陵故薛夫子別墅

亭囀頻伽鳥。籬開自在花。夢痕春聚沫。人事海量沙。嵐氣常疑霧。湖光欲變霞。祇餘青一半。罨入段侯家。

謂顯子
朋宅

秦淮水榭歌

闌干花影漾春流。一斛明珠萬斛愁。何處洞房明月夜。幾家牕外木蘭舟。青溪枉渚連桃葉。如水平歌長笛擷。可憐衣上帝京塵。來作秦淮閣中客。閣中豪肉伴哀絃。又入喧囂泛鷁天。玉樹歌殘王氣黯。吳鉤醉把夢痕牽。上元裁過新筇酒。綠煙滅盡清輝透。曲讌華鎔照綺筵。翻嫌璧月明如畫。李家聚斂夏侯衣。片片花圍玉塵飛。中有山陰老支遁。說道遙義箭鋒機。馮侯星棧謁帝金門去。歪與曾侯鄂經送岐路。當作天涯淪落看。佳期總爲浮名誤。平分牢落動辛酸。卻展丁年舊句看。纔引濁泥沙宛在。風吹不動馬湘蘭。予少年題白門新柳記語朱顏能得幾時好。垂柳烏棲白門道。一曲西洲淚滿衣。羊曇華屋傷懷抱。追悼榮根爲笛步遊。胡牀三弄祓清愁。追憶樽酒仍蕭瑟。江令南還已白頭。屠靜山云清婉麗在薛外舅今夕重

弔汪梅村先生墓

金沙井已消英氣。功德泉湮寒碧流。野有逸人員石在。書無封禪茂陵求。光藟地肺龍淵蟄。風送春林鳥囀愁。彫謝近傷楊朴老。更無臣質語天游。

江上遇志仲魯太史

鳳皇池上簪豪客。忽漫相逢白鷺洲。煙外六朝山似繆。樽前雙筍迹如瀟。周保緒與侯齊甫同游白下作雙筍圖天粘芳草

芊絲碧寺憶黃梅。汗漫遊明。日分飛。勞燕別折麻江上。寫離憂。

治道尙猛

何以磨治攻玉具。粗沙大石用逾神。由來惡器能成美。一味菱茸誤殺人。

憶君山寺

聞道君山納。春治種藥欄。塔雲尖半隱。幢雨字全漫。澗水侵藥路。松根絡館壇。有書招倦客。晚几道經攤。

春雁

叢雁春當去。憐予阻北歸。相攜蘆溆侶。卻向帝城飛。挾子銜瓊粟。穿雲帶落暉。秋來故人札。煩汝達層磯。

贈積堂

吏事非吾習。有疑諮伯始。盲人資邛竹。得杖蛟龍倚。君於世法深。閱人如流水。臧否闕舌端。陽秋在皮裏。如竹葦稻麻。過眼蛇雀眎。電光石火中。百年剎那耳。靈臺有白日。學道良足恃。生逢祝元祐。木星五周矣。欲陪香山翁。留眞普明寺。花柳無邊春。溪流淨如綺。登臨吾輩樂。拍拍鳬雁喜。物情向欣欣。何況濠上履。看山不礙目。聽水不逆耳。清暉來娛人。誰言光景駛。試飽青神餽。遺之紫石髓。

贈約齋老友

興化門下士，誰人得真傳。看君作艸隸，外質中藏研。清寒孕山骨，其氣蒸霞煙。奚止師一鱗，法乳天機全。我落樊溷中，疲茶慙貞堅。君葆元珠瑩，觸物意超然。食息與人同，中有春無邊。不言而飲和，言涵碧山鮮。我求興化緒，勃宰出君詮。庖丁忘理解，漁者遺芳荃。液液象融冰，涓涓如導泉。翩然徠雲間，朽鈍仗珊瑚。興化不死訣，畏壘得之偏。士志怡溝壑，萬障矢洞穿。劉先生律身及教學人下工夫先從淡泊堅苦證忘在溝壑拈出一語樹樹紅酣山山綠戰無不從這些子樹源萌芽而出抉盡萬緣一掃諸障何必遊黃嶽，遠探赤水淵。妙理在俯拾，失之目睫前。君信能予規，嚙括踰韋弦。相要飛霞佩，藉草江南天。醉則枕竹根，浩浩如登仙。

戲作春興詩

雨絲搖颺淨無塵，點點桃花古渡津。喚取丹青寫春色，蕭家尺木是州民。

調塵遺

天不予閑曠，暫謫在塵喧。北市巢一鶴，南村巢一螭。濕濕一水閒，脈脈抱至言。養好與俗殊，世議畏濁煩。譬如青鷁雛，強以腐鼠飧。世道之所棄，孤光開天門。願早辭殘秩，相攜謝龍樊。竹有一斛實，松無斧斤痕。帝賜剡溪曲，石壁倘可捫。扁舟載酒去，逸興青邱吞。庶遂鰲鶴性，擺落蚍蜉論。凌處士一字病鶴故戲題云云

游飯羅山海客別墅

連巖疊翠杳沈沈。卜築何年海變尋。沙路磐紆出林表。洞扉窈窕敞花陰。脩鯨負曝噓雲氣。山下有池。首果餌。傲嘯鳥穿枝送妙音。歷歷風帆度江樹。瑤闌憑處一開襟。

醉後又書一首

四明狂客登臨興。林外澄江一片明。何處南朝佛刹出。幾家楚調漁歌生。瓊傾寒碧蒲桃酒。盤漬輕紅荔子餚。試把長弓倚西海。異花絕域致珠璣。用漢書西域傳論意。

早至講院諸生皆未至隱几小睡呈王廣文

君真傲吏漆園鄉。伴我清晨憩講堂。門外青袍猶待集。花前小閣暫焚香。逍遙臺圯詩碑泐。蛺蝶叢棲草徑荒。睡味試拈參鬻缺。此情何遽減濠梁。君蒙城人。曩嘗爲予說莊子祠堂故事故云。

王君邀喫菰米粥味澀而美再賦

橫舍官清自不貧。老資服食啖霞人。水精碗有雕菰粥。久竹壇邀野趣賓。觸網關人珠變意。澆腸莫污汗書筠。不須米乞鄰僧送。瓶有餘糧鼠不嘖。

東庵道人

道人枯坐髮紺碧。卅年夜眠脇不席。倘如松子隨風雨。不逐淮王煉秋石。聞有一道人寓小蓬萊閣曉養性術既而辭去不知所往。

養疴

東風吹人不可出。窗外搖颺小桃枝。寢瘵還應謝人事。爲園孤負隔年期。黃山松花玉色醲。白嶽筍束蒼龍肌。宛轉空齋資服食。過江持論養生宜。

莫謂

莫謂因山遺鋪糟。意行芳草滿林皋。嶺霞射紫明殘塔。江雨霏紅出小桃。過客騎驄知供奉。州民控鯉有琴高。欲除賓館招徵士。何處江南紡落毛。

新修小梭子

新修小梭子。手種兩桃花。閒以蕭疎竹。如飡淡泊霞。何嫌傲吏舍。不遠羽人家。地縱非句漏。爲丹亦鍊沙。板扉上有涎螭家人呼。爲水牛戲賦。

沿砌經年溼未休。閒前春水已漫洲。楓棧何處栖金爵。扉板今看上水牛。廬乞焦先分少許。園邀庾信卜歸休。紛紛蠻觸爭方始。一笑先生映劍頭。

祠事回水南春望

禮罷奉祠玉翠樹。雲開曉色劃輕露。過橋官柳含煙潤。隔水禪扉出霧深。江景芊緜如畫裏。春聲宛轉入簫心。遠山翠薄猶難辨。略見東南一小岑。

得鼎父廣州書卻寄

久隔嶺南書。疎麻一畝予。數明互相照。世法病俱疏。白嶽黃灣別。鸞飛草長初。行藏兩無著。素抱祇憐虛。
踢青

莫关于湖。陋費滿。踢青聊快放翁顛。菜花鋪似黃綾被。柳絮輕於白氎綿。預約流觴修禊事。乍逢土鏹禁疎煙。歸來自課園丁肆。買竹猶應斥俸錢。

水南閒眺

多情兩水夾明鏡。遶我門前碧玉環。帖石幾弓將塢岸。開林一抹遠來山。漁家新漲頻逐鷺。野衲遲炊尙掩關。定有巖栖鹿皮安。青皋策杖豈勝攀。

預邀同社諸君春禊

春晚餘寒匝地陰。散懷齊契仗登臨。栖心祇欲追蘭渚。把臂猶當入竹林。別有幽憂今異昔。但期諧隱陸恆沈。試開傑閣披襟看。一片花畦似散金。

戲題寄子裳

獻歲與君別。飄然作楚游。推擠同散木。浩蕩兩虛舟。樊素貧求去。樵青酒熨愁。端如王內史。祇欲乞宣州。
次韻靜山太史

索解欣來郭子辛。新瑤許贈白雲篇。羨君才力方逾上。老我疎頑廢所傳。將奏甘泉陪祀頌。欲浮春水上。

天船考槃祇覩君家故。赤水槎頭釣碧鮮。屠赤水考槃餘事於退居所須適體便人推求盡致亦殊有風趣。

雲門秦中書來示見和詩累數番紙才如泉湧雋不可當戲答一絕
漸西浪作閒言語引得雲門一棒來似出驪山神姥授噤子有口不能開

邀子剛出游集句

暮春沙草羣瀉。小舫正橫溪上風。安得仙人九節杖。羨君懷中雙橘紅。定知出郭少塵事。逕須著鞭隨詩翁。謂尊人約齋先生。年垂半百不稱意。倘有江船吾欲東。

登知稼樓宴集

商君務農戰。治國力本根。戶口資殷實。董勸在耕耘。不修良足恩。草宅饗禽遜。王元長永明十一年策秀競棄本徇末厥弊滋多近日海內民窮財殫餉力艱細似當力行節儉師魏典農中郎宋州將兼管內勸農使之意以墾荒盡地利教民耕作爲急重農積粟力田者有獎必令內地戶口殷實根立勢舉乃徐圖并外患此非常談乃才務也。大賢祝金穰。題榜斯樓尊。巡于湖日事。知時所宜務。焉敢忽略云。竊願修前緒。慎勿侈游觀。佳晨霽漠漠。東作將課勤。百昌久冒概。社集趁餘春。衆賓歡嘉會。開筵列芳樽。液液散和氣。欲以嚶黎元。緋桃萼已殘。綠柳尙依門。芊麗極遠目。溝塍鋪綺繁。薄晚未須散。別軫感飛翻。敬山將入都。曲蹊傍林轉。春流帶雨渾。荒壇縹篆蘇。幽薄采芳蓀。弱翰攀昔轡。逸情繭奔雲。未忘命名意。相與浚至言。

食筭

南來祇有一事勝。日啖東籬上番筍。肺病經年畏豬肉。兼珍復得松花菌。鐘龍解甲美如鮓。剗切駢頭付庖尹。北地黃芽姪女鮮。南州綠繖饒守羣。北人以黃芽菜爲雋味亦守羣之勁敵皆豪傑之材也春衫明日仍未脫。玉版穿籬塢虛牝。啖肉邊菜作機鋒。臥聽茶鼎號春蚓。

悵望集句

悵望獨策還。春晚綠野秀。天際識歸舟。窗中列遠岫。庭空見野煙。川靜聞山狖。時來北窗閣。迹忝朝廷舊。孤雲倒來深。爛漫堆衆皴。深心託豪素。識微在金奏。未有一人曾。登高創危構。

浮邱子歌

浮邱子。巢在黃山天都絕壁之屨屨。朝游雲海募丹池。服食煉氣老不飢。容顏如玉冰雪肌。手持千年藤一枝。鏤金爲堂白石牀。洞扉窅窕玉女司。朝霞作飴沆瀣糜。黃野人輩爲執炊。止觀安般周六時。槁禪兀坐養嬰兒。液液象解冰流澌。孫曾行跡亦松王喬。何況鮑靚與左慈。左驂青瑀右素威。前驅元熊後赤螭。琴高控鯉曳蘆駝。容成玉顏吹參差。衆靈奔轅朝致辭。拜獻九醞松苓卮。上藥百二十華滋。搗入元霜丹雪霏。辛夷車兮結桂旗。排雲馭氣候指攜。日東月西雙丸馳。青和張樂瓊蕤幃。縹姚有山澤閒儀。上觴奉壽一刀圭。下眎人海陵谷遙。九蜺磨螳冢壘壘。風馳電掃不可見。仙樂縹渺人閒悲。至今惟傳相鶴經。得之副墨洛誦疑。瀨鄉之中士聞其風而慕之。策杖訪之蒼山陲。千搜萬索何處有。捫蘿附葛絕攀躋。但見

玉書繆篆字若紅崖碑。長生真訣留希散。真靈位業倘在斯。一爲遠游歌楚詞。但言此心以馳彼。視其後者而鞭之。

問孰能遊是

至柔能制剛。太冲能勝強。性雲自卷舒。神龍戲太清。瘖默安吾素。谷神内含光。問孰能遊是。請言所授方。

蟬磯

麥碧花黃遠古祠。翠旂雲氣護金支。春深斑竹疑涵淚。事去英風尙滿旗。荒壘何方尋戰鳥。洞冥至竟接然犀。濤聲似挾靈胥怒。一勺椒漿故國思。黃左田尙書據方輿記勝以其地當恒溫屯兵之戰。烏山赤烏以前桐廬爲富春縣之桐溪鄉地。後分立縣治。孫吳先世宅墓廬境內。

王大令邀泛舟渡江謁靈澤夫人廟宴酒舟中作

昔栖羽客丹邱觀。今住縉流一把茆。入蜀記澆磯有道士結廬其上。政和中賜名富淵觀。清瑟傳芭迎送曲。玉簫折柳去來潮。英靈

合薦瓊蘇酒。壇壁應塗茝若椒。入坐深杯同茂宰。隔江山色插雲霄。

題黃文節戎州以後詩

綺語皆涵真實語。忘機略示杜權機。無窮文句雕鏤出。病卽俄空一祖衣。

欲遊黃山客諍云道回遠不可往因說一偈云

黃山雲海濛濛。遠隔幾由旬里。豈知坐臥樓下。日飲天都瀑水。上源導宛溪流。下壑注汝江委。茗浴擔甕便給。過此復何須矣。清溪三百紆曲。出山未變泉味。乃知宇宙妙理。俯拾當前即是。人間喧寂俱忘。雖不入山可耳。

應詹國博六疊前均奉和

老錢佳句逼何陰。真本黃庭未許臨。集雁乍懽簪合聚。栖鸞卻媿枳彌林。兩王繼起應推秀。謂君鄉先達逸吾祭酒紉

問春何處去

酒醒問春何處去。落絮飛花代春語。無數窗前衆綠生。楝花風裏聲聲雨。

聞荆山佳可游故老云是卞和採玉處又多鑿石乳爲造像欣然賦之

聞說荆山碧樹滋。流傳野語故鄣思。玉工銜淺徒招別。石佛津梁想未疲。種朮只宜長獨往。謫觚惟坐不諧時。山靈莫遣驚童豎。寶氣深藏更勿疑。

送饒輔星

堅凝斂盡氣縱橫。東塾猶留老典型。吏部爲陳蘭甫先生之高足弟子豈有奔蜂化蠶蠟。更邀明月伴長庚。未能藥石康時變。且向溪光濯垢纓。記取坐穿官舍榻。綠天新拓綺窗明。

前年在京邸園中老松暴枯葉赤色屹立狀益嶮奇近於吏舍種竹頗不如法十日而半萎黃栽活十數竿耳作詩獻嘲

黃竹不作實赤松不作花松殊棄我久西笑空煙霞郊居白板扉今屬隱侯家子培比部居之竹甫迎門至勁梢無一斜月夕金粟影風簾戛交加如何三十輩半悴如枯杈餘者含生意陶公憐孟嘉失爲清嘯侶倚玉少蒼葭豈如紹聖初黨籍賢人嗟子瞻儋耳飢器之新州痕難參玉版味但製南冠椰抑迂西王母穆滿乘雲車黃竹宴絳雪瘦鞭穿素沙鈞天曲未終竹醉不知耶尙憶赤松子隨風雨爲家不知所如注辟穀待疎麻道逢黃石公借問路何賒天師不吾告窅若仙源槎赤松與黃竹各嫌繁居窳故金玉爾音相約遯荒遐諸君不我客光風遭蘭挪諸下菰蘭數十本甚茂屈平適樂國嵇生困鍛鉞空谷嘲林下虛名懣浮華予亦從茲隱另闢徑三义凌云寫來實主序次有法

集句戲簡約齋

挂起西窗浪接天小橋野店依山前大瓢掬月歸春甕拄杖穿雲冒夕煙劍在牀頭詩在手飢來喫鉢困來眠此閒不可無君語日暮津亭聞過船

和仲伊山長跋廬八詠

跋廬

人懷廬子。伊誰捉臥龍。背人修劍術。莫作白蟻公。

抱沖亭

靜士善觀物。躁人夢飲冰。抱沖忘歲月。剝啄百不瘥。

夫容池

涉江生遠懷。攀木多秋思。置笑此方池。圓靈映其裏。

梅坪

復似孤生竹。盤根託在坪。初疑殘月挂。旋向綺窗橫。

雲起石

莫便撐空起。相伴瓊臺墊。天台齊息園先生嘗獲一石雨時能出雲氣未洒南海霖。且蔭西龜笈。

嘉雨軒

山人老無事。只讀董生書。能鞭伏龍起。更促阿香車。

蕩溪樓

樓吸山千疊。滿藏花一溪。第三層許到。莫便絕攀躋。

延年室

餌芝非續命。汗竹可長年。判作琅嬛主。能教美意延。

野衲

莫笑山僧不識字。心持半偈便窮年。野花不省有開落。山鳥何曾警睡眠。土銚任炊紅稻飯。瓊瓢從汲碧瑩泉。戲將拄杖穿牛鼻。打破林中宴坐禪。

戴文節著色山水便面

公自題識。丁未五月爲女某作。山中閒寂。晝頗不愜意。乃未閱月而女亡。題以付聲。竟成畫識云云。此吳司馬之母夫人也。是值鹿床翁乞恩歸田日所作矣。吳以索題。

慈愛纏至性。幽憂寄生綃。皴染出天得。風趣寫蕭寥。古人愛毛羽。响沫潤枯彫。濃樹類小米。疎嵐如鶴樵。古法亦粗具。紅萼敲長條。嫣然出水際。竚若天台壩。閒靚得館宇。交游謝相招。并無田父識。或者上皇樵。意境含嶮蘊。佳觀衆塵消。自嫌去古遠。神理猶未超。乃知菰者心。虛冲畏檣標。公豈兒女泣。薜花不終朝。悵望白雲堆。精靈徵大招。遺輸人知寶。瓣香誰解燒。脩身在循本。慎獨匪蕪椒。內觀湛然在。數明燭垺霄。大節由素辦。曲菰託樛掣。觀茲助深喟。以鎮世士澆。

公死節之日。家人於衣帶間得楷寫絕命詩一首。有撒手白雲堆裏去。從茲不復到人間之句。人皆習誦。究不測公意云何。後偶檢西湖方志。花塢之直西十許里。有地名白雲堆裏。則南宋時高僧瘞

塔多是在是焉。悵然觸悟。豈公亦如坡公前身。爲廬山五戒耶。不可知也。因記於此。

題薛郭外姑傾人遺真

正容悟物拜蒼顏。往事前塵總黯然。邱首歸全逾七十。東征將子道三千。蝸居不識廳屏敞。鵲結常安衣。滅穿。高行殆難斑。管罄相依猶憶爨無烟。

禹祠

中江疏鑿江之委。明德祠官禮數瞻。岸束驚濤迴壁赭。突無炊暇幾曾黔。荒庭楚頌稀栽橘。春社吳巫競。撲籤。風雨今思塗嶽會。駿奔號令百神嚴。

潘上舍拾菜奉母畫卷

釜三不泊我心悲。畏見斯圖觸涕洟。此色休令黔首見。慈顏久隔綵衣時。潘輿樂事良難再。陸橘天真未。易欺。以諷區中多肉食。誰能不墮令名詒。

鼎丞新得鳳穎詩以代簡

碧油幢引向方州。團扇風情內史優。濠上魚騰懂育育。淮南桂拂蓋修修。行看父老思賢將。同向京城憶。舊游。君前述京洛友人潘孺初鄧伯訥。獻之皆已逝。洪李兩端公尙健在。自鄙宏農徒坐嘯。發硯祇乞潤新猷。

調應廣

宿蕉已展青旗障。新竹遲抽碧玉叢。夜靜清吟誰竊聽。綠天深隱老錢翁。

上禹耕山

亂山環合水連天。綠縹豐茸浸一川。山似巨靈曾擘破。石聞顛米欲施鰲。戈頭箭鏃耕還出。絮影花光舞欲旋。一過蘭閣彈指別。遠人干羽頌堯年。

紫丁香樹

麻舍無園并無一花。比屋雲連。陽景罕曜。范范然不知爲春秋也。一日忽奴星來告。西垣夾道中有佳花二高株。察之則紫丁香也。於是衆賓皆喜。蓋爲薛荔峻牆垣。衣蛛網所蔽也久矣。予規竅方明於牆。而承以丹檻。洞以綺窗。花時可以賓酒。可以劇棋。不居然爲樹矣乎。天下高勝之境。失之目前者多矣。可勝慨邪。以志吾過。且慶斯樹。一朝呈奇獻狀於榛翳之中也。

久別長春寺六株。春來香雪海何如。無端瘴癘西垣下。忽覩仙人紫綺襦。予京邸長春寺有六株皆白花時常攜酒婆娑其下。

又

窈窕窗開亦偶然。孤芳久闕汝清妍。愁禁騷屑吳天雨。瘦倚腰支楚國煙。

又

垣衣蛛網鎖縱橫。寂歷何人識此情。好似韓員外家樹。傳杯露坐賞繁英。

又

陶令田無秔一稜。白家池少竹千竿。榜書新溼丁香榭。只作微之州宅看。

野景

荷葉淨於青玉盤。菱花明似赤金鈿。原知不及西湖好。風景依稀雨後天。

予規爲榭估工四十金。難之遂罷役客。又曰。此殿春花狀酷似丁香。而實非也。復作詩。

心生本無住。隨處得安便。好似瀉波宅。常於小印鐫。趙吳興每題識鈴以書屋章人叩其所在則曰我無一屋只在印上耳。

又

老來讀爾雅。不熟今知誤。不識殿春花。喚作丁香樹。

又

世樂本有涯。堅尋內游好。無花亦無榭。穩睡忘春曉。

甄散

世法出世法。暴散初不二。譬庭樹冬枯。春條還豐蔚。四榮乘四空。世法紆委備。四枯藏四實。卽出世法是。照已寂惺惺。寂中涵照理。靈臺湛不動。刻璠衆形駛。焦穀不生芽。火馳還黜智。世樂多纏障。栖心無義味。無味至味存。無義真實誼。道根澹亡味。用乃不可旣。將一指頭禪。四百灘漲起。誰樂一法輪。不假三車致。

三車亦權設。未辦了四智。不見新州獠。腰石朝舂米。掀翻明鏡臺。方現根性利。見山未見道。猶縛罽罍累。永嘉折楊幘。變了止觀止。無世出世法。淨信汝授記。无真亦无妄。无成亦无毀。一超方頓證。入優畢义地。不斬衆緣生。不見一法起。甄諸微妙因。寫以人閒字。

題書卷

夏嵐雨過濃於滴。中有延緣葦閒客。試揩生目望溪橋。飛閣嵌空梵王宅。縹緲風吹櫺葉衣。疑是瞿硎隱文脊。

挂席

漢日丹楊郡。桓家白紵山。好歌知應節。餘響落雲寰。詠史吾家舊。租船興未闌。明朝挂席去。乘月弄潺湲。

初夏

愁與青春募。思因積雨生。瘴蛇銜草出。乳鵲啜花行。灰種移秧未。籬門織槿成。故畦歸未得。江漲正縱橫。

迂綸卿

江樹晴縈赤羽薰。詩翁喜迂老梁汾。剛逢南仲巡黜岫。天遣東坡會卯君。謂慈弟石仲先生有約同聽官舸雨。忘機更上敬亭雲。相邀徑訪文殊院。黃海題名當冊勳。

舟行

洲渚劇連綿。蘼蘆淺水邊。牛行春穀澗。人向宛陵烟。問俗從卑溼。登梓得小鮮。還招白龍至。騎訪子明仙。聞當塗縣慈姥磯。出異竹圓綴絕倫。卽西蜀王褒所稱江南之蕭簫也。所從來遠矣。欣然賦之。

草怪江南曲。流潮激宕迴。雲峯祀吳姥。懸嶂劇簫材。能致仙靈集。風生洞壑哀。羽衣騎夜鶴。一上凌歊臺。綸卿舟次枉和新篇復次韻。

無邊細草夕陽薰。簫鼓中流泛曲汾。畫舫欣瞻天使節。玉篇重荷野王君。近無野利堪游屐。遠有烟嵐半入雲。何處南朝四百寺。前塵爲訪杜司勳。

江村

黃雲劉淨綠無邊。剛是江南四月天。耕出野墳銀作蟹。桓宣武女冢事紙霏晴確玉鋪烟。一雙白鷺衝人起。無數紅蜻點水圓。只笑刺藤花欲落。瘴腥猶觸客衣痕。

東門渡

曲曲澄江抱。宣州古渡頭。遠嵐平更潤。野市僻仍幽。蘭草瞿硎宅。蘋花謝朓洲。堪於此栖築。枕石漱清流。緯夫行

麥未作餅禾插無。前村後村雉哺雛。腰鎌秧馬婦與姑。丈夫何在朝亡逋。里胥追索如奔狐。螭頭大舫旗繡弧。沈薰雙炷博山爐。班劍列隊衣麗都。大秦番樂奏清娛。殷山鼓吹千騎呼。從吏虎冠叱里胥。長年袖

手攤錢。坐待伍伯捉絳夫。方舟並進銜尾魚。一舸十丁罄折趨。餘丁折泉供奚奴。督以材官鞭背蛆。酒肉如山壓臺輿。不得犒汝朝未餉。窺舫中人天神乎。隱囊倦倚錦地瑜。腹中何有鷗夷壺。稀出智慮蘇民痛。絳夫絳夫爾何辜。不得耕種輸官租。弊衣短後腰笏俱。此中恐有何易于。

宣州楊使君招讌郡齋並約同游北樓留題

我欲逐陵陽子。明朝騎白龍背。採不死藥。汗漫尋丹邱。又欲訪李供奉。手攜綠玉杖。鍊淬金骨好入天都游。上有昭融蕩蕩不可鑄之碧落。下有汀瀾曲曲之迴流。此中蠶耕老避世。息陰逃物將焉求。年豐祝稻勿生耳。地僻支茆聊蓋頭。朝供礪飲敬亭麓。暮適蔽體瞿硎裘。天都丹邱相望阻參錯。蒼耳林中逸人不可作。山阿桂枝暗髮徒。攀翻蟻吟鶴怨吾意久靈落。仗有醫巫閭嶽。賢使君來主佳郡。雲山新。宛溪迴抱雙翠虹。水如碧玉百丈見游鱗。尚餘歸然北樓在。澆我美酒松花春。使君好客意甚真。滿堂豪俠朱家鄰。常懷獨坐清天下。況復韭花書絕倫。臥涼月。拂花茵。袖中謝公句。寫景妙入神。何待歸臚剡曲尊。三千年不隔一塵。朝朝看雲北樓上。清暉變化來娛人。明當散髮扁舟去。出山迴望迹已陳。惟有使君獨醒還獨醉。掃盡人間煩惱因。二豪蠔蠃倏不見。滿壁蛇蚓鐫翠珉。他年重開張樂讌。相憶汀洲弄白蘋。

明日果登北樓別既淹旬。追念靈境帽勞不釋。用謝吏部高齋閒望答呂法曹韻作一首以寄意。麗闕倚修簷。危構陵蕭深。乍尋散徑上。翕絕環洞林。連嶂如四隕。風簷戛孤吟。散聞地籟殷。音琅若天風。

琴異境關芳謁。高標寫遐心。薜蘿陪清宴。是日惠峯太守復真酒樓下集折麻承玉音。已攬神皋趣。何用陟嶽岑。北窗正山雲物了了可辨。追於官程不能復往游。

又依高齋晤事均作一首

新雨霽含清。層嵐危阻日。炊烟萬瓦浮。霧樹雙溪出。欲攀瞿硎輓。方摘處道筆。吐納餐高明。雲霞生席膝。史記魏其侯傳。餘半膝席。前賢蘭自薰。感遇情非一。逃名齊榮萎。庶治幽憂疾。

依李翰林登宣城北樓作一首

雲山含變態。欄楯若浮空。近接陵陽洞。紆迴澗歛虹。玉筍招夜鶴。流水入枯桐。代謝蘭將菊。登臨憶謝公。讀南齊謝朓傳有感

餌菊已無潭。烹鮮非薤日。潺潺樓外溪。葭吹樽前出。終鑠黃金軀。空留綠沈筆。曾充符竹隱。寄抱高齋膝。菴腰紛異容。烟巒望如一。倘全山藪性。割漆甯藏疾。

惠山聽松篆刻拓本

松下鋪瑤席。有人吹玉筍。華陽傳故事。篆勢尙縱橫。兩字勁銀鐵。千年落洗瑩。誰留此仙迹。疑是山元卿。葉若生有辨以爲非李少溫迹。

又爲彭應賡題

乳水是可致。冷然錢後人。松風妙入聽。山雨迹如新。抱得蒼玉筴。張之粉壁皴。君應三日臥。臥玩瘦通神。

欲尋

欲尋古蹟一消憂。迫窘思難乙乙抽。亦有金門供小隱。還浮玉水過方流。劍池氣欲刺龍耳。畫壁名猶壓虎頭。坐歎江湖成濩落。無心競渡看操舟。東南有門曰金馬門。東河大荆山。聞出玉赭山。上有干將洗劍池。明徹吏勞公祠。原有籬尺木。盡壁今亡之。

訪崔隱君不值

新月映田水。蘋霞明晚墟。圓荷淨搖颺。早稻青扶疏。欲尋南村逸。不見空時踰。惟有比鄰交。歸來還荷鋤。雖隔草莽侶。猶闕生白虛。寂寞逃人外。宛然班生廬。伊人采芝朮。洄溯一輩子。

舟中望九華山

入梅新漲拍天流。雲氣山光枕一州。九女烟鬟出明鏡。羣嵐排闥送行舟。夢跡祇作天都勝。呼吸遙通帝座游。遙指樵人紺林外。只疑來往遇浮邱。

復至舒州

磨驢欣復蹋前塵。三宿猶憐棄下身。門已層落漫勝字。窗無鏡檻瞰花茵。涎螭作篆徒工技。乳燕銜泥巧趁人。逆旅主人无恙在。青裙白髮嬾長貧。

壯士行

安得壯士扶日車，指攜羣筴奠帝家。功成辟穀餌丹沙，惜哉風塵久不遇。坐令江湖老羈旅，臥聽簾外滿瀟雨。深山蛇舞潛學龍，戶藏彭祖尸素饗。欲告雷霆道何從，晉書王淩傳幽州城門似藏戶云云時乎去我若雲浮。空吟賦駟摧雙轡，喚誰鑄以青金甌。

見林蘭花寓意

林蘭吹氣不勝寒，玉指當時促坐彈。二十七年流水去，暗香殘藥隔簾看。

子裳招池上集

園林依舊潤池上，足龜魚。畫燭穿焦出，澄江遶堞紆。欲探浮渡勝，試揭樅陽書。還嗣蘭亭集，風流支許如。將謁唐兀忠宣公墓。

九流元氏濁，片石表孤忠。素履搘殘局，朱萸實勁風。將陳椒醕奠，一障濁流東。太息虞文靖，知公未遇中。簡署布政使員公。

甘霖布濩徧江皋，經畫知公昕夕勞。百二提封程計吏，半千名胄出人豪。久懷苦縣烹鮮手，新奏棗林中節刀。治行純深動天語，真除笑止爾書褒。

會披黃菊出蒿蓬，澄汰才流仰至公。妙選一臺推武庫，君先官兵部學林二曲擅宗工。徵歌樂職西州雅，霑渥清樽北海同。咸受指撝陽雨若，卻慙短翅負冥鴻。

春草行

春草夏更綠，猶銜三春暉。春暉久已翳，想像見容徽。東望連岡松，悵悵惟見草。色如春衣，春衣中有慈母綫。夢傍扶牀軋軋機，猶懷石養山結廬。炳燭誦經朝，忍饑縱不能晞。范滂疾風之勁草，甯敢忘汝滂母授之法戒弦與章。於戲天地何廣廣，日月爲珠璣。餘光猶起孤兒扉，寸草抱此將安歸。

仙老招游大觀亭

嵯峨近接青蓮宮，與公馮虛一御風。渺然江湖成壯觀，下瞰樓艦排晴空。匡廬遙指灑飛瀑，黟嶽爲我生長虹。是日隔岸東流，縣境虹遙見。披襟坐對一樽淥，何似雲將邀鴻蒙。

又一首

新河巧市危亭背，沙鳥風帆乍有無。二氣蟠紆亘青赤，百靈襟帶界荆吳。珠光祖塋層層見，碧血英祠冉冉趨。淘洗前朝餘恨在，傳芭擊鼓走村巫。

苦熱行

江南苦乏冰，碗致衣上疑有火珠生。將無丹矰劫餓敗，甞烘六合皆光明。金烏翕絕食鐵汁，烏鵲渴死瘖不鳴。安得松風絕礪畔，洞扉綠淨鋪桃笙。

黃提督秉均蒙縣守城圖

雀鼠已盡廚無烟。黑雲壓城崩堞穿。面如枯腊猶披堅。佩刀不能出飛泉。夜深月暗青燐燃。重隨禹步不能前。逆苗陸梁斷外援。奔車礮礮殷九淵。長平瓦震理無全。輸攻墨守氣仡然。百二十人脰忘恨。死國城中該枕藉創殘。餓殍之餘。士卒裁餘百二十許人。口銜木石精衛填。忠信耿耿蚡皇天。僧郎萬騎來闐闐。解汝昌義之倒懸。痛定思痛。圖使傳。青青之麥陵。陂妍昔曾戰。骨餒豪雋。華燈清時照綺筵。解衣刀箭癰生瘡。努力輸稅耕王田。老猶斗飢挽黃肩。追轢褒鄂雲台鏤。當年頗學吏漆園。視喪其足土苴捐。流金焦石志不遷。

寄梁節庵鄂州

飛鸞去臘不停騁。四海誰容一節庵。浮芥平吞雲八九。折麻聊寄道千三。青油幕已成中隱。白壁卿羞致立談。自是超然不羈客。焦山何有有書龕。君嘗隱焦山。

試帖偶存

柳拂旌旗露未乾得春字

禁柳千絲鼻宮旗一色新。露晞猶漬曙風拂乍籠春。淑氣瞻黃嫩低枝蘸碧鱗。煙開金殿藥衣潤玉階人。析羽離離影涵珠嫋嫋身。翠疑搖雜佩紅不染纖塵。東面颺偏弱南牙仗早陳。託根依太液甘澹頌恩綸。

又

稚柳和煙細。青旗拂淺春。未乾前夕露似迓早朝人。清點緋衣溼寒搖羽蓋頻。珠盤粘落絮金縷掃芳茵。天仗陳都潤雲蕤畫不真。遠風交禁樹仙瀛飲詞臣。漲鳴痕堪染宮鶯囀亦新。永豐根乍徙載筆頌時巡。

紅藕香殘玉簫秋得秋字

紅衣殘更艷玉簫一螢流。雪藕誰穿孔飄桐忽報秋。涼思方錦褥花妥木蘭舟。露瓣敲東面風漪卷上頭。香痕參篆鴨扇影怯牽牛。解珮人千里流黃月半樓。題還攜彩筆簾欲下珊瑚。卻妬棲鴛夢塘西未解愁。

書味夜燈知得知字

妙得羣書味。寒燈伴鬢絲。宛如雙照澈不獨寸心知。青映千編汗紅搖一穗垂。微言蟬腹飽曲柄雁檠敲。蠶白探碑趣松肪讀易宜。官廚真癖左夢草忽生池。理窟供含咀神光乍合離。道腴欣有獲蓮燭侍經幃。

又

巧鬪燈花麗。書窗有味知。心光迴合處。夜氣獨醒時。得雋醍醐似。含烟杳靄垂。晶瑩雙雁足。寂照一烏皮。興往真成癖。神來不覺疲。壁蟲如助語。言象入沈思。坐欲頻穿榻。身將老抱遺。齋忘捐亦好。鏤畫謝冰脂。

于湖小集

詩三

後苦熱行甲午長夏

赤龍敕斷清飈吹。蕲簟虛設黃琉璃。蘭筍山人席嫌暖。謂約齊老人。慢膚多汗真退之。去年疾疫徧四境。田父野老呻創痍。今年畏壘免疵癘。五穀結實宜炎曦。古詩六月不熱。五穀不結。卻思避暑高歡宮。風峪凜冽捫穹碑。安得鄴冰河朔去。賓雁始卜南來期。焦原草木亦畏炙。手抉河漢探湯池。邀公造作排纂語。強餽徂暑尻輪馳。礮車雲起喚急雨。一洗六合蘇蒸炊。

題吳樸心小影

墮甌初不顧。早曾知孟生。坎坷嗟遂往。颯爽未忘情。品藻儒兼俠。浮湛枯又榮。迴思騎兵語。素抱偃縱橫。太虛者氣之萌芽。易氣迅息生。

氣炎人鬱蒸。水熱魚淦病。生物息相吹。天機妙游泳。放之清冷淵。吐納空明鏡。遊於至靜中。遂得其真性。湛然主人翁。萬緣無將迎。去彼賊生者。與汝養生竟。

六月初九日放船自蟪磯回夜宿江上小閣

退之逐杜尹。鱸煙辨江色。橫江獵菰蒲。撇漩如隼翼。習流操八槳。奮與水爭力。強振戈船回。水伯蛟宮逼。濤攫萬頃怒。塔與兩尖直。少焉艤江閣。攜汗不能食。月出挂太空。圓成水晶域。金波吹海濤。天浸水一色。瀉碧蜀雲端。浮青楚望極。馮欄攬異景。夜明羣籟息。喚取謫仙人。來供文字職。惟嫌擾擾蚤。幾嚼鹿筋國。不辭苛政除。扇以冰霜殲。且辦一宿禪。物變良可測。

歷歷

往事真堪歷歷思。郎官畫省鬢成絲。竹西酒漬衫痕透。薊北箋飛鉢韻奇。浮玉山前籬楊屐。湧金門外看袁詩。廚人喚斫東溟鱠。躑躅江湖語向誰。時有倭寇之警

詠新製荷葉露

世事紛紛笑劇棋。惟將服食託羲之。蒸成玉甑浮千葉。敕賜金莖露一卮。姑射神人餐特妙。茂陵園令渴還宜。合丹不用青蓮瓣。踵息猶應看上龜。

題呂九霞丈雜臨古帖

正始風流那可追。玉堂鈴索夜論思。莊嚴筆不忘規諫。想見先生下直時。

又

妙得乾嘉逸老傳。輕於蟬翼瘦金鐫。山陰棐几誰消息。一卷蘇齋論八千。翁蘇齋作唐楷習法衰。羅繼石墨一字一畫必求其朔。爲近人

楷法所祖

又

不妨兼採元明氏。逸態逃虛子恣橫。蛻迹君家述聖頌。遊絲斂腳綴分明。唐石刻有呂向述聖頌與褚法一鼻孔出氣。

又

密度針痕到道因。小歐陽出接清新。臨樨迴憶桑根叟。老輩臨池見性真。外舅薛淮先生與九丈同年至好。庚申秋居園城中。羣吳修刻國朝名人簡尺盡十二卷。一筆不苟。

漫寫三絕句

暫出後梭看。青莎如許長。暗蟲聲似織。急箭換流光。
青荷折豔豔。未殘一兩朵。來伴淨名居。倦禪囊駝坐。
海右蠻攻觸。紛紜黍一炊。北風吹汝急。倔強豈多時。謂戢強可乘逆倭之弊。

戲題上楊宣州

道人絕粒轉河車。顏色如童鬢未華。坐對清饒千畝竹。不栽深色一叢花。敬亭竟落丹青手。陳跡他時粉墨誇。遙想官閑池上酌。溪深林外數簷餘。

北黔

北豔石筍壓天半。碧樹縹渺容成家。四百由旬望不到。三千甲子始一花。何人憑虛吹比竹。有客度瀨將疎麻。欲登雲海一遊目。擾擾海市鬪魚蝦。

天門山

岩嶮天門山。峽束青羅帶。韓詩江作青羅帶疑有神人栖。問道知去害。紫芝今有無。雲氣如羽蓋。下瞰馮夷宮。森然列紫貝。驪龍幾時寤。或益元珠。猶金鎗閃翠旂。洪濤起靈籟。誰彎扶桑弓。劍倚青天外。水宿鷗相呼。江空月逾大。夜深閭闔開。倏燦電光會。願借任公鉤。長鯨行可膾。

哭朱鼎甫山長四十均

海內論文友。臣今質已亡。卜鄰乖夙約。舊業媿偏荒。封事蕭長倩。謫官虞仲翔。鷹鷂一鍛羽。蛩駘遂分行。策杖桃榔浦。談經薜荔堂。地卑驚賦鵬。君物於廣雅書院軸折阻騰驤。簡尺稀頻訝。憂端病未詳。迹同坡厲惠。騷擬柳浮湘。義故芻千束。栽培木幾章。及門羅竹箭。正議掃秕糠。匿著殺青待。諫書焚草將。赤心酬造化。甘節憺風霜。玉剖荆廷璞。珠箋漢殿囊。娛親糧潔白。竹卿年丈今里居尚健鉉我志沈洋。不墜明招綬。重熏麗澤香。辛虛箴老釋。素履戒行藏。以上述鼎甫遺書規我之詞炎海紛蕉荔。西臺孤鳳皇。斯人貞石介。應侍帝星傍。玲倚姜家被。依弟苗生相醫窮陸氏方。講帷虛摯雁。久訂明年來主中江書院開徑失求羊。丹旆何時返。烏傷望歲穰。添丁猶在劍。列子憶連牆。蘸筆紫微閣。甲戌夏同登第改官人丙子同登第改官分箋青豆房。仙官遷柱史。龐尉落潛郎。明月弓三夜。清

樽尺五莊。柳湖浩逕窄。棗寺藥欄長。塞上黃鸝曲。燕中墮馬妝。豔歌雙笛。新譜九機張。禊日邀羣李。伯
端花時讌硬黃。以謂激閭通政丈。昔黃琴臨先生立朝清介。人輕舟泛北汴。健筆入南牀。歷歷前塵數。駸駸
公隙駟忙。英華真離絕。神理未能忘。昔夢爭王室。今瞻滯瘴鄉。謀歸清穀水。毋恩濁醪場。來書屯難憂禾絹。
彫殘解蕙纒。樂浪罹毒螫。伊豆起披猖。北極仁兼育。東鄰燄矯攘。雲浮障日轂。島裔擗羶梁。鵠嶺朝占氣。
龍淵夕掩鉞。青楓白瀨外。望遠獨神傷。

近事書憤和友人作

海氣昏昏澤若焦。天何此醉島夷驕。毒螫竟遣流東社。狡計俄傳起北條。倭執政有北條氏絕塞蒼鵝朝擗岸。嚴
更元菟夜聞刁。當時只恨童男女。遺種流傳獍一梟。

二

帝澤如天覆樂浪。薄來賜予極豐穰。不須瓜子金充貢。但取松皮扇實筐。橫草削前思猛士。善花宮裏誤
屏王。東史武康王妃。號善花夫人。萬波息笛藏何處。新羅傳。國寶有神笛。吹之可以卻兵。止雨號。萬波息笛。見東京雜記。不止倭氛起陸梁。

三

狡夷安忍遽渝盟。煩費戈船跨海征。爭險遲趨碧蹄館。伏戎旋選赤眉兵。道家後起應多算。師律前驅討
不庭。貢道無端阻藩部。

敕徵邊將集三明

四

恭聞下詔奮天戈。盜弄頻煩尉候訶。虜騎已過東對馬。行人猶款小飛驒。張弓欲挂扶桑表。漂炭迴傾析木波。自是殷憂開廟略。捷書早晚奏新羅。

前明萬歷朝。東事起。議封貢。召見倭使小西如安。倭使自署云小西飛驒守飛驒郡名也。明史作小西飛者誤。

五

天子臨軒按湛盧。華離誰敢割方輿。東丹猛士徵千騎。關白豐臣本一奴。最憾載書檠不定。致令爭道博先輸。吹脣動地狼心縱。何苦行仁茲父愚。

六

橫海將。匍金貝裝。誰知呂姥佐蕭娘。寵新賜秩貂爲珥。膽怯蒙皮虎似羊。猶道杜郵遲伏劍。坐邀長鬣碎焚煌。經營一擲金千萬。蓋海飛雲鐵作檣。

七

月照大同江上愁。孤筍轉戰燼餘收。空籌不敵礮車惡。折戟猶椿長狄喉。苟偃幸能旋馬首。

葉志超自拔。牙山之圖。由

公州平康等處迂道出險直趨平壤。

陳安旋慘失蛇矛。八月十六日平壤大

營失陷左寶貴殉難。犒甸內帑放金關。敵愾疇分聖主憂。

八

欲下雷霆詔鬱森。腥風血雨滿雞林。失機自貶應加等。吹角連營未一心。此錯無州堪鑄鉞。相公有帶但橫金。安平坐擁搢頤劍。不抹東征萬馬瘡。

九

久將玉斧割藩陲。追咎珠槃屢失詞。鴨綠豈容鄰異域。烏黃誰迅赴兵機。魏默深先生詩。烏黃入藥。即兵機。楚縱未合前言食。英使歐格訥奉其國命。居開排解。或云倭暗結俄援。此時務離俄倭之交。則交遠議未決。而逆倭遽開砲燬我兵艦。秦嬴須成右臂規。倭征規功較易。前曾上書言之。當事近攻應決策。噲張方略用奇時。

十

鯉身鹿耳控重關。裨海嚴兵甲盡攢。礦產禁毋窺八斗。基隆開煤之地。名八斗。颶風召使覆三山。槍幡縛取高無賴。亡友潘孺初。朱鼎父嘗論倭國詔昵西人。而時時與我構難。其行徑酷似五季之高賴子。玉帛終朝衛朵顏。黔首不教逢不若。中朝鑄鼎洞神姦。

十一

朝來夷氣若幡船。蕩蕩名城漆不堅。月黑梟鳴箕子殿。雲頽鹿角柳條邊。納蘭都護牙旗出。承恩公桂都統祥奉命率榆關守大樹將鉏肘印懸。尚書銜宋弼門慶新拜蹴破十洲期會飲。氣吞三島誓平填。

十二

漢家玉壘千城列。海國金州百島蟠。臥榻豈容人睡側。鴈牙重拜將登壇。氣成龍虎蒼牙聚。洲擣蜻蜓黑。

子看會責殊方犀布入。更犂陽谷勒銘刊。

重有感

東藩雲氣撼離裾。國小民貧本不支。使者昔臨中執法。敵人今斥下句驪。國王字珠淵好文王擊窳行書光緒十年副都吳公奉命使
東宣慰王贈以楹聯署稱中執法云云。厲民已見星搖露。互市何堪日漏卮。地勢朱蒙接員嶠。蕭條桑海幾陵夷。

又

北遼南陽屢告禔。大東杼軸困蒼黔。符催借權商滋憊。令下徵兵力豈任。精氣變痰非異物。梁溪李忠定痰亦可變爲精氣非二物也言治亂無常。在謀國者振作精神知人善任耳。木生自蠹啓戎心。請看歷歷康熙事。龍戶鯁人孰敢侵。

又

諸道雄師出朵顏。敵來烽火照巖關。豈容西渡馬訾水。甚欲東封熊野山。箕子八條聲教在。營平七十髮毛斑。道旁士女壺漿迓。天使威儀競欲攀。謂幫辦提督軍門蓬萊宋公慶。

又

蝗雀相持共一蟬。虞人挾彈又窺邊。殺機恐起龍蛇陸。安樂宜鉞燕鳩緣。上策莫如先自治。尊生要視後能鞭。釣磯立盡蒼苔冷。獨向西風百慮煎。

右詩十六首。係八月杪作。當時尙未恭讀諭旨。大東溝之戰。水師記名總兵鄧公世昌。首先衝陳。攻

燈敵船。死事最烈。優卹之命。詩中未及。當補贊之。

約同人登高

桓家白紵歌。誰繼謝氏青山宅。已荒。欲共英流弔陳迹。不妨老子據胡床。愁侵北雁邊聲起。心與黃雲海色涼。久思爲黃山文殊頂之遊。一臥滄江秋又晚。試覩萸佩作重陽。

混混

年仍疵癘病交侵。世故崎嶇闊素襟。苛政民多魚碎困。列州吏有繭絲心。雅耽老阮東平趣。一誦高生北叟吟。混混只隨流俗處。忘言笑我不如瘖。

九月十二日又至皖口

樅陽江畔清可憐。何處射蛟臺屹然。浮空楚岫不斷碧。映水吳楓無數鮮。腐儒誰請尙方劍。學佛猶賒離欲天。自恨持戒律太淺。不辦了界內因果。何敢更穿出界外因果。風塵碌碌插手版。夜望北斗闌干懸。

夜讀六潭詩

清麗雄奇兼二勝。瀉峽冷冷山水音。光明一片如鋪錦。贈答雙南出碎金。襟靈瀑布梁邊滌。詩律翁山句裏尋。我願爲雲相上下。挂席東歸天姥岑。

九月十九日招仙術拙存重黎讌集大觀亭

盛唐山外古亭荒。來與羣公醉一觴。遠岫風花隔江水。高秋雲樹展重陽。似聞遼瀋邊聲惡。不盡滄溟海氣黃。寄語東征諸節度。幾時痛飲出居昌。縣名屬慶尚道。倭兵必經此。

大觀亭

袁昶

大山巫龍髻。勢若奮若搏。前江後襟湖。雲水氣參錯。蓬萊割左股。列岫皆削弱。長風號壘空。崩濤聒張樂。浮天亘東南。蕩涵界林薄。居民萬瓦蟠。鱗鱗曝增壑。何人亭其上。危構介邱託。以供雲將徒。笑對鴻蒙躍。仙人王子喬。晨策羣彥約。是日六潭真酒召客仙衛拙存諸觴流以次入座玉杵羅珍饈。江味剖郭索。北風吹墊巾。濁酒共斟酌。主人乞得子幹家美酒一壺山根祕精靈。江水此鏤鑰。至人游貞觀。外物隘寥廓。襟期耽靜退。龜拯仗流略。弛張靡常家。榮晦無滯著。行藏眎乎時。德論契寂寞。各適真君趣。大道有龍螭。

和

長白聯 元仙舊

危亭鶴俯啄。奇石獸仰搏。林衣青纈紛。山果丹瓏錯。窪疑仰叵羅。凸儼彎繁弱。張之嵇生琴。酌以洞庭樂。佳客賞心同。主人嫌酒薄。湛醪乞芳鄰。轟飲吸巨壑。清濁一中之。賢聖欣所託。哦如堅金撞。契比澁鐵躍。浮瀾聳層觀。勝寄標夙約。未覺秋爲氣。浮雲掃蕭索。時乎多憂虞。興到足斟酌。青鵠瞰樓船。白蟻論祕鑰。海圖開曲紆。善策戒膚廓。東戔思前籌。北供偉廟略。師以後直強。弈貴先幾著。雄藩規朱蒙。銘勒靖松漠。方將封云亭。毋爲安蟻螻。

緣省

不論道根深淺。但觀時節因緣。法侶財地四緣湊泊。倚三機間北叟。憑一箭度西天。

何異

朝花菊裁吐。夕秀蘭未披。何異羅含宅。湛冥玩華滋。

題南唐徐常侍集

文律隋前名理雋。學林宋後野言多。斯編正始音猶在。章草兼存晉一波。

金陵道中雜詠

同舟適喜迂林宗。旅泊蕭然減僕從。小語旋聞吹氣笛。樓船搖蕩碧千峯。憂端非一。同年先在船中倚欄絮語詩局。

海舶便如趁夜航。十由旬里一炊強。冷然似御天風去。瞥過名山看未詳。
指點荒村杏靄閒。兩孤雲叟共看山。袖中忽出平倭策。便擬東伐鵠嶺關。
弱晉危樓悍鎮頻。乞移姑孰笑敦溫。俱言避兩天門險。今日天門險豈存。
白紵山開落帽筵。至今應節響流泉。晉人作賊皆名士。定較凶頑烏寇賢。
牛渚磯長淺草明。豈容水恠困溫生。祇緣玉鏡臺消耗。自古英雄伐性輕。溫嶠薨年四十八。

江中盤渦激浪飛。舟人指是螃蟹磯。不去橫行半天下。卻伏荒江如守雌。
遙指鍾山服翼形。紫凝仙氣接金庭。後湖游迹未曾到。欲破荒寒一泛舲。
王氣蔥蔥實壯哉。繡旗風颺碧城隈。浪淘八代英雄去。雲擁三山紫翠來。

行盡青林閒絳林。入城楓竹氣蕭森。臺城下有溪橋臥。宛轉華林一徑深。

想見齊梁華林苑。竹路遇志仲魯略談。

忽還班荆許小侯。碧油幢引向江州。立談苦語長安事。欲著春秋考異郵。

南皮幕府攬東南。江左夷吾度海涵。摺拄君王中興局。六飛親御士東戡。

馬行一日城荒寒。夕陽倒射山盤盤。一雙白鷺衝人起。飛入淺水青明玕。

城紫園徑九十許里。馬行一日未能盡。前帥沈文肅嫌城大不可守。規於鼓樓一帶橫築子城一道。截城北作頁。

郭此亦要畫也。惜以紳士汪梅村持不可而止。

壇刻剝落真逸宅。香煙凝紫溪姑祠。金堂此去通地肺。碧樹爲我迴春姿。

最愛溪光兩定林。宋時郭外背城陰。想見日斜騎馬去。歸箋字說一鐙深。

半山亭。北宋時在城外。荆公父楚公墓在焉。公晚罷相。以祠祿判江甯府。有直到日斜騎馬歸之句。

此時猶未捨宅爲寺。遂居城中也。

前塵奚止桑三宿。昨夢真同黍一炊。逆旅主人無恙在。隨緣又度冶城西。
城中白塔如孤鶴。溪上青林似列屏。何處南朝竹竿里。花陰月下酒微醒。

道旅遲君時已昏。

子雲同年亦同住

秦淮夜近酒家村。老無萬里封侯骨。且出兵書校白蟻。

疲吏觸染世機塵。二年蜷伏荒江濱。今來放目一快意。梁鄭王楊盡故人。

六謂星海蘇龜潭叔蟻

武陵公子對門居。舊作長安同隊魚。忽漫相期白門路。紛披藻思一華予。

聞易實甫亦來此

火中暑退古人云。同治湘淮各勁軍。吹律近知風不競。疲兵驕將劇紛紛。

湘淮子弟盤根久。一似牙兵魏博牢。何術新軍鍊朝氣。吾皇宰割在操刀。

江左何嫌弱與貧。八功德水涌粼鄰。高齋會遣賓賢轅。練布何妨儉示民。

征倭方略屬燕公。江介猶堪表裏雄。收淚新亭仗軍令。阿龍超又謝公融。

未能篇

未能頓遣欲界天。騎頸縛取神通仙。招來盛鬻一丈室。天花飛下著積肩。銀鐺火宅楊枝是。纏住香山老居士。戒律唐捐道根淺。胡爲宛轉淤泥裏。萱芳二草伴衰翁。鐵篴吹空鑰里耳。且自消搖作地仙。嵩少騎牛行且止。牛乎穿鼻拽將來。勿使玉顏彫綠髓。

聞金州陷

金州表裏邊門險。老將黃回氣未平。往者西平使相召飲命黃提戎仕林起勸酒予飲一杯黃倭馬無端飲。溲海佛狸行自斃。堅城北來兵氣傳叢雁。東拒軍心觸駭鯨。未與至尊分盱食。祇嫌無補是書生。

七十二汀

七十二汀煙水闊。幾多鈍鳥宿蘆中。

逃虛子用寒山大士句。一朝福報盡。鈍若棲蘆鳥。

何時穿得逃虛鼻。一證曹溪境智融。

簡鄭太夷舍人

大隱藏於市。言歸泛海槎。匿鈔東史祕。裝帶赤城霞。王室今多難。交期喜不遐。外憂甯足懼。國論尙紛拏。戲上六潭

共訪花深態。奴宅繡衣眞。覺夜行踪。鈿蟬一曲伊州淚。淶水三橋油壁車。宛似天台鐺阮去。流杯擎出飯胡麻。

鍾山

鍾山爲我霽顏開。骨冷誌公呼不來。日射梵宮金世界。雲蒸德水碧樓臺。

別鍾山

枯木寒鴉遶古閨。鍾山無語送行人。一牛鳴地茅菴勝。投老他年許卜鄰。

題南皮師集

玉帳軍符妙搃戢。珊瑚鐫餘事句文參。一編手寫香山集。留鎮東林佛火龕。

答六潭

何物上酬賢將意。遠題璫札手親開。織成繡段花釵並。爲餉周家阿杜來。

印庚兄病新起

菴羅園裏對維摩。病過秋天幾利那。瞥見寒林葉都盡。喜仍獨秀登喬柯。

重修滴翠軒寄題

涪翁游息知何許。宛在飛霞落照邊。無復題詩滿青壁。只餘壞磴瀉紅泉。洞窗表裏千峯見。州將迴旋九日緣。今日開軒翠仍滴。行廚竹裏薦芳鮮。黃文節以崇寧元年六月知太平州。九日而罷明年冬遂有謫宜州之命。

又

依然高踞層嵐勝。盪射江光暎塔光。瓔珞巖花供宴坐。蜻蜓烏寇起披猖。寄箋蒼閭知難達。託意丹邱亦黯傷。那有梅歌并歐舞。用先生守當塗日事。但聞蓮漏六時長。

附錄

重修滴翠軒記

方志言赭山有廣濟寺。寺西取微徑。由磴道直上。有軒洞然。榜曰滴翠。表裏江山。境頗雄廓。占一寺之勝。黃涪翁所嘗游憩焉。或云榜親山谷書也。是說也。予嘗疑之。涪翁以崇寧元年壬午六月九日。領太平州事。十七日奉朝旨送吏部。即日解船至江口。會洪甥至。留江上。裁七日。管句洪州玉隆觀。命下。遂赴江州。

九月至鄂州待命。次年癸未，奉敕謫宜州。疑文節爾時外畏讒慝，內迫家累，倉猝去官，困於生事，未嘗久滯姑溪于湖之間，安得有累月淹留，從容題榜之事？詩中亦無一字及之。意者此軒偶然一到，信宿即行，或攜洪駒父同來，皆未可知也。兵火後，軒燬，同治中新建。吳方伯坤修重庀，都料匠構架，日久無人籌歲修之費，又漸卽積圯，歲雜不治。甲午秋，予出俸泉，屬王大令重修葺之，稍稍改觀，以爲都人士文酒譚游之所。匝兩月而落成，予獨慨夫汴宋崇甯大觀之際，羣小負乘，奢僭踰制，淫昏煬蔽，上下相市，曷時黨籍數十君子，其老成忠樸者，率貶斥流徙，或左降典符卑溼之區，相繼物故，士氣殄瘁，而宋氏之元氣遂斲削無餘。於是宣和靖康之禍旋作，至於其閒，瑯繇句律之文士，亦復蕉萃專壹，鐫刻百態。陵轢萬物，蘇門果有功臣在，肯放坡詩百態新。雖若無裨於當時國病，不足預於天下存亡之數。然文采風節，亦自有不可殫滅者。世運人事，迴薄陵夷，予蓋馮此軒楯，北望傷懷，而惡夫涕泗之無從也。軒之所得名，想當日寺西多植篁竹，森然如滴，故以名之。今西垣下亦有竹數百挺，足副曩名。然古今登臨游覽之趣，發憤審直之指，要亦不必盡有合也。夫迹出於履，而非故履，吾豈指迹以求履，而事有曠百世而相感者？予獨何能無慨然耶？爰率筆記之。光緒二十年歲在甲午仲秋之望，芳郭鈍叟書。

以黃營任淵史容所撰年譜詩譜參互考之。元祐六年長夏，山谷在史館，丁母憂。七年正月，護喪還分甯雙井。八年九月服除，紹聖元年起家，授宣州鄂州皆未赴。六月，許管句亳州之明道宮，於開封。

府界居住。山谷遂寓家於太平州之蕪湖。揆其情事。當是山谷以新有宣州之命。故將家東下。比到蕪湖。聞朝旨予祠。遂留家累歲居。而自與兄元明赴汴。緣史事翻案。待罪陳留。二年謫黔州。既被命。自以罪人。無緣復還蕪湖甯家。徑取道尉氏許昌。由江陵上峽赴貶所。是年秋山谷弟知命自蕪湖挈家買舟入峽。抵黔南相見。前後情事。歷歷可知。疑僦宅蕪湖時。迹雖未淹久。意必有與元明及弟姪登赭山游覽之事。或書榜正值其時未可知也。此又一證。以待後人詳之。乙未年正月初四日。又識。公有紹聖元年六月八日彭澤縣題名。蕪湖去彭澤順水程不過六七日程耳。又有池州齊山集筆巖題名。係元年九月。當是既寓家蕪湖。定居後。偕兄大臨弟叔獻叔達子機相槐復買舟往游。是時已得予祠之命。情事可知也。乾隆中宋譜係以意刪改舊譜多錯悞不可從。廬家蕪湖。當在紹聖元年甲戌夏。時山谷年裁五十解。太平郡符。則在崇甯元年壬午六月十七日。時山谷年已五十八。兩俱值殘夏。畫家言夏山蒼翠而如滴。景物政爾相直。故寫榜云云。理或然邪。此又一證也。鈍叟再書。

砭躁

飲冰可瘳火馳胸。寒靜能治躁熱。八足蟹難壘空匿。一毛蝟已弊囊窮。物輕莫遣惜于注。情約由來性自充。待掃浮華非法語。吉人詞寡見全功。

戒瞋

古言瞋是心中火。晴曝驚雷悟兩傷。觸物何緣怨飄瓦。游虛且試坐浮囊。李冲晚節徒爲溢。謝奕週身亦

有防沙性試看捐喜怒。馬渡牛蹄又何妨。

題雲門集後

溫三十六芊綿甚。唐體千年久失傳。大復故應推北地。歸承畢竟遜荆川。奴騷不待加精理。衞宋何妨治小鮮。媿我索居何所得。判將故技付唐捐。

已入深冬庭蕉猶綠

市橋宛轉漲痕消。草綠粘天半未彫。不到南州冬暝處。誰知雪裏有芭蕉。

調思齋

海叟叨容作厲公。予新卜宅湖上。弟爲經營甚力。贈言新仗親家翁。蓋頭一把茆堪住。騎上青天兩白龍。

偶咏三國事

臧否不言真至慎。賢豪多敬復何驕。每懷栗栗蹉于垓。復恐搖搖不至朝。清濁太分才自寇。以上三句。戰爭方始劫誰消。鄧芝對吳主語。扁舟欲棄江湖去。逸翮青邱接絳霄。

諸葛公聞吳主殺張溫。惜其才雋求其所以取死之故。減膳數日。思之未得。既而憬然曰。吾得之矣。其人是非太明。清濁太分。此其所以媒禍乎。觀公不直對劉琦登樓撤梯語。及不諫蜀主伐吳。云法孝直若在。必能制主上東行。就行亦不至危云云。可見公審時度分。言不妄發。知止知默。平日銖積。

寸桑用慎言養氣。卽物窮理工夫。隨時隨地。體驗極精。不稍疎失。晉武稱阮籍至慎。稽智但足辦自全耳。如葛公乃古今第一恣慎善養氣人也。易大傳稱精義入神以致用。利用安身以崇德。意惟葛公足以當之。故表而出之。以告世士之願擔當大事者。

夜寒懷節庵

猝然相遇冶城西。又隔江程滑滑泥。心地政須收汗馬。甕天同是泛醺雞。清愁繡酒澆無力。寒爆爐灰性不迷。我是逃空四枯相。不逢東野肯頭低。

關西軒

身耽白業老復丁。菴榜黃庭心太平。簪裏瓜牛堪小隱。屋上茅龍時一更。待種桃花三兩樹。夢傍觚棱如隔生。喚得水邊林下客。餐取落英吹玉笙。

西菴

西菴傑閣俯林梢。行汲軍持納打包。三篋隨身炊始給。一牛鳴地轉如拗。隔湖鐘度疎籬火。倚檻人攀宿羽巢。物外誰知有兵革。宸尊眞欲老元鰲。

攜梁肅登北樓。望見小九華山頂殊了了。分明向者莽鹵未之見也。今始得之。

鬱蟠萬瓦皺幢幢。海市歌鐘日擊撞。上有浮空九華髻。頓招餐瀛衆眞降。邊氛盜弄侵狼望。落日將兒倚

蜃窗所得前游今悔淺。更覓攜汝上晴崆。

允肅敬和

殘雪前宵玉戲工。山來獻黛有無中。未陪登覽窗塵掃。已覺貞觀世慮空。丹刷鶴翎栖縹渺。碧浮螺頂倚玲瓏。遙知宴坐陽明老。巡視樓船慰聖衷。王文成平逆藩後。入大九華山中宴坐。昨聞張南皮太夫子巡閱海口水師轍台。故以爲比。

梁肅敬和

表裏江山指點雄。孤雲盡處接飛鴻。偶隨撰杖乘清興。瞥見浮嵐插太空。赭岫盤紆人海上。蒼溪曲抱女牆東。他時擊楫中流去。不到扶桑不挂弓。

榮叟敬擬

久不登樓望所思。忽看紺髻出迷離。勝緣恰以無心遇。今日裁爲放目期。不礙重闌障層碧。何須高屐上晴巖。昨宵六出花飛處。山色浮來拄頰宜。

巡夜至觀音松夜半月出寒瑩。惔然灑析毛髮慨然北望。不覺長歌以當阮生之哭。果誰爲聽之邪。殘月出林翳。山疑放佛光。金波照綺水。寒迹溪橋霜。瑩淨數石髮。砒然開天閭。仰眎斗車軛。北辰麗中央。九華幔亭宴。敕罷桂酒觴。似聞青邱閑。百靈淚浪浪。聞思亦低眉。冰炭攪我腸。長吏民之傭。非以役疲氓。我思柳子言。守分乃其常。保障斥繭絲。秋殺沛春陽。顧茲形勝地。慮爲萑苻場。爰攜射聲手。出作曼胡裝。

周行度阡陌。戴星披寒芒。蕭條極原野。探索誅疏強。忽遇阿蘭若。鬱鬱松奇礪。籬間村火寂。磴道凍泉荒。憶昨戒臺游。宿雲圍上方。洞天七十二。奇松參鉞鉞。皴龍壁山骨。舞鶴森開張。一石一蓋假。千厓千繖妝。雲根鏤綠字。星漢翠天章。裕陵灑麗藻。光氣充紫房。十八虬髯公。望幸一何長。松以羅漢名。巘與盧師望。以上述戊寅於西山戒壇之遊。倭塵起。湏洞。邊門蹂鳳皇。松亦含義憤。氣願爲國殤。迹今菰蘆滯。身仍持戟郎。喪哀大澤畔。眷戀玉河梁。久蓄聞薙志。何心紉蕙纚。北望淚河注。排雲謁金堂。資誰廓清力。慨歎不成章。

自題披僧伽梨小影

中有傷心畫不成。先公儒釋界分明。若爲畔去過庭錄。休認崑山顧阿瑛。

又

紡具燈前供梵書。母恩未報百年劬。傳衣最後微言在。化作軍持守慕廬。先徐太夫人年三十後卽長齋持誦楞伽百八句及金剛了義卅二品數通千遍。證无生忍。

又

迹墨心儒更不疑。從他佞佛後生謀。誰知元祐人才胞。鐵漢心師鐫器之。

又

片雲瀟散映精神。斗米何妨署道民。不害上牋爭帝室。偏安方略在深根。

又

他年員石勝詩流

梅村事

罪業穹慈那可酬。履薄臨深須努力。莫教黃蘗作驢鞦。

寄薛十八仍園

上皇樵隱未全貧。橋課茶租事事新。往復紬書一箭直。懺除綺語九分人。晚依迂叟爲監郡。謂南皮督部近屈方回作部民。嵌壁仍園應寫記。游魚猶憶唼青蘋。

懷致仕黃通政丈

槐樹斜街舊卜鄰。看花結社動經春。公真魯國奇男子。身是先皇老侍臣。碁局紫藤花下醉。甌函白獸闌前陳。辨奸竟獲知言譽。擊泚行看段笏新。聞公今秋銷假。聲言犯闕。誓以身殉國。

食冬笋有感

溪翁曉致蒼龍束。萌未成胎已天伐。蕭然登我杞菊廚。調以薑泥燂出骨。隨緣一飽天隨老。厚味腊毒畏天罰。北京繁盛作斤賣。華筵猛憶銷金窟。朱門酒肉如山臬。嚴冬泔蠹出倉猝。廚娘臂觸玉條脫。羹臠隨宜纖手滑。錄公堂餐筯不下。饜棄階前弄蒼檣。南味登拌直一金。誰恤寒儒飽糠粃。洛下冠帶何奢汰。生民毒痛物力竭。竹花無實鳳長饑。風塵瀕洞乘影忽。我今用腹不用目。喚取庖丁洗泥塋。筍簞滿筐裁百錢。食單三九辦嗟咄。卻思兩京哭向天。聞道人饑野無藏。烽烟已自照榆關。時逆倭北犯。瀋陽各屬。敵氛誰能扞金

闕。遠臣對案那能咽。遠道無由上章謁。猶望

官家哀痛詔。策力延登志咆勃。

福陵崛起竹皮冠。佳氣鬱蔥長不歇。

江介卽事

曙色開煙霧。山程接水程。風吹旗掣獵。日射塔空明。魚腹燒丹訣。戈船下瀨兵。雄州古形勝。津吏有逢迎。

近事

歷歷開天不定基。修門新事說多厓。丙丁誰進元龜鑑。庚癸人艱白玉炊。咸里忽傳投畀厄。冰山殊鄙進身媒。樂天近有何文句。寂寂青山獨往時。

夜讀雲門集贈友人詩有臨汝亦修道端居鳩水厓隨身欠春草無玉倚秋葭云云戲答之

曩見隨身無二草。今來萱草侍清耀。道場火宅渾閑事。須喫雲門一棒無。居士安心如木槁。史君下筆有金丹。沼吳九策今餘幾。定許鴟夷一舸閒。

南菴僧自言一字不識殊歎異之以爲有真理

人生識字生憂患。底用高名惹斗箕。頗訝曹溪篩未熟。不嫌槃特鈍如椎。種田幾稜渾難數。圍篋三條自足支。爲指無名遠山色。問官何愛夏雲奇。

又絕句三首

四分硃硃常依律。一个堂堂自做人。多少客卿操子墨。冰脂鏤畫總成塵。
丈夫各有冲天氣。不向如來行處行。妙理豈關窟文字。機鋒亦莫逞縱橫。
黑宰宰中真有物。赤條條地不須衣。何勞裝點香山社。瑠飾翻嫌混沌非。

龜

子與印根石筇積潭澤。民子剛霞儕仲武諸君。梟下走同集永福精舍人。各照一相付山僧度之西。

題水明樓

水明樓上三間屋。割與仙人一半居。下有黃山泉乳美。安排石銚與風鑪。

又

銀漢迢迢界碧城。憐予北望未分明。不殊老杜夔州夜。多少鉤簾獨倚情。

解舍後北樓向未有名。予常有京洛之思。故取杜句名之。

誰與

長明燈下貝多葉。誰與緝經伴寂寥。衣製六朝宮裏褶。溪環三妹蔣家橋。卜居二定林間未。俠氣千賢劫裏消。酒被清愁總無賴。不堪世事日蕭蕭。

咏樊渭南卽效其體

樊家三世軍謀擅，鬱鬱昆刀試小礪。眉嫵人傳新點筆，題詞自寫舊圍屏。仙逋奴婢皆冰玉，臣朔光芒是歲星。不辦狂吟一千字，恐輸才力爾精靈。

咏吏

古今一例戰枯槁，憎愛何嘗有是非。濁世用人無真是，非積愛生是積憎。生非所好，羽毛成所惡，瘡痍見乃見，不足以揜人。人之公心，然其入駿骨久已朽矣。是可憤慨也。狹澗松無橫出勢，炎洲草有後彫姿。此君子不得地，不若小人之乘時微譽。古今功業出於憑藉，有憑藉所據得地，則成。否則孤立而易敗。楊吳之營，昇州爲李昇資元之治，會通河爲明資近日，曾胡蕭清上游，江面藉非向張扼守，孝陵衛蔽遮阻遏。上游何由成功？此資以地也。王陽明倚王瓊，張永乃得成功。此資於人也。黃石齋先生不結聯，鄭氏而孤軍獨出，蓋預知敗徵，必以身殉也。時來房杜凌烟續，運去劉黃絕粒期。忠介甚欲希風行避世，敷榮桑果識親知。

海客別墅

綠樹茸茸似剗齊，新開沙路淨無泥。豈殊員嶠方壺勝，不盡團黃綴綠畦。絕厰竹陰篩瓊碎，嚴冬木葉翳琉璃。我來彈指蘭閣喜，西法由他一闡提。

兒輩謁新修黃文節祠堂回作詩示之

風流雙井崇甯寺，蛻去人間不計年。百代香燒硬黃老，一龕來住蔚藍天。窗戶皆嵌藍玻璃閒嘲小德潛夫比，更

對元明寂住緣。文字但令能照世。微塵世樂盡堪捐。

蔚藍天一角

招得清暉與往還。蔚藍一角敞禪關。倉荒那識平原面。深厚誰明賊杞奸。未必出青資地望。幾看成碧眩天顏。吉祥只合精藍坐。兀兀騰騰半日閒。

玩鞭亭

可兒墳上草烟霏。又過危亭日色微。酒姥偶留鞭七寶。真王竟脫禍三機。碎壺空唱龜雖壽。逸鞚難迴馬似飛。折箠欲笞夷逆節。灰釘行卽振天威。

王參戎牛鎮甸魏致儒王餘春祺子麀熊□□王杉園徐叶亭家石甫九人宴集用太西法照爲九髯圖索題句

九人同宦鄆南北。難得華筵共燭光。看取揚州木芍藥。他時騰蹋跨飛黃。

又

河面從他皺幾多。水明樓上閱婆娑。丹池一浴霜髭變。黃野人來定見訶。羅浮山中有黃野人。相傳葛稚川之諱。

又

乾隆九老南華集。南關陸莊氏九老唱和詩一冊予得之廢句卷中人壽皆至八九十望實清峻昇平盛事也。望氣今占小九華。此會明年吾得與。剖來海上棗如瓜。

友人新爲買三泖宅寄贈前主人

人生天地間。不異傳舍居。軀殼非我有。何況戀田廬。卜居惟洛食。洛旋化爲墟。都邑難久恃。豈況窮櫛閭。朱門與蓬戶。窮達信所如。突廈不爲美。瓜牛豈嫌洳。聊取容兩鄰。角巾賊歸與。柳胡以五號。桑戒戀三咕。猶滯名相迹。慎勿宿蘧廬。但得樓一角。飛霞瞰丹除。左攬壺嶠勝。右釀洞庭渠。晨樵采芝朮。晚牧憩樊陬。飲瀹餐六氣。中祕借三車。肱我雲笈籤。炊我雕菰糲。招我南郭侶。把我東皇裾。飽我看山趣。飮我中園蔬。松風吹玉笙。出則帶經鋤。萬事不挂眼。誓與世情疎。

又

定林自有主。平泉非我石。奇章石千株。今爲阿誰宅。荆公捨爲寺。瓦礫俄金碧。焦先亦露臥。寒囂甘帖席。古來賢聖宅。遺書且糟魄。何況一椽寄。豈其眞履迹。曷捨刻舟求。各爲上皇客。吾家簡齋翁。頗接甌北席。況君忠毅裔。吾敬銘清白。慨然今付囑。離門吾暫闕。我生久旅人。衰白悵半百。藉茲魚菽祭。稍以塞罪責。曉發漁浦潭。夕次富春驛。三十由旬間。鄉里亦非隔。山花粲深紅。山鳥仍格磔。延緣刺舟去。將家就蠶麥。脩然兩相忘。我與君各適。兩家子孫長。綿祿詩禮澤。一言須記取。放心收茶役。各毋落吾事。勤殖寸陰惜。

仁爲大宅安。德喜佳鄰獲。末句謂訥生儀庭伯齊仲英香遠思齊淵甫諸君子皆雲間一時之雋。

寄思齊

緣慳一鉢共雕菰。相見時難意興孤。千劫四風輪簸盪。五湖三畝宅蕭疎。烽烟何地兩整爰。諧隱無心笑俗儒。君是南州一龍劍。迢迢望氣刮昭蘇。

緒山西軒宴集薄暮醉歸書此

圓光乍東上。落景入西冥。墟落生翳映。潭淙盪空明。巖扁古冶鐵。石駮皴霞青。層軒出繁表。梵宇霽地靈。山非九芙蓉。秀削具眞形。遠襟洞楚闕。長劍倚吳硯。宗匠邈難接。新織化不停。筵密吾輩醴。屬似往賢經。悲涵萬古意。名鐫絕壁聲。冬巖有龍蟄。凍卉無芭腥。深卮注東海。塔光倒亭亭。厂松低架屋。欄竹亞成町。天樂魚潛上。清言蛻出聽。醉鼓衆仙舞。袖拂天風冷。騎闌一逕塞。座對千嵐屏。棲眞欲毋返。吐納夜床惺。漠寂黃蘗印。超搖赤松矜。此樂信无極。多生老復丁。將歸更留戀。會友勒仙銘。

北出有地名一天門戲題

區區僻陋一江村。有酒樓勝薄晚行人酒肆醺。別有一天門可上。張筵昨宴九華君。自從得道陵陽去。笙鶴人間今更羣。

夜起四更雪

風定已深更。四圍人籟絕。罌中宿火無。研穴輕冰結。披衣坐窗陰。微聞竹騷屑。忽憶孤山畔。寒梅稍舒纈。斜飛一片花。冷夢重袞徹。予今亦閉關。攤几楞伽偈。寧開待晨光。心迹雙映澈。懸知野舫橫。雪壓漁家絕。寂處道機生。真源不可說。

雪窗下靜坐追憶亡兒松喬

南來失汝已經年。攜汝曾遊善果天。戊子臘月兒隨予遊城西善果寺甘蔗種原無有實。紅蕉質亦豈常堅。打窗竹偃蕭蕭雪。泊坐罌生續續烟。我媿忘情非太上。凡塵未脫世拘纏。

觀物

庭中蘭竹桃。久作四枯姿。忽現四榮相。鏤玉綺交枝。條繁乍霏結。瑩纈正迷離。天工巧翦刻。枯冬迴瓊蕤。老思戒綺語。造物慰吾衰。遺蝗潛入地。禾麥美來茲。聊以澹幽憂。畏壘蘇民疲。粗官服食具。清娛槩間棋。非復黃精腸。藜苳田間饑。那知郊外疁。凍餓無三衣。雪深已一尺。何人閉門籬。未能授仄陋。辟此山澤奇。欲表釣屠隱。上儲龜拯資。恭我行素飽。觀物但娛嬰。徒糜太倉粟。日力鏤冰脂。虛談恐廢務。甯忘胼與胝。憂來念民物。既雪祝晴曦。

題賀監正書龍瑞宮碑後

會稽陶潛宣文沖

十年夢遶龍宮記。覆釜蒼蒼祕始窺。在覆釜山之半嶺。巨石摩崖不見山陰真種子。迷離棗木至今疑。

文沖以新授得賀監碑，揭遺余爲之狂喜奉和。

陰厓鸞鵠衣落蒔，獨上陶生偶得之。云是四明狂道士，眼明今始慰深思。
當時紙盡語隨盡，落筆春林綯采如。不獨千秋尋妙迹，賀公晚爲千秋觀道士年至八十六體清心逸更華予。

阿房

阿房前殿架屏顏，開道飛空繭館環。表海作門天忽醉，以人從欲運方艱。千年石甕山誰徙，十萬橫磨劍久譏。猶有相斯工篆刻，長留筆勢妙紆銀。

花下

碧桃花下流光駛，爲惜華年荏苒過。媛臂蛾眉俱老去，長繩繫日事如何。

江關卽事五截句

蟲穿鳥啄水明樓，瘞藤一枝成獨遊。不見幢幢九華頂，只緣雪暗海西頭。

又

飛霞閣裏人都盡，莫子愚先生戴子高子張嘯叔父草一邱。華表千年鶴重到，風流江表不勝愁。

又

兩京君臣豺虎邊，憂端虹洞冰寒川。蕭然伊呂不難致，指撝諸將韓彭然。

杜公詩。伊呂終難降。韓彭不易呼。出塵皆野鶴。歷塊匪轅駒。言國家必有重臣。握政枋於內。然後可以駕馭悍桀之將於外。而徐收其效。辦天下之大事者。輕天下之爵祿而不可縻。一視萬物混金瓦之注。而不可眩者也。故以出塵野鶴喻之。詩六月毛傳。言人君當用孝友之臣治內。文武之臣治外。二者不可偏廢。卽其指也。故汲直侍幄。淮南寢兵。江陵枋國。咸俞用命。文饒草詔。澤潞服移。刺建牙。尋思牧。

又

窮島跋牂來撼嶽。黔山塊土欲填河。人言九事八爲律。精衛區區力幾何。

又

咫尺家山尙夢中。當年松與我俱童。深藏爪嘴冬巖裏。還我朝南萆北風。

上虞山尙書

久應朝望推迂笑。敕以時艱相弱翁。三獨坐依仙掌露。十思疏寫御屏風。指麾漸欲清裨海。履屐由來仰至公。今夜月明堪北望。戴匡星榜紫微宮。

西園老少會者十三人以序敷坐合照一相予爲題曰一合相

春浴沂陽六七人。坐忘仕隱點知津。不須得失雙台較。寫入天機涉趣新。真之釣台疎不住。寫入雲台坐不定。陳同父語也。

又

非妄非真一合相。无喧无寂三淵觀。稻麻竹葦有真性。何況天泉王伯安。

蘭凍垂病矣。逐之密室以溫之。

孤生鄭所南。畫蘭不畫土。今汝土尙淨。惟離左徒圃。山澤之間氣。摧眉入欄戶。土薄露根傷。光汎風葉舞。昨緣厚地凍。冰霰霏集宇。殘生性豈枯。涸陸聊相煦。紫莖病無色。綠葉萎且俯。移之入蟄室。聊避雪雰侮。將汝共歲寒。明燈照夜午。疏枝冰交加。遠葉錢翦鏤。蕭然十九客。結束纓佩古。蕉萃出塵姿。猗移逸民廡。來春若吾德。一幹一花吐。羅生有餘妍。秀壓芳洲杜。項王謂故人云吾爲若德

六潭居士寒夜獨酌走以病足不獲侍密坐而呼童奴送酒漉戲作

陶公雅兀傲。虻視監江州。白衣送美醞。第博葛巾篋。昔同建威佐。今奚須面謀。名毋挂吾集。趣成獨酌幽。汲水明玉剝。蕭然老坡遊。雪衝黃師是。酒餉青棠舟。法喜譁一笑。樂禪銷千愁。傳青主自稱老藥禪綠衣有公言。老學費箋蒐。陸放翁拈出此事言爲坡集作箋注甚不易見老學菴筆記九域紛未一。十策君勤搜。智計出龜灼。義聲射鴈毬。旣鉞陶坦率。亦笑坡沉浮。虛名兩無取。泝緝倘見收。妙哉不龜藥。素抱絕常流。不得佐國論。翻來荒江頭。捧檄諭卜式。憑濠拉莊周。月寒凌欹台。雪霽丹山邱。溪毛佐羹臠。檐羽宿鉤輈。竹弄影瓊碎。詩嘲韻伊優。竝憐夔一足。鳥落樊雙啾。天公恠兩鳥。各捉一處囚。哦而成合併。衆形恣瑯鍔。予跛成獨臥。公酌散百憂。摺公囊

底智。噬予舌存不。陶不與龐晤。坡不與谷酬。戲攝玻璃江。鹽頭春可求。澆君荔支綠。語穿避亦優。明探荆
山勝。期泛酒船游。相攜兩痿藤。蹋破十千洲。雖無丈二組。各醉三千秋。醉則相枕藉。寒壁天風颭。約君爲
山之游。去此十五里。元人歌陽圭齋所常游也。

聞有摩崖寒壁兩大字。前明駱御史駁曾鑿。

京師三憶詩

憶香山臥佛寺中杪樾花

同游當日朱黃。鼎父再止潛今
同皆遊漢官兵曹南北今存兩幸民。只惹杪樾花一笑。焚和掣電百年身。

憶崇效寺朴和上題名卷

松山又接杏山烽。寄慨青紅此卷中。閱世階前老楸樹。幾看桑海幻沙蟲。

憶西黃寺清淨化城

昔尋華蓋入西黃。花葉穹碑禮法王。大胡土克圖棍克紮拉參昔居此。今在新蓋北。路精河庫爾烏蘇之
間。延寺栖止。說法度生。土爾扈特厄魯特游牧部落。頗信從之。咸受

約。今日八英溝憶汝。可能飛箭射天狼。

小除日約六潭同守歲

濁世胡仍效獨醒。屠龍亦且付湛冥。正愁臘尾年垂盡。何幸天涯劍合併。鄉味吳羹使一飽。怨詩楚調索
誰聽。舞筵俱礙迴旋袖。莫笑書生未勒銘。

于湖小集 詩三

八六

和

天台王詠霓子雲

一甌餉我醉兼醒。共注辛經撰罔冥。肝膽照人非楚越。交游殘臘憶幽并。相逢爪印泥中見。隔屋書聲枕上聽。兀坐六時蓮漏永。同參迂叟布衾銘。

于湖小集

詩四

第三歲日試筆乙未

雲霞鄧西麓。鼓角胸東門。時登萊威鳳何時來。裴裒孤竹根。天門氣色麗。地肺金碧暄。所祈年穀熟。以响民物芘。休沐輟出戶。蹇步聊自存。以病足乞假旬日我慚廢荷鋤。坐飽春盤飧。婦稚不栽棉。布襖有餘溫。烏寇何時滅。軍書紛濁煩。新花照淨几。孤雲隱遠村。道經既度架。濁醪亦盈罇。枯坐方寂歷。誰與證心源。

題舊林畫

青山澹無痕。老樹寒色靜。不見謝公詩。竹外山猶影。身世雲林感。烽煙寫殘山。欲栖塵外去。梅里棹舟還。倪高士有一小幀如此此仿之故作倪語茅亭寂無人。青松影不積。應呼草堂侶。芒屨玉山來。蕭蕭無一籟。樹石自相悅。猿鳥總未知。虛深世議絕。

六潭太守元日出遊小蓬萊閣還憩永福精舍作詩垂示奉和

公如日下蕭蕭鶴。童冠閒攜一隊遊。邊事螺紋觀掌上。勝情法曲宴遨頭。梅花小閣詩心遠。貝葉明窗野

興留持詫胡床跛居士。無窮景物仗瑤錢。

餉六潭蚶一筐。

君頃早發當回皖口

天與周旋三五期。來時冰合去流澌。雲身會欲追蛩駘。鄉味相要夢蛤蜊。响到陸洪形礪礪。現來佛髻影迷離。籃中濡溼嗤何益。付與君家斫脰姬。

懷仙術

石景山人紫綺裘。竺坡軼老接風流。道場爲護千賢劫。君方募修迎江寺塔人海無猜一野漚。功父坐忘吹劍首。涪翁未厭領舒州。宵分卻望遼陽氣。濁酒難澆碗礪愁。

先立春一日作

蘭菊冬枯春更生。媚予簪戶漸青青。媿無佳句相酬答。付與騷人廿五經。

懷節庵

春江壯風濤。美人來何遲。天地日氣昏。龍蛇相舐齕。鈍若栖菰蘆。予亦何所之。神山有珠樹。商顏多紫芝。石室信可廬。增城閣參差瓊花媚我眼。青棠慰我思。八桂環我亭。木禾秀我埵。金漿澤我顏。出抱朴子謂朱草之汁地骨起我痲。子也飛瓊吹玉笙。容成授刀圭。寒有六銖械。倦有含風漪。饑有胡麻飴。渴有丹井醅。六氣供呼噓。朝霞亦响吹。旣鍊我金骨。亦蘇我疲肌。升降乘煙風。消搖駕玉螭。倏爍周四極。豐隆導前麾。開天門。

下瞰人間冢壘壘。不辨王侯蟻。安知昨暮兒。相招入巖觀。歲晏以爲期。

北望

早春已行仲春令。江北孰與江南多。一聲將札催去雁。無數浮風如洛螺。芳洲忽憶芳草地。京師朝陽門外地名。玉螭穿引玉泉河。憐予北望氣蔥鬱。雲矚天上摘星陀。

庭花氣燥垂萎一一迤邐寔之春雨中生意蒼然戲賦

何似河東饑。移民就河內。使君幾曾費一錢。責報花枝千蓓蕾。敏惠甚細所望奢。响响爲仁真瓌碎。我亦田閒荷鍤民。何曾稍出智慮除荒蕪。養形日盜官倉粟。飢色未救疲毗菜。對汝一叢深色花。發我千種盧胡慨。花乎榮枯理亦齊。寒心未肯隨春態。一雨郊原浩蕩春。天公翦刻出翠瑩。大專槃物無私愛。何物市恩施狡獪。

懲俗

世閒盡學鮮卑語。海上都尋欒大方。可笑妄人求速化。飲泉真以慙爲狂。

喜聞六潭權濠守

遊魚育育逐朱旗。含德知民不忍欺。相望夾江爲尉候。政宜响沫到莊施。入山服食資雲母。如水清歌付雪兒。絕倒風流濠上守。載將眉嫵遠山宜。濠州有雲母山相傳彭祖探服長生卻老。

弔侍御李萼客先生

柳生肘怛君俄化。茆蓋頭憐予未歸。不堪再過藤花下。腹痛何年雞酒持。

洛中時變觸倉皇。殯室應依蕭寺傍。聚散交游如墮雨。沈薶藁草發宵光。

君令人舟卒旅殯藁花寺中。

主張似挾衙官宋。理趣曾推僕命騷。後死豈容輕落筆。瓣香祇爲寤厓燒。

寤厓先生自述前身爲天台國清寺劉

時薶何術致風雷。迴憶南床試日哈。撒手君今返何處。豐干院裏洞門開。

先生自述前身爲天台國清寺劉

史引見記名試之日大風震殿瓦。

哀旅順口甲午十有

金州鑲鑰東地維。三面倚海背負巘。戈船作隄軍器監。九攻九距輸墨機。漆城蕩蕩無不有。一旦雷轟資

虜守。虜嗤主者先遁逃。利器盡入倭奴手。嗚呼海沸神怒號。奔軍應伏杜郵刀。地盤烏櫓天險失。奪還何

日犁腥臊。

哀威海衛乙未正月失陷

我軍左威右鎬島形勝。天然鬼工造。增臺巨奔震九地。火弩水雷環百道。倭隄卻作偃月形。殺氣飛鳥不

敢停。如何黑雲朝壓壘。壯士夕化蟲沙井。嗚呼內訌梁柱蠹。億萬金泉鑄此錯。幾時鞭石駕羅梁。義旗東

指王師渡。

三至游篇

曾哲浴沂諷雪

露瑩蘭阪。氣霽瑤流。言攜冠稚。逍遙步游。祓滌垢障。散朗長謳。無心觸境。樂哉斯邱。

楊凝式意行出郊不計路之遠近聽御者東西信策所之

陳白沙陽春臺

京洛勿康。乞歸邱樊。臺非明鏡。池有宸尊。物我齊契。何時不春。野花糝徑。停雲隱村。

到舒州

春生枉渚。碧鱗鱗。夜望丹樓似隔塵。江月有情來照客。喉燈相迓。喜逢人。海鷗爭席從相狎。陽鱗忘機那更噴。又過舒州禮三祖。塔光可許誓三身。

正月二十三日雷電次日雨霰雜下感事抒懷慨然有作

物儉民勞。宇未恢。腥風直逼琅邪臺。陰陽氣尙辛黃戰。刑德差凶霰雹推。左郡傳烽沈鹿島。邊軍擐甲倚龍堆。春心萬里愁如海。日見津亭北舸來。

仙術僉事生日

生近醉吟居士日。詩傳山谷道人衣。憂時且挽黃閒弩。入直長懷青瑣闌。餐九還丹生羽翼。握雙虎竹有光輝。時範攝分巡首郡兩印如公定入參朝論。一破盈庭脂與韋。

懷富雜詩

少時讀選苦不爛。大字明珰今眼明。老學庵供續兒讀。評箋掃盡葛藤縈。昨得新安吳勉學刻大字本文意疎相貫便於老來稱讀

官閣蕭森丁令威。花光鶴柴洞開扉。新詩妙擬寒山子。參得西天一箭機。丁廉使示以擬寒山十五首予也趣

人倫東國老林宗。春夜留連琥珀鍾。餅似輕雲三韭脆。燭垂紅穗一花穠。仙湯夜招

重圍北枕集賢關。荒壘饒烏戰氣閑。無復八分完白交。喜逢驍將謔登壇。韓提戎大武渦陽人駐營北門外談同治中戰事

幕府征西氣色新。翩翩記室兩畸人。顧綸青方百花潭北晚歸去。裴杜相逢興有神。綸青夜歸步訪予於旅寓

北軍蕭斧刈蒿蓬。聞幫辦宋公慶在使節新傳簡上公。飛將不教南下馬。樓船重整水中龍。

淮西天下勁兵處。精練烏傷戚法宜。不用陳豨賈人子。當恐臭腐出神奇。近日廬州將弁多嗜利不可用別觀

江介縉泉因斂徵。六千君子合猶能。輕裘仗有南城老。不使疲氓苦郅儻。中丞務寬大休息民細長吏之言利者戒勿苛斂晚議添募兵

二千六百八
備緩急征調

釣磯突兀迎江寺。一塔穹然峙碧空。下瞰奔濤日千里。旅愁頓豁茶煙中。
勝題竟非內史筆。何物僉書來亂真。不見龍跳波磔迹。令人失笑樅陽門。

簡黃公度

白壁雄談致一雙。指摠夷隸歷諸邦。南庭都護治紅海。君開南洋羣島總領事府於新嘉坡西使高輜擁碧幢。頭白虞衡新
作志。足音蓬壑喜聞登。於今龜拯資方略。不獨騷材賦涉江。

問北來消息

詩客
白下

兩京信使葦雲遮。精衛思填沸海沙。窮塞玉龍哀怨笛。春蕪金犢去來車。星芒直北知兵氣。風暝征西待
禡牙。地肺紫壇朝玉帝。銜恩黃雀獻金花。

和陸閣校莫愁湖之作卽送其歸四明

十頃湖光萬斛愁。折梅璫札寄西洲。瑯闌素手明垂玉。綺席朱顏怯送鉤。姑射仙人敲絳樹。平頭奴子護
香篝。遺愁愁已知人處。誰是登樓銷百憂。
梁代豔歌花似雪。中山湯沐氣如龍。十三織女金梭妙。第一功臣鐵券封。花發陌頭歸緩緩。蒲生池上采
茸茸。試看油壁車行處。春水生如綠酒濃。

灑落君臣賭劇棋。腰閒長箭虎熊姿。禁中玉帳方謀帥。湖上金支尙閃旗。收泣新亭曾相續。張筵別墅謝公儀。大航兒女休愁思。近倚尙書拓遠規。辛未六月湖祠落成。湘鄉曾侯相。集賢僚。酒半語吏部郎范洪雅存。後近六十年中所未有。今南皮公繼湘鄉持節。若有先兆者然。

喜遇天隨風送翰。未偕游屐雨馮欄。草生朱雀新航路。花發胭脂舊井闌。沈水博爐絨遠思。朱弦玉指發哀彈。與君同是東華客。何許澆愁洒琰寬。寥落同科宿草多。羨君遠性就煙蘿。育王碑尾兼庸峻。延閣詞頭絕唯阿。瘴海交稀孝章在。青溪祠曲蔣家過。東西勞燕分飛頃。蕭瑟飛騰奈爾何。

行經冶城有感

閣尙飛霞聳。人今墮雨稀。曾相設書局日。寶傑最盛。冶城春已半。未見一花飛。撰蔣山傭杖。舉王內史衣。清談懼廢務。祠榜有光輝。亭林顯先生警厲此。

汪仲伊山長以北黟所產野朮黃精見餉賦此爲謝

天都昨夜雲海涌。春湍出峽衝浮航。奔騰急漩竹箭駛。渾渾下注于湖塘。飲之含芝朮氣味。能起風痺壽命長。時山水下。弢廬仙乘古槎至。談經發匿三鱣堂。江汪講肄振墜緒。慎修雙池。兩先生。如雲出岫雨其鄉。鰕生得從高正後。赭岫艸木迴清光。手持靈藥遠見餉。封裏鳥獸形模強。丹沙泉灌百圃殖。老榘陰覆三桎香。由

來神物。菱穎茂。千二百歲青玉芒。軒皇金鼎餘瀝醉。日夜滋息靈苗秧。地仙擎獻山魘饔。出佐不死丹邱方。譬如有道君子見。根葉花實皆可嘗。以調家國元氣苗。毋使野葛來相妨。黃山之高三萬仞。馬薊鹿竹仙人糧。合成青黏漆葉散。液液春澤生金漿。劉涓子葛稚蒸續曬。久服輕體凌風翔。先生內養資道勝。童顏不藉服食詳。延年卻瘴起我憊。潤我藜莧彫枯腸。傳之天老九製法。功用妙抑陰扶陽。我慙智昏外臺祕。素飽未拯疲眈康。方今海寓苦軍旅。國論正賴醫師良。會收先生作漫朮。時捫肘後祛珠囊。刀圭出治萬人疾。豈止賤子饔餘糧。詩成報謝無長物。惟願柳栗相扶將。南游黃海採上藥。合丹以藥民如傷。

三長物

一螺點漆程君房。幾馬藏經貝多葉。并與黃公斷硯碑。此卽吾齋三長物。

次韻滌儕見贈

大隱誰知善閉關。挽強常有好奇顏。人中屈軼奇君直。溪上春鉏笑我頑。新野久茱清德頤。漆園近綴列仙班。便應不墨酬清語。春夜微風動屋山。

東庵

有勝曰小蓬萊閣

于湖雖壯縣。攬勝卻寒窳。終年吏卒守。局束嵇生踣。坐穿一藜牀。填委千束筍。客疾動經時。遊屐今始華。盡捐內外養。穀豹付一蹶。東庵足未到。賴得彭鏗引。印根先曲蹊入荒灣。精舍闢虛牝。種宜明玕竹。階苗

連珠菌。小閣頗崢嶸。勝題盤洲晒。那得蓬萊觀。猶堪弱毫吮。會稽有蓬萊閣洪文惠刻隸釋於此欲祛形役累。赤尉罷趨尹。蕭寥人間遊。寂漠物外軫。情如退院衲。寒栖甘菌蠢。幽居吾何能。用拙差可允。

簡友人

東道主人推老遲。南來衣法讚融師。明春定約歸耕去。陸瑁湖邊載酒卮。

世事蕭然斥夏畦。笠煙簑雨共扶犁。殘年只愛南村交。摘葉新書野史題。陶宗儀天台人晚作松江廣公。

江上放言有小引

鳥索侵陵。僂焉不可終日。根觸幽憂。四序非我偶記。杜公絕句云。一夜水高二尺強。數日不可更禁。當南市津頭有船賣。無錢卽買繫離旁。擬與同社印根石。筇約齋子與諸先生。約賃一小艇。繫之解後。遇風和日妍。近山佳可游。則縱虛舟逸棹。或載酒一斛。乘興輒往。滌公所云。天宇奇寬。日月奇閑者。於此電光石火。三千剎那頃。或一遇之邪。信遇之。庸非世出世間。極閑適之境邪。又何憑生慙亂。抱杞人之愚爲包咸云。放言實言也。將杜口不復言世務。故以放言名篇。

樹樹秋色。山山落暉。阮生路窮而抱慟。楊景度浪漫而不歸。夢中浣花老翁。忽授以解脫法。爾曷不買江南黃篋舫。繫之廣莫之野。辛洲赤城之厓。春秋佳日。乘興去。道流獻侶相扶攜。載蘭陵之美酒。任篙工之所之。轆菰蒲之清淺。玩圻岸之崩移。攬白雲之倒景。弄流水之清漪。聽松顛之唳鶴。看蓮葉之巢龜。擘東

皇之麟脯。隱南郭之烏皮。山根一片霏花雨。石髓千年養玉肌。左控青瑤之容與。右睥素威以逶遲。東西南北皆欲往。千山窟兮萬水涯。林蘭吐兮縞夜色。木槿榮兮絳朝姿。披丹經兮蒼蘚笈。捫古隸兮紅崖碑。饒蛟流涎兮古潭腥。飢鳳啄實兮竹花垂。天光冥冥兮青欲雨。石髮濯濯兮碧如絲。冰漿劃留壑兮。沈南皮之朱李。春酒斲虎魄兮。澆戎州之荔支。徵西母使獻白環。責北戶來貢靈犀。畫東紅海以爲郡縣。割北鬱洲以爲藩地。睹瑋瑁而開廟略。牽蒲梢而揚皇威。周流四方。上下逐雲。將乃返憩乎故鄣之麓。分江之涓。青山謝眺宅。石壁涪翁祠。更炊榜人之爨火泥。飲田父之瓦卮。起干將問劍術。敏文殊之洞扉。有時醉倒習家池。主客爭席。張水嬉戲。折青蓮花。交錯觥籌資。黃山雲海生眼底。海鷗拍了拍不疑。鷗耶人耶。參橫月落兩同夢。亦如惠爲魚周爲蝶。混同物我無所於參差。此時適志與否不可知。但覺冥冥天地合。浮邱仙人駕鶴騶螭。來迎毗耶城主無言師。有時柴立默不語。有時妙論縱橫馳。我聽此兩人言語。若可解。若不可解。忘卻青山白雲朝舖糜。延緣葦間唱韶濩。不厭日出言支離。兩儀自有好日月。今我不樂將奚爲。

江行望池州諸山

雲蘿九華髻。雨氣入江深。不見陽明老。超然宴坐心。此中有佳趣。隱者呼不出。遙想茅庵人。朝參雪色壁。

寄印根

直性會稽箭。英詞岫螭岑。耿介詎諧俗。離羣難處心。疲疴媿障縛。遊目一開襟。世累付澹忘。不忘空谷音。江介移芳蘭。光風汎中林。無人採而佩。於蘭何憾歆。和以紫芝曲。寫入青瑤琴。賁之玉堂上。期爲藥石箴。但葆奇服婢。不受外物侵。申旦舒州道。濁酒成孤斟。何時眞避世。把臂憩林深。

陪約齋印根兩先生晴溪參軍泛舟入荆山湖二子櫓梁迅

野興青霞客。行吟白雪徒。乍乘秋水駛。適御好風俱。槭槭津亭柳。蕭蕭緒岸蘆。言尋鍾乳穴。欲訪石魚湖。杯泛荔支綠。筇攜靈壽臚。酒船相枕藉。藥牧任喧呼。野市問幽徑。老兵資導吾。布帆六七里。淨界中千殊。環漱生鱗甲。雙嵐拱鬱紆。雲移錦步繖。天覆水精壺。方丈不可到。洞庭張樂無。樵風拾仙箭。匙雪飴雕胡。沈子漢三老。彭鏗湘一儒。未投驚坐轄。喜佩入山符。淦淦蘋千頃。搖搖荻萬株。土風疏越紐。物產錄吳趨。雅說君謨蟹。詩徵張翰鱸。驅馮夷擊鼓。令象罔求珠。近矚翠散髻。橫開麗像圖。千賢刼滿月。何代手鐫摹。龜儼接伊闕。祠兼賽紫姑。平汀絳蓼繡。絕壁蒼藤枯。飈引層波阻。菱牽百丈粗。帆迴過小異。句律境追逋。云產和氏璧。鵲飛嵐氣晡。試捫歐陽字。蝸篆石紋無。荆玉何年採。胡僧此結趺。湖嵌望佳氣。暉麗近元都。奉穀平野綠。宛溪清景姝。羣公會秋禊。風趣似沂雩。

望大荆山作棹歌十章

紺林叢剝山之腹。千佛厓應梁日鐫。想見題名徧寒壁。卻待杪秋攜蠟。山靈招我重游屐。樵路秋晴擔綠醅。爲數歐陽使君後。幾逢佳客拄筇來。不逢競渡端陽日。舉袂風山繁吹音。士女明妝曜洲渚。畫船齊榜出花陰。定有異僧巢樹巔。裏糧避世來坐禪。隆冬淨掃枯葦海。九夜悟徹智珠圓。小荆側落驚翻翔。大荆橫臥青瑤床。玉山採玉人何處。終古煙鬢明鏡妝。水花紅似綴瓔珞。石髮青倒映琉璃。平蕪淺水渾少岸。蜺羅河頭筏渡時。小艇湖明光接天。蘋花蒹葉霏青煙。楚天月出櫂謳發。何異清淺蓬萊然。引杯看劍六人同。但乞朝北暮南風。石尤留客知有意。紫磨輪看昇海東。二更歸來月已西。兒童拍手唱銅鞮。推擠不去無善政。或似謳徧豹居齊。諸公皆似神仙入。入世間法任一眞。攜得山光滿懷袖。栗尾寫入溪藤皴。

寄仙衡

十年滯龍舒。尸祝徧窮陬。一朝檄鱷恠。剖符向炎州。時新除惠州嘉道待奉檄乃之官嶺云來勿算。舒言挽不留。紫芝好眉宇。食息抱天游。不工長官趨。日爲黔首謀。桃李羅後堂。桑麻課先疇。春泥巡叱犢。野趣狎馴鷗。粲花論絕妙。草艸涉多優。頗勸我獨宿。太常齋律諏。豈惟舒父老。撲留君行騶。予拙少所可。麀人呼馬牛。偃蹇頗

寡諧。選君獨低頭。奪我同官友。天南水蘭舟。予與父老心。江上均離憂。君持海國節。丹沙採羅浮。何年復來還。青山捫謝樓。倘遇鄧道士。爲問無恙不。乞桂酒少許。遺予散千憂。或逢黃野人。丹訣資冥搜。道惟靜者得。和理日蒸醅。今君未戒途。除書迫相求。預緘索居思。塊予將寡儔。寡儔亦何損。度世期真修。他時赤城遇。一笑三千秋。

二十七年前游焦山。山僧揭鶴銘。售之客云。此本山土產也。意洒然喜。予謀刻焦氏老子集。注如成。以之分遺。知舊豈非寒齋土物乎。因趣楊仁山兄爲速刻之。

卻憶焦巖淨侶曾。餉人一味上皇銘。予今亦出五千字。催取仁山好殺青。

南田草衣畫

幽谷穹林晏坐便。茅堂晝寂煮清泉。仲長天隱瘖如許。貪看溪光石上眠。

姑孰道中

秋色無邊淨。秋巒翠轉妍。漁郎罨蒙密。茅屋散炊煙。舟度屏風曲。江空明鏡懸。林端一塢見。沙上羣鷗眠。吹浪江狔出。盤空野鶴旋。吾家詠史舊。租牒意行便。牽起丹厓削。懸流碧玉泉。寺藏修竹小。磯撼浪花圓。表墓題島佛。尋山栖謫仙。中多隱淪者。葦際爲延緣。

秦淮酒舫詞

不知秋色日蕭蕭。烏柏林邊泊畫橈。貪看夕陽山色好。清溪幾曲蔣家橋。
酒祇清愁爾許深。花消英氣夜沈沈。三山風息狼煙警。萬里秋生鳳闕心。
座中東馬不凡材。會者七人公度次洲仲魯禮卿皆在座曲裏西烏繁吹哀。餞送銀鞍承旨去。雲谷將行催將畫舫莫愁來。
風景倪黃百感生。衣雲樓下千燈明。那堪瓊樹清商曲。都作陽關變徵聲。

長句八章爲督部南皮師生日壽

鍾山佳氣鬱輪囷。昴宿光芒嶽降辰。志闢風輪兩紅海。符開日馭二黃神。亭林勝久辭生日。荆峴屏惟錄
撰人。雄略平填胸界闕。欲麾蛟鰐使梁津。

霧迴地肺潤生霖。功德泉環功德林。八尺銅儀占地動。千秋鑑錄格天心。方聞壯武知龍鮓。大筆燕公出
碎金。自寫當天心白日。用公壽瑞安老入句蘭薰雪澣照清襟。

八州恩綽節三持。一壑丹邱燁未宜。人繡香山傳畫像。帝旂壽杖刻桃枝。籌邊樓峙平泉略。山澤閒融謝
傅儀。將冠熙朝讌千宴。指攜若定廓清期。

扶桑祇欲倚長弓。精衛刑天障海東。曙戒風規曲江老。坐謀廟略贊皇公。區冶鑪開利國監。孟勞匠課定
秦工。久推武庫羣流仰。但結荀馮使洛中。

江左夷吾練布衣。山川洗滌作光暉。葛侯自造連珠弩。魏武能爲發石機。偶出銀紆艸隸妙。屬離紙背霧

煙霏過江奚止持三論。法語由來摧箭圍。

締造艱辛綜覈精。無窮跋扈出縱橫。北溟惟救禽魚壳。頤性行重讎鹿鳴。儀徵阮公年七十。蒙賜頤性老人鼓。延齡。極額。晚自號。頤性老人。鼓。

鑄祥金看躍冶。樓船蓋海拓祠兵。玉瀾待續名臣像。不數桓榮漢五更。

自開衡嶽雲千朵。倘致車書會一同。試鑿淮源秦白下。不貪寶氣賈黃中。冶城鱗聚吳才集。書局星羅宋

槧工。一洗南朝四學風。

蕭然山館。開雞籠。賈黃中。南皮縣人。嘗帥昇州。

玉帳珠鈴仗總持。山開幕府水融澌。會昌集敍期商隱。迂突門風許器之。鄂渚造船流柿下。諒山奏凱勒銘奇。欣瞻筋力風情在。只似初龔嶺嶠時。

祖筵送雲谷別

海國秋來風景殊。青楓赤岸悵歧途。大蓬再入修門道。危局今誰杖節扶。玳席歌衫助蕭瑟。清溪畫舫減權娛。能調平勃安時論。好去西京陸大夫。

游雞鳴寺

翩如鸞翮出樊籠。古刹猶憐中大通。地本梁同泰寺。同泰大通。雙聲反切語也。乳竇旁連泉復穴。層湖下瞰嶼浮空。崇巒襟帶龍象氣。獨立縹渺蓮花宮。晴雲夕捲潮梵去。天末杳杳望冥鴻。

又

留著臺城一角。天教閱盡興亡。招來七客同醉。碧樹丹楓夕陽。
小立誌公臺下。尊形受衆山籜。清秋搖落爲氣。島索神皋日銷。

不使浸銷元氣。新亭收泣須人。諸公努力治事。風雨雞鳴守晨。

丹臺裁過十仞。上薄霄漢超然。瀟散雲行虎步。治城何必前賢。

片雲王謝共登。治城事見本傳。仲殊畫四賢同游。越中贊云。諸家太傳。落落龍驤。兼虎步。右軍將軍。蕭散精神。一

登北極閣

蓋蒼毅若同游

天風吹送上丹邱。攜一青藤到上頭。磴道螺旋疑切漢。後湖煙澹恰宜秋。青絲白馬禪觀徹。紫蓋黃旗逝水流。十廟丹楊沂遺愛。練衣蒲扇勝情留。

前大府改述十廟。首祀東晉揚州牧王文獻。謝文靖。梁主而殿。以兩江使相曾文正。皆有惠政。遺澤於民。祀之。

贈徐次洲

三十年前同海舶。老俱面皺付河觀。銅駝閱世索長史。青兕前身辛幼安。君佐戎旃草露布。我思釣瀨把漁竿。相看才力猶強健。濁酒彈箏興未闌。

留別公度

嶺表嶽崎白下輶。木犀花發喜重逢。登臨不負丹邱興。感慨頻傾綠酒濃。三品料姑儕仗馬。千金技久蓄屠龍。明朝挂席方山別。黃海清游約拄筇。

顧子朋招集烏龍潭北別業

園林奄有全湖勝。開傍餘霞翠作堆。不爨清言魚出聽。無機啄食鳥還來。芒屨烏臘新歸客。君新自美酒蘭陵數舉杯。千石何如一逢掖。潛夫門對古祠開。地本顏魯公放生池。潭之南有祠。

靈谷寺僧公度往遊

龍蟠鍾山腹。一谷藏其中。異境開竅豁。叢薄環玲瓏。坡陀拱臥虎。奔湊來朝宗。松門蒼官列。庭諍古三公。蜿蜒一徑出。稍循萬竹叢。冷泠導笙鶴。習習駕天風。亂定金碧燬。颺颺窟琳宮。至今把茅住。蠶房方斲礪。何當開山祖。伐翳芟蒙籠。蹴蹋振龍象。飛閣麗長虹。運來會有待。道泰興靡窮。層湫旱不竭。條燂潛虬輓。石林何冥密。禱輒致年豐。朱湖小洞天。幾並國山封。緬懷神僧蹟。梁塏明栖霞。千花瓔珞麗。九節菖蒲茸。烏瓜紺髮闕。宰波石函空。靈輶市朝隱。詩緯神霧濛。千年安般坐。一夕他心通。奎章爛雲漢。山氣天香融。景陵南巡御書聯勝前堂云。天香飄廣殿。山氣宿空廊。龍象有興廢。山川長鬱蔥。我偕黃初平。攀翻楮芙蓉。鍾山上無草木。望之禿然若楷。試酌德水味。次禮塔光雄。手持青蓮花。來訪祖師春。願借鐵拄杖。鏗然叩鴻鐘。淨掃真妄障。一鉞羣生叢。

是日禮誌公塔

蕭梁餘一塏。栖建蒼山陲。我來清秋日。溪澗龍湫移。山果丹瓊細。林衣翠紛毳。宰波射西日。洞林迴清暉。懋然衆籟歇。德水淨琉璃。正法折慢幢。金容變遷儀。當其市朝寄。識記若蒼龜。非關鍊營魄。至誠自前知。

刊落附會談。剝絕怪誕辭。水旱禱輒應。永作人天師。至今山鳥下。掌粟啄檀施。道風無休歇。理窟支離。淡言諷世主。主闇了不知。同時初祖忤。北渡折蘆簑。風塵俄頃洞。白馬韉青絲。亦有陶華陽。砭時坐論非。棘生昭陽殿。坐受單于欺。農戰不預修。文儒競夸訾。梁天監中任昉發策語恆星談夜落。劫燼辨灰飛。清談爲廟略。坐令凶頑窺。彼游方外者。曙戒洞時危。我禮遺塔古。靈臺極憂時。何時證淨業。遺偈參科儀。蘭菊長無絕。津梁應未疲。

半山亭

前游蕭瑟淒淒趣。同治己巳來遊此山風景幽遠灑然異之用荆公均作詩五章。蕪蕪今看久不治。細澗猶通八功德。殘僧罷習四威儀。梅花斫盡供樵擔。苔徑依然繡石衣。惟有登高吸煙靄。三山不改舊時奇。

上謝公墩

巖桂敷馨發。荒藤草棘深。長筇想此挂。濁酒孰同斟。世變安棋局。神閒出碎金。風流文靖往。我輩一登臨。泊牛渚磯謁太白祠

江月何年來照客。桂樹叢生於壘陽。長風萬里送挂席。羽人迓我丹臺傍。乘風欲去謁金闕。山寒桂蠹花不實。閭闔煙霧不可開。墮落青山東石室。帝旁投壺侍玉女。電光倏爍風雨阻。客不得歸。金門持戟作歲星。夢覺身在青牛渚。仙班供奉呼不應。神姿玉映餘丹青。二豪祠宇連雲起。何似蜾蠃與螟蛉。錦袍犀帶

醉不醒。玉山積然風泠泠。黃山碧溪遊未徧。江上列岫青金屏。丹邱逸人不可作。枉渚慙然風浪惡。一杯秋菊酌溪毛。更向黃山採靈藥。

然犀亭

然犀得禰事良野。萬頃奔濤巖下瀉。何許馮夷水伯宮。金支翠旗出深夜。洞門千年始一開。中現松子金銀臺。朱陵地肺潛通透。鈔取華陽雲笈來。何人燒燕致神物。豈必水府燃犀瞰森鬱。君不見梁日浮山堰。忽崩萬千龍鬼浮空出。

峨眉亭舊址

太白家於蜀。晚栖謝公之青山。峨眉瓦屋不可見。萬里變滅雲霞間。登此巋然一片石。望鄉欲挂乘槎席。孤雲落照煙濛濛。不斷吳天楚天碧。下有絕壁栖鵲巢。俯瞰龍宮氣沓寥。伯昏二分足垂外。攜斥八極神理超。吾鄉賀祕監。呼君謫仙人。君騎白黿去寥廓。我來捫葛攀勝因。魯連蹋東海。子瞻謫羅浮。誰歟過歸故鄉乘款段。峨眉山月三百秋。且攜天臺瘦藤杖。游戲赤城與辛洲。

太白祠有國初蕭雲從畫壁今亡之

四壁樓觀非復舊。千年妙畫失通靈。脩然洗出真山水。碧嶂摩圍作畫屏。

廣濟寺

微徑出東麓。巖栖結構牢。雲端蜀江下。塔表吳山高。屏障四圍碧。崩騰千里濤。泉甘孔雀口。帆映林蘭皋。西竺迂神足。南洲紡落毛。石牀丹煉汞。麗像白添豪。姑射神獨立。雲將世可逃。頗持遠公律。誰致嵇生醪。定有蟻獻果。何如魚出濠。吾將老於此。謝八萬塵勞。

又贈方丈

道人居此今幾臘。侍者紺髮碧雙瞳。時呼溪狙拾橡栗。煮茶敬客琉璃鍾。夜深月黑大魚出。清梵下徹千夷蒼。水使者之珠宮。謫仙駕鶴時一至。至則風旛相語年爲豐。山中萬籟自鳴還自歇。惟有道人耳根終歲聾。

天門山

丹崖鏤千仞。下瞰江斐宮。攀蘿蟻鳥絕。長風號疊空。山戴石髮皴。萬古青濛濛。超忽攬溟渤。响噏侶喬松。上有探芝客。綠髮方兩瞳。旦日天門開。辛癸抱幽通。歲晏一華子。精誠動昭融。

博望山

博望如臥獅。奮迅飲江水。江湖相飲吐。呼吸雲霞裏。下棲黃石公。上巢赤松子。石蒲九節茸。神丹一玉匕。性宜服食良。勝於餐石髓。淮王鍊秋石。八公顏顏紫。此亦所經游。長生而久視。世樂良有涯。榮觀脫如屣。吾將騎茅龍。昇而得所止。

鼎丞以濠州龍興寺宴集詩寄示次均答之

遠驛將疎麻。停雲暖深櫺。遺予青琅玕。蕭散澹塵慮。爲語精藍游。不殊冷風御。濠梁有嘉招。芳醴無淺酌。六潭吾故人。別緒黯煙絮。與公驅蛩并。妙得山水助。列城息鳴桴。披襟寫元箸。治如小鮮烹。泥飲田父譽。丹經授劉安。汗簡箋郭恕。美蔭蘇喝人。條風灑明庶。未忘精衛銜。試叱王尊馭。封豕恥待雪。亡羊戒當曙。玉斧劃未成。珠厓棄何遽。世屯遲君康。淮淝勁兵處。刮掃赤岸霧。蕩滌青邱淤。還祠穀城石。功成拂衣去。觀褚臨楔帖鈎本

無數瘦金鈎勒離合。形神兩忘。環肥不若。燕瘦張艸。猶堪雁行。

松岑示我攝山寺江總持斷碑搨文

未登栖霞巔。先覽江令筆。崩雲裂幾行。巖溜痕斜出。潭思草市廬。緬想體裁密。捨宅記勝緣。開山證兜率。靈文惋惜壁。妙墨留湮帙。雖非叢刻賈。頗失艸分律。此拓疑繙刻非原石斐罔棲茫昧。佛龕瑯麗逸。流連洗藥池。碑中資攝養此山之得名所自翳映繙經室。光駭霞陸離。氣變秋蕭瑟。枉投予旅寓。殘字存體質。荒壇迴清暉。清暉照一室。

光緒乙未九月十二日。繆小珊同年自郢中來云。江令此碑。康定元年三月沙門懷則重刊。自詫眼力之不謬。遂記之。

題黃公度集後

金石叩清英。雲霞擷奇彩。探碑天山頂。握節雷轟海。詩囊西賀洲。弓挂扶桑外。隳括入靈府。洪濤瀉靈籟。瑯鏤困萬疊。剝落見真宰。理董夷夏論。廓清良可待。陋儒拘于方。不信龍可醢。讐然失故步。袍鵠越難殆。誰知四極之外六經表。大有丹邱逸人在。

與松岑遊城南

落日城南園。濠觀莊與施。裴裒池上酌。攀折風中枝。花稀天女舞。梵寂雲光儀。地傍雨花台。梁雲光律師講經處。彫落青

荷花。游魚暖萍移。獻珠蛟女散。無人吹參差。沅寥何所見。欣懌物自私。女蘿招山鬼。翠旂出馮夷。而我與

君獨坐談京洛思。拍浮丹稜汙。繫馬柳湖陂。舊游半黃壤。宿草長離離。遺編不忍讀。光芒賸珠璣。李侍御尊客朱

侍御鼎父王樞曹蕘卿潘戶部孺初鄧鴻臚伯訥京國知交數年之間靈落殆盡俯仰廿年間。奪我鏃礪資。世濁名不立。言之兩酸悲。我今彫綠

髮。君亦入霜髭。肘無六國印。冉冉日月馳。宵疏江湖上。浩蕩解金龜。努力穰苴術。登車廓清期。軍禮百五

十。篇篇含權奇。精禽填東海。猛士迴西曦。功成不受賞。投老鍾山陲。朱湖關洞天。碧樹正華滋。大開雞籠

館。戢影爲人師。君言何用爾。外物不可期。但得清秋日。陳編玩英辭。游目共忻賞。林皋足娛嬰。且攜童冠

儔。登頓相攀追。醉則茗芋歸。客知我爲誰。

又漫題兩章次荆公雲山送孫正之韻

金城種柳今十圍。遠碧芊芊隱煙陣。桓宣武所經金城正江乘縣地道經行把知爲誰。山林泉壤窮嬰嬰。堂堂白日去勿悲。吾自與君當鼓旗。飛霞結佩寄所思。天放兩鳥鳴一炊。危柯震慄惟坐不諧時。豈有虞人挾彈來相規。立談致卿擢箭圍。賜璧一雙專城陴。縱人橫人舌如卷。電莫敢誰。不如據梧隱几瘖。萬物捐書絕學自娛。嬰上蔡公子牽犬悲。要章除道擁朱旗。何如窮年專一壑。林園勝事娛清時。但抱右軍種果帖。依於班嗣老嚴之術真良規。

馬關四首

雲門作此詩極工麗。因和之。卽效其體。

萬古如斯公案無。高那肱以此情輸。裏蹠判擲填仇壑。牛耳譚言保帝都。颯爽萊公原欠術。森嚴南董豈逃誅。蜻蜓洲上千奴笑。辱酒從污宰相鬚。

秦割商於裁六里。一流頓盡媿張儀。兒曹粗解鮮卑語。虜館頻傾服匿卮。熊野花開徐福笑。雞鳴關出孟嘗遲。賣洲應有王戎禮。那恤黃圖悉索疲。

元氣神洲日夜彫。吹唇沸地佛狸驕。平章軍國真兒戲。談笑威儀復褫貂。無賴鄭飛虹得嬾。胡顏蘇武節還朝。陶侃平臺城之亂。譙王導曰。蘇武節似不如是導大慚色。吾鄴臺下奔騰水。不洗牽羊使者軺。

蒼海胥濤爲不平。郝君心術未分明。有人夕賣盧龍險。俄頃朝捐鹿耳城。和璧難期秦柱返。鴻毛肯換太

山輕阮公湛醉六十日。有女如何肯與兵。末用王藍田斥桓宣武語。

懷雲門

渭渭滔滔東逝波。秋來樊子意如何。錨鸞不改嵇生雋。射虎何嫌灞尉訶。天遠秣陵餘綺麗。雲開蓮嶽鬱嵯峨。舊游賸有樊山在。江上千重隔浴螺。

兩江節署西園中有石船洞窗窈然橫臥水際奉師諭此船終古不行尋丈常住邪抑本無住邪試具說其誼獻偈云

船已到彼岸。故湛然常住。朝南募北風。船性無所忤。

二

石船住沙界。用周沙界外。含一切慧業。定相長不壞。

三

常住本无住。寂中起照用。時於三止中。鑿透三觀孔。

四

此象南嶽下。湘西石船山。衡州有石船山。水歷行人司行人王而農先生隱居著述於此。湘鄉相侯初營解寺。則而象之。儼鄉先輩也。了無戶牖障。日月梭雙丸。

五

東方波句國。樓船聚窟穴。鞭石駕長虹。摧四魔軍滅。

六

八風操八槳。大地負一舟。以筏渡衆生。彌綸无罅漏。

溪橋宴集

已彫菡萏歇紅秋。爲喚觥觥漾碧流。香界衣雲吹不散。天邊眉月吐還羞。梁歌子夜鈿蟬曲。郢客才華白雪樓。酒祓清愁總无賴。長千秋袂漫重脩。

和節庵

更無雕鷲擊高秋。金石波中詎肯流。且把芳樽澆礪硌。從擎碧碗列珍羞。歲星依隱三千牘。玉宇高寒十二樓。天闕遙看接銀漢。江湖難忘是靈修。

又上稟庵

京洛縉纓隔幾秋。丹邱柯老冠儒流。史才兼採蜂資蜜。經術潭思鳥養羞。賓攬東南多竹箭。雲浮西北有高樓。著書判解金龜去。一證黃梅面壁修。

詠史

莫倚冰山作泰山。霍家甲第與雲連。誰知事敗蕭生手。露索前時困抱關。

快婿曾聞范度遼。昔曾雄峻致煙霄。一朝失勢監奴共。誰判芝蘭與艾蕭。

陪筱珊太史登小九華

秋林丹翠駿。攀陟拓佳觀。北枕連江乘。南衣關戒壇。峯波迴落日。蘭若瞰浮瀾。眼底青羅帶。同驂上界鸞。
壯縣市塵遠。平津煙火繁。巖僧慵臘課。潭樹浸秋根。欲建丹臺頂。予規復一覽亭。令山僧識其處。平吞赭岸村。潮迴吸力大。倚薄一天門。

微徑塔邊上。孤雲天際歸。衣憐京洛舊。歌和郢中稀。羹臠石華瘦。木銜精衛微。何時兩薤劍。霄漢逐騰飛。

一覽亭遺趾

茲山舉起信神奇。渴飲江流掉尾螭。下瞰平疇成鼠書。仰攀霄漢罨渾儀。何年斧劈丹沙峽。臥想蘊椎碧落碑。景物無邊供一覽。匡林紫氣隱叢祠。

送筱珊別

躡屨南游亦一奇。翻成鼓鼙送神螭。右軍久落桑果帖。謝傅何妨山澤儀。買骨周郎期復將。蘇湖東門外懸鐵棺。有周公瑾墓。噉名杜癭笑沈碑。何時徧洒天瓢潤。一禱神山景武祠。結山五里許。神山有李藥師祠堂。方志云。水旱禱輒應。

思子培

相付名園卉未薪。頻年桑海祇傷神。沈侯日想犀園瘦。李老追憐駿骨塵。謂尊客。服食惟應資散力。馳驅勿

使枯天真。籠中麟士鈔書富。螻蟻王侯豈足論。

二

擊汰南溟望北溟。白雲隱吏想儀形。海銷烽鏑危柯靜。天著林巒遠薺青。符竹祇妨高坐韻。紐荷預約艸堂靈。從登白紵山開讌。判與樵夫共醉醒。

署西偏園中新作茅亭。榜曰避世。

蓋頭蒼茅住。把臂入林深。豈藉鑄龔識。捐書但陸沈。

丁徵君示我新作咒觥一製殊奇古。刊度合法將藏弃。之以俟異日爲錢璵沙竹根如意之獻。并作小詩以謝徵君。

島夷臙觸五兵犀。截汝嶄巖作酒卮。譬漆月支爲飲器。徵君始出笑顏貽。王業邠人共舉觥。昭陵景氣望庚庚。雖然身在江湖上。老筆南山頌尙能。性無鄭老一斛量。亦乏東臯五斗才。判向江南竹根臥。田翁注瓦枕莓苔。江湖留滯望京華。陟彼高岡雲日遮。豈暇傾壺就沙飲。願持朋酒祝稔遐。儉德竹根如意見。裕陵手詔答錢公。此觥留作野人獻。法酒還需黎庶同。形模奇古角礚新。物勒工名製似神。拉得徵君齊酺飲。聖雲孫又六南巡。

思京邸舊園景物

寶 栢

依隱王城十七春。棗甘桃酢未全貧。故園物色今何似。幾度秋光似轉輪。
修竹壓檐經列架。鱸羹一炷誦南華。名園聞屬東陽丈。慶汝遭逢得主嘉。
豈止清修再宿桑。園中松菊未應荒。卻輸一事江南勝。碧樹霜前積薄妝。
今沈丈居此園。

和栢女

交枝併作十分春。明媚韶光不厭貧。赤移丁香無恙否。暗驚歲月似奔輪。
有竹無池未可誇。坊開履道近東華。胥疎今落江湖上。九日蕭疏笑孟嘉。
攜得清齋靈照女。休論邊事幾龍荒。江南薊北隨緣度。飽看秋山明靚妝。

南庵

能於世閒物。一切无多取。乃得湛然相。定是須彌柱。所以東林遠。陶亦熏習悟。縱浪大化中。不喜亦不懼。
惟有南庵頃。朝霞開窗霧。清景出无涯。流泉溉高樹。惠風將霽月。敝朗樵牧路。任君來取之。不厭淨勝趣。
朱顏雖易彫。白業不改素。僧无五漿迎。客有半偈寤。簪衣珠旋拾。淨域金誰布。儻然捐書遊。亦不滯章句。
聞致仕納言黃丈來遊白下。悲喜交并。斐然有作。

王室知公滿百憂。珠厓割棄坐忘讎。拂衣迴望丹棱汭。策杖重來白鷺洲。戰伐蟲沙何所恃。蕭條桑海不

勝秋德星且喜臨江表。舊是文衡擁傳轡。

又

往時禮殿闢文翁。浦澈沙鷗也識公。下食六龍還侍立。登朝一鶚獨摩空。夷吾玉帳開江左。謂南皮君實深衣憩洛中。意氣由來騷斬合。仗迴板蕩振羣鵠。

次韻答熊著作

芳時旣晏孰華予。江上嚴風斷渡初。來自棲賢騎白鹿。老子簾讀校丹書。憂時三署巢痕在。避俗孤雲世法疏。錢拯無才涕時了。穀城黃石豈終虛。

放生池詩牌

伐翳初地淨。導筇飛泉出。故池今更穿。新徑芟蒙密。陰霞映來深。迴風盪蕭瑟。土宜重臺美。樹以傲吏漆。環生藤蕪叢。飲燭沈痼疾。將致戕賊魚。放之清冷汨。萬物欣得時。响濡性毋失。圓靈鏡其裏。空明炤纖悉。無筌何用忘。施食呼裁畢。誦金光明經。中邊甘似蜜。不祈瓔珞報。第使江湖逸。

又

昔遊魯公祠。勝池曰放生。白門清涼山下公愛辛真子。浮家養精靈。超然入義海。餘丹滄羣生。可嗤蕭老公。以麪爲犧牲。徒爲誌公笑。嚙空吐臆腥。使鱗羽充斥。物蟹人將攫。吾毋取煦仁。釣弋持其平。但戒暴殄客。刀砧

朱門鱗縱欲天概之。萬鬼瞰高明。三寸市不鬻。祭始魚菽盛。志在復禮意。物各安其情。不聞治大國。碎魚戒煩烹。

南窗開翳改以頗黎嵌之一室洞然

久嫌敗紙障微塵。雲母窗今製作新。虛室月裁瞻滿相。小欄花始露全身。此中空洞原無物。大鑑虛明不掩真。一任遊絲將野馬。日光看釋硯冰皴。

懷公度黃浦仲弢白門戲作俳諸句

官廚肉薄於紙惡。酒澆腸督郵似。爬梳龜手束笋堆。叢叢殘菊彫官紫。夜叉誹我未賢聖。筭折小蠻腰不起。門外驚行吏睨署。箭張酒趙喧北市。爭禁鼂殺鮑參軍。那得蟬蛻天隨子。蕭然出羣兩黃子。不受蹇淺流俗訾。何天不可以高飛。何地不可以棲止。匿胠騶衍九神州。胸瑩東方三洗髓。豈如瑟縮老轅生。投之虎圈令刺斃。行追二子洸洋遊。補劑息黥聊適己。黃浦海水深復深。白門老柳餘旖旎。青溪九曲熨衰顏。踢筵看舞嬋娟豸。

觀物雜詩十有二章

江市魚鹽聲浩浩。飛雲蓋海萬檣竿。都將壺裏天光大。攝入華嚴法界觀。欲泝江源到大西。雪山馬口淨琉璃。如何一入中原濁。淘汰難將物論齊。

萬方一概未須論。此亦南華漆樹園。言委備大約言朝市亦隱區也。俗士坐不能問津耳。壺裏又攜竹杖出天門。小九華之東地名一天門。剛說收身一

富皋有口守如瓶。餅裏真圖五嶽形。不待撫絃山自響。那須風力借冷冷。寤寐傳訣太和湯。未入辛門那識嘗。火宅灰河齊打破。漆局隨地得天光。蓬戶朱門皆可適。勿撓外物坐焚和。南牀睡起東檐暝。野鷺剛來得靜柯。太西立國政教合。今彼國勢政教離。國家權制崇黃教。借權御實可制夸。一彈指頃墮微塵。只爲從來認識神。我亦兩儀閒一物。不祛妄想不求真。躁人一蹴求成功。不點綫而希面體。豈知春氣積三微。妙用在浸不可既。湖蚌吸月月涵珠。海犀望星星入角。但持修鍊功不懈。無心得之精散出。六十小劫風雨疾。願君切莫歎滯留。猛雷猶耐三冬蟄。快艦毋令碰石尤。海宇紛紛歷幾秦。要從因地起經綸。誰持半句曹溪偈。足下生駒踢殺人。

書事

愁倚鍾山雪花落。青溪九曲黯銷凝。北邊孱將無雄略。西域材官有最能。大帥招來德國將弁三鹿耳臺。澎正朔異。羊亡渤碣覆車懲。山封木葉途將假。莫使丁零敵更乘。聞俄人謀假道吉

二

軍火金城左郡輸。渾中盜弄阿渾篋。新移延壽蒲昌節。老櫬營平竹使符。牧廠北庭徵桐酒。屬車西狩備論都。廓清隴坂今根本。尉候毋煩七萃驅。時新羅撫陶公拜樞總制陝甘之命甘督楊公予告歸里

贈汪生德潤

直簞出簫材。流波激宕迴。每期離俗士。同上讀書臺。授簡詞能對。羞爲壯始哈。刮磨求致用。世難正雲雷。

敬和

歙縣附生汪德淵允中

廣廈亟成材。中江砥柱迴。新開四阿閣。累作九層臺。欲洗儒家恥。何嫌俗士哈。講堂方日闢。結社似宗雷。

陳蓮舫比部張廉侯沈師徐陳挹霏同登赭山塢院作

勝游難得五人同。山靜雲閒曲徑通。各抱逸情娛遠目。恍邀象罔對鴻蒙。簪排楚岫浮天碧。塢映江楓背日紅。靈府豈隨陳迹腐。好留題字梵王宮。

和

華亭沈惟賢師徐

還期訪道上空同。天闕林巒盡處通。洗滌山容仗浥安。懺除綺語豁吳蒙。東傾漲海浮杯白。西射餘霞卷幔紅。遠性不爲簪組束。何妨一宿祇陀宮。

青浦陳承澍挹霏

登臨初地賞心同。舉起摩挲天眼通。寺裏鈔經覓驎士。江十散髮逐龜蒙。石林磴道攢濃黛。厓菊籬門出小紅。領略煙雲含變態。全收清景法王宮。

再次前韻

沈惟賢

佳觀清景入予同。興象鳶魚觸處通。斗絕丹厓瞻氣王。洞然石鏡謝塵蒙。屢攜家釀澆重碧。何必行廚挾小紅。竹月踏來金瓊碎。只疑身在廣寒宮。

師徐將之杭州示我注唐書西域傳藁卽題其後送別

重譯旁行孰與論。雪山雷轟好尋源。導來綠淨銀牛口。箋出金仙靈鷲門。才退輸君三十里。道西度我五千言。今歸石屋煙霞去。一綫天光手自捫。

又

建牙唐日吐蕃庭。料敵文饒善審形。丈室猶留元策笏。花天自敝毗耶經。効忠悉怛今安在。此寓近事入定班禪已不靈。太息邊城須猛士。爲吾皇守八關局。

寄牛渚廣濟寺方丈

江底魚龍貪晝眠。洞中蝙蝠已千年。靈斐夜蹋增波至。膜拜山僧方坐禪。

枯木庵

蝶爲黃野人衣化。犬舐淮南子鼎餘。枯木庵頭養空坐。不知客疾有乘除。

新種梅梧桐桃蠟梅三五十株畚鍤甫勤而甘雨適至

裁課畦丁種樹。雨來土脈齊蘇。報以來茲繁茂。花從因地敷腴。
天憐病受蕉萃。苔闌長錢破纔。何日金城見汝。幽人花底銜杯。
居士甯耽世樂。菴羅園裏收身。卻憶看花上苑。鈿車雨灑輕塵。

種鮮石斛

我無惹苴珠。立功跼蹐塞。踰遺君父憂。未鉏非種歲。鄆南晚宿留。錢柄荒園對。友貽玉一叢。蔥蒨根葉碎。
葉葉圓如瑤。寄生蒼石背。蓄之丹砂盆。待發金釵蕾。七月始花。沃以黃山泉。浸宜純酎醑。云能清熱痲。又
治腳氣痿。長憶白雲源。羅生雲庵隱。節任山魃捫。繡懸野人探。吾鄉富春山茅坪村處處有之。有人輒絕
聞於長老。山靈招來歸。攬結誰遺佩。吾衰服食須。願言樹之背。種移瀟湘間。秀出茅簷內。藥醴桐君錄。
此兒時所
方書云服之
仙躡松子隊。不辨沛時危。且耽清淨退。惟有延年資。慰予勤一概。

垂絲海棠

扇障金迷霍小王。妝新翠薄步非煙。垂絲能綰餘春駐。卻待鸞飛三月天。

憶靈谷寺

梁利明栖迹已陳。香臺熏習妙明因。花仍散落諸天淨。艸隱跣痕兩郭皴。八德水宜含藥氣。四毗沙尙護金身。歸耕只合鍾山住。煙火東田一徑新。

就柳上墅將成寄師徐

四海釀兵氣。誰分禾絹憂。五茸非我土。一念爲君留。檣植前榮榦。瓜支下溪疇。僻窮付兒輩。用鄒侯語杖策得周游。

遇周生自庵老人之孫

弊裘典盡歲將闌。落拓江南寄一官。長卷只餘黃鶴在。雨窗逆旅偶開看。

俞主簿

叢秩如簪裹。濠梁昔解龜。心期只獨行。情僞不能欺。架厂開丹閣。穿渠作墨池。誰知范冉瘦。塵甑失炊時。君曾官鳳陽簿此間祠院工程多倚辦

鍾山行

鍾山翔如紫服翼。清溪迴作青羅帶。西來三祖巢名山。變滅煙鬟倚天外。湛湛江水上有楓。北客南來意氣同。千金力士求蒼海。四學山館開雞籠。壺公風度陂千頃。玉帳軍謀安且整。夕譙佳賓出碎金。朝抄猛士操扛鼎。席卷英豪天下來。南狐東馬不凡材。何方海鳥銜散木。幾日淮陰上將臺。佳人勃宰皆理窟。瀟

澹長庚伴明月。馮公老尚挽黃閒。黃丈蕭然謝私謁。馮萃亭軍門黃梁節庵繆山柯庵黃公度盡清峻。康素龍峯松亦挾神鋒雋。錢時文武仗羣才。陸截狂犀水剗屐。鍾山沆瀣作光輝。好爲官家張國威。惟有壺邱將隱去。鯢桓何許見三機。

少宗伯李仲約先生挽詩

袖中瑤札荷忘年。一別修門哭逝川。妙迹碑林照四裔。高文制艸落三天。城西屢伴清樽興。研北猶留秘史箋。惟有淩雲臺榜在。當時筆訣已無傳。澠園舊有御題扁曰先天奉時中景物後天不考謂之三天惟供奉內廷者得至焉

操場

獵場面水界如塍。海截江剗未稍懲。艸際青絲方烙馬。掌中瓊粟且調鷹。翁張示弱操中馴。殺活捫機觸上乘。圖海家奴亦堪用。卻藏部勒費秤停。

懷雲門

渭南一老豪於筆。自倚銛鋒雋莫當。隨物肖形皆底語。齊年誰健鎮相望。馬關詩俊神含霧。牛渚江寒葉染霜。白下青門慳一面。彌天初地又何方。

南檐

新種簷簷成一谷。且於人外拓佳觀。何如柳守栽柑趣。恰似韋公種藥謾。運有歲差儒不效。行無崖異世

應寬脩脩負得南檐曝。隱几蕭然侶鷗冠。

煮藥

煮藥堪啞鈍。熬茶一似番僧。毅豹徒爲形養。問渠鞭後何曾。

雜言

手種梅花三十樹。何如移柳柳江邊。行人道是袁家渴。待過銅駝五百年。
課僮掃葉出籬門。通隱堂開淨客魂。放出一枝天竹路。苔皴雀啞似荒村。
三日芒屨不出門。焚香掃地坐忘言。忽支帖架龍藏碣。生紙描塗六七番。

小隱

自飲水明樓下水。烏皮小隱坐忘歸。中書君與人俱禿。乞借中江作墨池。

觀臨桂方伯龍公翰臣畫山水冊子次許仙坪河帥韻爲松岑計部作

此中雲氣隨飛龍。縹渺融結丹邱宮。幾人沈冥往避世。似是商顏綺與東。六十年閒論風雅。龍公語言妙天下。
正文何蛟朱伯憲韓邵西成名去。並世推公眞健者。餘事逸筆籥奔雲。豈但高詞儷皇墳。風流已逐煙雲去。計部才猶張一軍。咸豐中事習聞見。貢水沸騰傳契箭。危城饑鼠撫瘡痕。閒道羽書疾飛電。
咸豐六年公布政江帥公遠輝徒步赴湘中。銜朝旨起督公督師赴援。屹立公眞鏡漢比。鼓聲不起郊多壘。豈知鈴索玉堂閔。

妙注秋毫工翦水。未酬志事多憂虞。駭落鱗爪留寰區。儀存山澤夫豈徒。青山隱現黏平蕪。筆勢溢出界。畫無篆籀八法森。恠吁。俗工粉墨更不須。攝取一角真形圖。中有一人跌團蒲。虛深萬籟難形摹。泊然脫落身世處。淖約冰雪疑神乎。公出餘事信崛奇。解衣滂礪一寫之。我今欲買茅庵處。江上春鉏掉頭去。

原作

奉新許振禪仙坪

桂林詩老人中龍。發揮三策明光宮。晚鋤世難作邦伯。退賊奔與江流東。百餘年閒論風雅。惜抱歎其才盡下。獨張一幟追韓歐。先生私淑傳衣者。蒼梧賓從散如雲。王朱唐呂俱高墳。特餘令子紹家學。齋恨旗鼓虛中軍。郎潛華髮晚相見。同話風流去如箭。棲雅古木石城寒。遺墨爭看光燦電。卽論邱壑應無比。渴筆直破迂瓚壘。固知世有澹蕩人。輞川風月蘭亭水。先生平昔講唐虞。擺脫時論無區區。營邱巨然豈其徒。志開六合清榛蕪。故於中歲一筆無。我觀此畫驚且吁。想當萬變入斯須。胸中原有自然圖。煙雲竹樹浪蕪蒲。造次落落以筆摹。不襲以迹非神乎。江山獨有桂林奇。少日曾遊夢遶之。我欲拜公著書處。解龜欲乞江湖去。

太息

太息扶桑弱水東。中原杼柚困其空。稻糠及米成何事。剝肉瘵瘡計已窮。墨翟重胝裁四等。古以禹墨並表列之四等殆曹蜎刺齒已三公。何時害馬幡然去。竟捨天師問小童。稱然古今人

許竹簣侍郎久使俄邦未得受代歸賦此奉懷

雷轟之西天盡頭。仙槎幾度訊牽牛。未營別業東柯谷。久滯行臺北鬱洲。候館栽花紅黯黯。汗庭桐酒綠
芻芻。但期遠略工銜轡。豈惜殊方更宿留。

西洲

昨夜估船吹洞簫。榜人吳語此停橈。幾回欲寄長干札。忘卻青溪第幾橋。
霜風烏桕閉重門。夢斷西洲不可論。素手袖來交二九。闌干花影喚誰溫。

贊季漢三賢

衰季風流未喪真。卿應慚對長官貧。曹家倔起雖豪雋。不及三君畫裏人。
流傳樂府龜雖壽。豈若鍾山五字詩。微命還當猛虎步。遺書欲脫孝章危。
酒行伏地事堪疑。野物扶筇祇自怡。比牒賁高終棄去。應緣合識早知時。

魏武詩云德行不虧缺。變故自
惡圖盡命於區桑此嫁
惡名於紹非實事也。

調雲門

樊家詩派遍秦中。富既千篇一字工。宛似樓臺通歷氣。幻來金碧拄晴空。

八萬塵勞傾倒天。閣仰視浮雲太虛何心彈指之頃。幻去來今。雀毋玉抵。蚤豈山任。衆生擾擾。

牛溺泥深一切捨去了不可尋。

和雲門隗囂盤歌

略如撓酒金留犁。云是隗宮尙食者。當時索糲呼荷荷。蹇人胡能上天也。竊篠丹青殿已空。杜秦州詩語身不能容與物且。盤今流落誰何手。試取新筭傾老瓦。

朱邸瘦金鉤勒書。以贈雷塘璽主者。從來名蹟畏豪奪。豈得樊山長有也。書存盤失詩語妙。寶若柴窯亦聊且。諺云柴窯片瓦值千金。卻索和章到小生。玉盤肯拋來引瓦。

阮公耆古王善諧。乾嘉風韻少繼者。渭南逸筆殺溪藤。紙盡千番猶未也。手把燒春琥珀鍾。排悶裁詩君曰且。珠璣遠致誠難和。我憚注金姑注瓦。

又和出城遲客不至韻

想見渭南花滿縣。寺樓無不留題者。醉留東野願雲爲。那得西窗招白也。孔翠戲茗君信然。鮎魚上竿吾亦且。把君新詩闔且開。扶床伊嘯聊弄瓦。小阿茶裁兩歲。適抱之作。伊僊亞語亦似解讀詩。

壺公師語予雲門以才人而官福地海警全沸獨渭南一隅晏然如佛國故能榮觀宴坐多造語言因再調之

專城簪得鄭嬭國。冰玉雲輶爲侍者。曉寒手壁衍波箋。疑出世閒言語也。匿藏絳守軍謀祕。芝採黃公眞

樂且了不聞碧眼倭奴踞毗那。台灣本名毗舍那 黑衣大食侵阿瓦。

原作

樊增祥

偶得阮文達扇面乃成親王書所作隗囂盤歌云。隗囂宮中盤幾枚。秦州山農鉏出者。杜老吟時殿已空。悠悠況又千年也。白水真人老兵事。得隴望蜀心猶且。飄燈小雪照題詩。磨墨阿瞞臺上瓦。因次其韻。

有泥不封函谷關。陶爲飲具胡爲者。想呼文淵入臥內。舉酒相屬豁如也。建武天子御金甌。度外置之亦聊且。千年耕出土花碧。不作昆陽屋上瓦。

賢王纁素滿天下。此詩持似儀徵者。鼎彝屑尾積古齋。胡不並收天水也。品題石鼓王善謔。余得阮刻石鼓尾語多嘲諷蓋當時以初揭本獻之王邸者也 傳刻棗木吾聊且。余所收自明以來墨迹甚夥擬彙刻流布 得扇更望持盤來。莫笑貪如楚囊瓦。

錢總欲石復欲畫。吾亦人閒好事者。佳詩一字直一縑。況在少農卷握也。款署芸台少農 吟弔井蛙何慨忼。綰結春蛇無苟且。和詩剛遇雪晴佳。涼月一波起樓瓦。

假至言以修心

柱下之精意。與世善推移。洪濁亦何畏。脩然曳尾龜。未嘗聞其唱。第因而和之。朱門與蓬戶。善遊理亦齊。入於鳥獸羣。與爲无町畦。至言如可假。以爲修心規。不見夸毗子。尊知而火馳。懼然顧其後。來何衆之偕。

惑者終不解。飲藥乃愈疑。誰使汲三澗。析其煩醒滋。漆以用而割。豹因皮故菑。朝花易攀折。貞松後彫姿。但葆歲寒性。何嫌知者希。

送夢華之任濠郡

一別龍沙劫。幽憂江上逢。先生猶玉貌。緩帶故從容。剖竹人相迓。烹鮮衆所宗。行馴材武俗。銷甲課春農。

